



Broj: 02-04-2-116 /20

Datum, 21.05.2020.

ZAPISNIK

sa 3. Vanredne sjednice Općinskog vijeća Maglaj
održane dana 21.05.2020.godine u 09:00 sati u kino sali
JU Dom kulture «Edhem Mulabdić» Maglaj

Predsjedavajuća, na osnovu člana 59. Poslovnika o radu Općinskog vijeća, zaključaka Kolegija od 18.05.2020.godine, te Programa rada Općinskog vijeća za 2020. godinu, otvaram 3. Vanrednu sjednicu Općinskog vijeća.

Kao što je već u uvodu samom i dopredsjedavajući rekao na današnju sjednicu pozvani su vijećnici iz parlamentarnih političkih partija: SDA, SDP, SBB, DF, HDZ BiH, samostalni vijećnici Mustafa Buljubašić, Mustafa Bešić, Fikret Delić, Kanita Bašić i Elvir Vehabović.

Poziv na sjednicu i materijal dostavljeni su OSCE-u Terenski ured Travnik i sredstvima informisanja koji prate rad današnje sjednice Općinskog vijeća.

Pozvan je Načelnik općine, rukovodioci općinskih Službi, Općinska pravobraniteljica, predstavnici Javnih ustanova i Javnih preduzeća, kao i predstavnici čiji materijali će biti razmatrani na današnjoj sjednici Općinskog vijeća.

Na sjednicu su pozvani i materijali dostavljeni zastupniku u Domu naroda Jasminku Kapiću i zastupnici u Skupštini ZDK Emiri Drnda-Čičeklić.

Sve vas pozdravljam i pozivam da svako na sebi svojstven način odamo dužnu počast onima koji su svoje živote ugradili u zemlju domovinu nam Bosnu i Hercegovinu i svim žrtvama rata.

Molim predstavnika Službe Općinskog načelnika i Općinskog vijeća da prozivkom vijećnika utvrdimo broj vijećnika na 3. vanrednoj sjednici Općinskog vijeća.

Današnjoj sjednici Općinskog vijeća prisustvuje 24 vijećnika.

Odsutna vijećnica Selma Avdić.

Konstatujem da Općinsko vijeće može punovažno raditi i odlučivati i donositi odluke, zaključke i rješenja. Ovim je ispoštovan član 88. Poslovnika o radu Općinskog vijeća Maglaj.

Predsjedavajuća, otvaram raspravu po pitanju dnevnog reda koji ste dobili u sazivu.

Nema prijavljenih diskutanata, zaključuje raspravu i stavlja dnevni red na glasanje.

Vijećnica Selma Avdić se pridružila.

DNEVNI RED

- 1. Informacije o provedenim aktivnostima u periodu od proglašenja stanja nesreće na području Federacije BiH izazvane coronavirusom (COVID 19):**
 - Informacija o aktivnostima Općinskog štaba civilne zaštite i općinske administracije,
 - Informacija o aktivnostima u organizaciji, praćenju i distribuciji pomoći socijalno ugroženim kategorijama stanovništva općine Maglaj,
 - Informacija o aktivnostima na poticaju poljoprivredi u vrijeme epidemije corona virusa (Covid 19) na općini Maglaj;
- 2. Prijedlog Odluke o izmjenama i dopunama Budžeta/Proračuna Općine Maglaj za 2020. godinu;**
- 3. Prijedlog Odluke o privremenoj izmjeni i dopuni Odluke o komunalnim taksama i tarifi taksa na istaknutu firmu i drugih komunalnih taksa za fizička i pravna lica čiji je rad zabranjen naredbama Federalnog štaba civilne zaštite;**
- 4. Prijedlog Odluke o oslobađanju obaveze plaćanja dijela komunalne naknade, zakupa poslovnih prostora u vlasništvu Općine Maglaj, zakupa zemljišta za bašte i tende ugostiteljskih objekata i naknada za korištenje taxi stajališta za fizička i pravna lica čiji je rad zabranjen naredbama Federalnog štaba civilne zaštite;**
- 5. Odluka o otkazivanju održavanja manifestacije „Studentsko ljeto“ za 2020. godinu;**

6. Prijedlog Odluke o učešću Općine Maglaj kao osnivača KJD u finansiranju izgradnje mliječne pijace na Tržnom centru u Maglaju, u visini vrijednosti naknada za uređenje građevinskog zemljišta i pogodnosti (rente);

7. Odluka o imenovanju zamjenskog člana Općinske izborne komisije;

8. Rješenje o imenovanju sekretara Općinske izborne komisije za obavljanje administrativno-tehničkih poslova.

Dnevni red usvojen jednoglasno sa 25 glasova.

Glasalo ZA 25 glasova: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Hajrudin Ferić (DF), Fikret Delić, Mustafa Bešić, Kanita Bašić i Elvir Vehabović samostalni vijećnici, Josip Jurišić (HDZ BIH), Adis Abdurahmanović, Nedžad Alispahić, Selma Avdić, Mirsad Bežić, Delić Edib, Safet Jašić, Edina Jašić, Hasanić Šefka, Smajlović Dženit, Ermina Muminović, (SDA), Mustafa Buljubašić (samostalni vijećnik).

AD-1

Informacije o provedenim aktivnostima u periodu od proglašenja stanja nesreće na području Federacije BiH izazvane coronavirusom (COVID 19):

-Informacija o aktivnostima Općinskog štaba civilne zaštite i općinske administracije,

-Informacija o aktivnostima u organizaciji, praćenju i distribuciji pomoći socijalno ugroženim kategorijama stanovništva općine Maglaj,

-Informacija o aktivnostima na poticaju poljoprivredi u vrijeme epidemije corona virusa (Covid 19) na općini Maglaj;

Načelnik općine, iza nas je više od dva mjeseca perioda epidemije korona virusa, koji nažalost nije zaobišao ni općinu Maglaj. Čak šta više, neočekivano veliki broj zaraženih smo imali u tom periodu. Hvala Bogu nismo imali smrtnih slučajeva niti izrazito teških oboljenja, kao posljedica djelovanja virusa. Pred vama su praktično tri informacije o različitim aktivnostima u ovom periodu, sve što bude bilo dilema, tu su Službe, tu sam i ja, odgovorit ćemo. Ja ovdje želim u uvodu istaći neke druge stvari koje nisu tu u materijalu. Prva sjednica Štaba civilne zaštite je bila 6. marta po pitanju korona virusa kada smo počeli djelovati preventivno. Čitav niz koraka i aktivnosti smo preduzeli. Dugo smo se držali među rijetkim gradovima koji nisu imali evidentiranih zaraženih. Nažalost, neko je virus donio, ne znamo ni kada ni gdje je prvozaraženi došao. Desilo se da virus uđe među zaposlene naše dvije velike kompanije zbog čega smo imali ovoliko veliki broj zaraženih. Danima je bila borba traganja za kretanjem virusa, što je u konačnici po mom sudu, ali i sudu struke, kako smo imali priliku čuti, urađen na vrlo kvalitetan način i blagovremeno, te nismo imali teške slučajeve oboljenja. Ovdje se želim zahvaliti prije svega, uposlenicima Doma zdravlja Maglaj na čelu sa direktorom dr. Vehabovićem, koji su vrlo hrabro i stručno djelovali i u najtežim trenucima, kada smo imali značajnu dozu straha kuda ovo sve vodi i na što će izaći. Vrlo bitno je napomenuti u ovako teškoj situaciji niko nije ostao bez pružene ljekarske pomoći. Moram istaći zahvalnost i ministru dr. Adnanu Jupiću i njegovim saradnicima koji su cijelo vrijeme djelovali zajedno s nama, bez panike i evo pokazalo se na pravi način. Posebnu zahvalnost u tom timu želim istaći i epidemiologu dr. Alisu Kozici koji je na jedan poseban, smiren i stručan način vodio ovaj proces i ulijevao nam samopuzdanje, između ostalog i učešćem u radu Općinskog kriznog štaba. Moram iskazati lično zadovoljstvo i iskreno kao Načelnik općine se zahvaliti mnogim pojedincima i organizacijama. A prije svega, mladim volonterima koji su hrabro i iskreno preskočili u pomoć svim licima kojima je pomoć trebala, uposlenicima i menadžmentu RTV Maglaj koji su cijelo vrijeme krizne situacije bili sa građanima, bili na terenu i blagovremeno informisali građane, humanitarnim organizacijama Merhamet i Crveni križ na svim realizovanim aktivnostima, Policijskoj stanici Maglaj, Profesionalnoj vatrogasnoj jedinici, Centru za socijalni rad, uposlenicima Općine Maglaj i naravno članovima Općinskog štaba civilne zaštite. Ovdje moram istaći da je bilo dosta pojedinaca koji su se javljali lično da daju svoj doprinos. Istaći ću pomoć Maglajlija koji žive i rade izvan Maglaja i BiH, našem sugrađaninu Semiru Hadžiedhemoviću koji je kreirao prvi dezinfekcioni tunel za Dom zdravlja Maglaj, našim sugrađankama koje žive u inostranstvu Amili, Ameli i Vanji koje su finansirale drugi dezinfekcioni tunel, uposlenicima Magnet Studija koji su izradili i podijelili prve zaštitne vizire uz pomoć Općine Maglaj. Bitno je napomenuti i pomoć raznih organizacija koje su sudjelovale u pomoći našim sugrađanima. Zahvalnost želim istaći i ljekarima i osoblju zeničke bolnice i stacionara, iako je bilo određenih međusobnih nerazumijevanja tokom boravka zaraženih, iako su uslovi ispod minimuma ne treba zaboraviti njihovu misiju i dobra djela koja su uradili i hvala im zbog toga. Ovdje želim istaći posebnu zahvalnost našim sugrađanima, koji su se najvećim brojem pridržavali svih donesenih mjera i preporuka, koji su stički izdržali sav ovaj pritisak koji je bio. Rijetki su kršili naredbe, ali svakako to ne može urušiti odgovornost naših sugrađana koji su iskazali u ovom periodu. Još jednom hvala vam za sav teret i strpljenje

koje ste podnijeli. Za nekoliko mjeseci ćemo sigurno gledati ovu situaciju iz drugog ugla, drugim očima i vjerovatno se pitati da li je ovo moralo biti ovako. Također, nešto što ne mogu preskočiti jeste pomenuti uposlene i menadžment naše dvije kompanije HM-Promet i Bontex. Nažalost, najveći broj zaraženih je iz ove dvije kompanije i članovi porodica. Prošli su golgotu kroz javna prozivanja, što menadžment ovih kompanija, što uposlenici. Istog trenutka kada se politika dočepala ovakve situacije da skače po ljudima, zaboravili su u kojim su uslovima radili, zaboravili su da su ove kompanije preorjentisale svoju proizvodnju u proizvodnju medicinske opreme i zaštitne opreme u trenutcima kada je bio zabranjen uvoz opreme iz EU. Nažalost, to je nešto što baca lošu sliku u Maglaju, naravno hvala Bogu, radi se o pojedincima i manjem broju koji su ovakvu situaciju iskoristili da linčuju radnike i menadžment ove dvije kompanije. Nadam se da će se naši sugrađani vratiti svojim poslovima, što prije uobičajenim životnim aktivnostima i da će ovo vrijeme biti brzo iza nas. Idemo mi dalje, koračati naprijed, kako smo to činili i protekle tri i po godine. Toliko u uvodu, a na materijal koji ste dobili, ukoliko bude dilema, pitanja, tu su i šefovi Službi.

Predsjedavajuća, otvaram raspravu

Vijećnik Safet Jašić, ovom prilikom želim da nam neko kaže gdje su prostorije za pauzu i tražim pauzu.

Predsjedavajuća, hvala zaboravila sam to napomenuti. Za pauze Kluba možete koristiti ove dvije svlačionice na sceni, možete koristiti hol, ulaz u kino salu ili bočne izlaze, ako želite izaći vani.

Pauza Kluba SDA-a

Vijećnica Šefka Hasanić, Klub vijećnika SDA-a prije nastavka i diskusije po ovoj tački Dnevnog reda, imao bi jedno pitanje. S obzirom da je sjednica Štaba održana 6.marta 2020., s obzirom da nemamo informaciju iz Službe civilne zaštite i pitam šefa Službe civilne zaštite da li je donešen Plan mjera za djelovanje u stanju prirodne nepogode, izazvane korona virusom? U skladu sa članom 108. Zakona o zaštiti i spašavanju?

Anto Maglica, na pitanje iz Kluba vijećnika SDA mogu odgovoriti da mi u Službi civilne zaštite, nismo po pitanju ove opasnosti donosili nikakav poseban Plan mjera zaštite i spašavanja, s obzirom da se ovo radi o medicinskom problemu. Mi u Službi civilne zaštite nismo imali stručnih ljudi da bi mi napravili Plan mjera za opasnost od COVID-a 19.

Vijećnik Mirza Bradarić, što se tiče ove prve tačke Dnevnog reda, dosta stvari koje sam imao u planu da kažem, evo Načelnik je prije mene već rekao, tako da zaista neću ponavljati te stvari. Ali smo zaista istog mišljenja, da na cjelokupnu ovu problematiku koja je zadesila ne samo nas, nego bukvalno čitav svijet. Mišljenja smo da su svi akteri koji su bili imolvirani u civilnoj zaštiti i u kriznom Štabu, da su se zaista dobro snašli, jer ovo je zaista problem koji se pojavio u čitavom svijetu, niko apsolutno nije znao maltene ništa o tome. Tako da zaista dobro su se svi snašli u nadi samo da, ono što mogu sad za sad za ovaj izlazak reći, da se svi nadamo da je ovo zaista problem koji je već iza nas i da se nadamo da se ovako nešto ponoviti neće. Tako da, sve u svemu Klub SDP-a će primiti ovu informaciju k znanju. Eto toliko sad za sad. Hvala.

Vijećnik Edib Delić, mi smo u Klubu razmatrali i iščitali sve ono što stoji. Ne bih se osvrtao na ovaj dio, međutim samo ću prokomentarisati par stvari oko Programa poticaja u poljoprivrednoj proizvodnji. Ovdje je obrazloženo u ovoj Informaciji postupak redovnog poticaja za poljoprivredu za 2020. godinu i to ide svojim tokom. Interesantno je poticaj, napomenu bih znači poticaj Ministarstva za poljoprivredu i šumarstvo i Vlade ZDK, oni su izdvojili 50 hiljada, Federalno ministarstvo poljoprivrede izdvojilo je 90 hiljada, a Općina izdvojila 10 hiljada. Smatram da je Općina trebala izdvojiti više sredstava, tako da bi se osjetile stvari poticaja poljoprivrede na terenu. Bio sam igrom slučaja prisutan na podjeli ovih prehrabmbenih paketa, pa mi ovdje nešto nije u skladu sa ovim iznešenim ciframa. Pitanje pomoći CRS-a, tamo je definisano da je 106 paketa podijeljeno, uglavnom se radi o sjemenskom materijalu, ovdje je u ovoj tabeli vidljivo šta je sve podijeljeno. Međutim ne bih se složio sa ovom cifrom od 480 KM, da je ukupna vrijednost ovog paketa. Svi mi znamo dobro tržišne cijene u maloprodaji, ovdje po meni koliko sam ja malo računao, maksimalno 250 KM da je trebala bit vrijednost, ovdje je 480 KM, pa mi nekako velika razlika. Šta je u pitanju? Koje su to cijene? Jednostavno se ne slažu. I ono što bih htio na kraju reći, mi smo koliko se sjećam prošle ili pretpošle godine formirali Zdravstveni savjet, da li je on funkcionisao u ovom kriznom periodu, šta je radio, da li se uopšte prepoznavao kad smo svi bili svjedoci koliko je to pompezno najavljivano, njegov rad i aktivnosti, izgleda samo u ovim mirnovskim uslovima kad se ne dešava ništa? Da li je on imao potrebe da djeluje, šta je radio i molio bi znači da dobijem odgovor?!

Načelnik općine, najvjerovatnije niste upratili dva su Javna poziva za poticaj poljoprivredi. Dakle, jedan ste samo naveli, to je 90-50-10, od Federalnog ministarstva, kantona i Općine, iznos 170 i neku hiljadu KM i mogu dobiti samo oni koji budu imali fiskalne račune da to potkrijepe. Trenutno negdje oko 120 hiljada KM sredstava koje su opravdane i spremne za podjelu, a vjerovatno niste upratili da postoji još jedan Javni poziv općinski, dakle sredstva koja će Općina dati u sufinansiranje sjetve su znatno veća od toga. Ovo je samo naših 10 hiljada, zato što smo morali dati nešto, a mi smo raspisali naš Javni poziv, koji ima druge kriterije, odnosno nove kriterije, to će biti realizovano što se toga tiče. Što se tiče vrijednosti paketa CRS-a, mi ga nismo u Općini ni dobili, imali ste priliku vidjeti da su dovezeni na lice mjesta i podijeljeni. Mi smo dobili informaciju od CRS-a, ispunili svoje obaveze da idemo u taj projekat, sama tržišna vrijednost od 480 KM i da se ide preko njih, jer ne plaćaju PDV, pa

to izade jeftinije. Koliko je tačno tržišna vrijednosti, ja ne znam ni koji je sastav bio u paketu, sve je išlo preko CRS-a, mi samo odradili svoj dio aktivnosti. Naš dio aktivnosti je bio vezan za to da prikupimo podatke o osobama koje su od proglašenja epidemije prijavljene na Biro, odnosno izgubile posao. To su bile naše aktivnosti. A što se tiče Zdravstvenog savjeta, dakle imate Štab civilne zaštite koji je djelovao, u okviru kojeg je uključena i zdravstvena struka, imate kantonalni Krizni štab, odnosno Štab Ministarstva zdravstva koji je također uključen u ove aktivnosti. Bile su uključene osobe, specijaliste stručnjaci iz te oblasti, a u Zdravstvenom savjetu nisu sve stručnjaci. Hvala.

Vijećnica Šefka Hasanić, ja bih još jednom napomenula samo da je Plan mjera zakonska obaveza u skladu sa Zakonom o zaštiti i spašavanju ljudi i materijalnih dobara i da je u slučaju proglašenja prirodne nepogode zvane korona virus COVID-19, Općinska Služba bila obavezna da ga donese. Da sad imamo donesen Plan mogli bi konkretno razgovarati o učinjenim ili neučinjenim mjerama. Ovako možemo samo na ovoj šturoj informaciji koja nam je dostavljena reći, pa znate i sama Informacija kao Informacija je štura. Iz nje ne možemo ni dosegnuti stvari koje su se mogle uraditi da se spriječi pojava virusa u ove dvije kompanije. Na kraju krajeva ja ću uzeti samo za primjer stavku 1. U poduzetim mjerama, kaže prilagođen je rad sa strankama unutar Organa uprave, javnih ustanova i preduzeća. Ko god je od nas u ovom periodu dolazio u Općinu, znači niste u mogućnosti bili elektronsku uplatnicu da ste platili svoju obavezu, prosljediti službeniku na šalteru. Ovdje smo bili svi svjedoci kako je ova općinska administracija i vlast u Općinskom vijeću najavlivala digitalizaciju, informatizaciju sistema. Vijećnicima je govoreno, nećemo vam printati više materijale, to nije ekološki prihvatljivo, ušteda materijala. Evo nas skoro na kraju mandata, ništa od toga. A kamoli da kažemo da smo mogli elektronsku uplatnicu poslati službeniku na mail, trebamo čekati u Općinu pa nakon toga otići u banku, u istom redu čekati da se nešto uplati. O dezinfekciji saobraćajnica, javnih ustanova i preduzeća, zaista je suvišno i govoriti. Imali smo priliku vidjeti javljanja i probleme predsjednika mjesnih zajednica koji su se konstantno javljali sa problemom dezinfekcije javnih površina. Toliko za sada.

Dopredsjedavajući, i ja srdačno pozdravljam sve prisutne. Evo i zaista želim da izrazim svoje zadovoljstvo što poslije nešto više od dva mjeseca, vidim sva ova lica ovdje i najprije zdrava. Želim svima nama danas ovdje, uspješan rad. Kada je u pitanju ova Informacija, onda bih ja krenuo sa ovako nekim konstatacijama lične prirode, a to je da se slažem da je ona štura, ali isto tako se slažem da puno informacija je objavljeno na zvaničnim stranicama, pa i zvaničnim glasilima kako Općine Maglaj, tako i putem RTV Maglaj. Tako da, evo možemo mi da napravimo jednu cjelinu, jedno mišljenje, o tome šta se kako radilo u ovom periodu od reći ću slobodno, 16.marta, od posljednje sjednice Vijeća do ove današnje sjednice Vijeća. Ja bih volio i zamolio da, naravno, vidim kako diskusija ide i u kojem pravcu, ali očekivao sam da malo danas sa više argumenata i analitičnije uđemo u ovu raspravu, u ovaj dijalog prije svega i razmjenu mišljenja i prijedloga o tome kako nam je bilo stanje u prethodni dva mjeseca, odnosno kako je radio Općinski štab civilne zaštite i šta je to potrebno zapravo da mi u narednom periodu popravimo one slabe tačke, ako ih je bilo, anuliramo što prije, predložimo mjere kako bismo bili efiksani i efikasniji u ovom narednom periodu, a činjenica je da će ovo stanje prirodne nesreće bez obzira u kom statusnom obliku potrajati još podosta vremena. Na kraju krajeva, i posljedice i ovih dva mjeseca osjećat će se u svakom segmentu života još podugo. Ono što sam ja sebi ovdje štrikiro, par teza, samo ću ih iznijeti da se zna. Slažem se sa kolegicom Šefkom Hasanić koja pominje Plan djelovanja. Ovo govorim iz razloga što sam se prisjetio istog ovakvog odgovora gospodina Ante Maglice 2010. godine tadašnjem vijećniku Spahi Bradariću koji je upitao da li postoji Plan odbrane od poplava, isto ovako je pismeno odgovorio. Ne postoji Plan odbrane od poplava, nemamo stručnih lica. Deset godina kasnije, isti odgovor. Mislim da iz toga možemo zaključiti podosta stvari, šta je i kako funkcioniše civilna zaštita u Maglaju. Također, se slažem s tim da u zakonu je obaveza da postoji Plan odbrane. Također, je obaveza i po naredbama Federalnog štaba civilne zaštite od proglašenja stanja prirodne nesreće da se izradi Plan odbrane. Čak imamo i kantonalne naredbe u tom pravcu. Dakle, bez obzira koliko to nekome izgledalo formalno ili neformalno to je jedan od onih segmenata koji sigurno fali i koje će administracija morati u narednom periodu ubrzanim koracima da nešto radi. Slažem se također i sa kolegom Bradarićem, koji je iznio činjenicu da je ovo stanje prirodne nesreće zaista stanje koje je iznenadilo, pogodilo, zateklo nesprenim cijeli svijet i bogate i siromašne i one sa najboljim uređenim zdravstvenim sistemima, a i one koji dobro, dobro šlepaju te zdravstvene sisteme, kao što je BiH. Dakle, sad se pokazalo u prethodnih dva mjeseca dosta tih sistemskih propusta i problema. Ja ću reći i pametniji ljudi od mene, govore o tome kako je to što prije potrebno da se izanalizira, da se vide te stvari, eventualno u narednim periodima kao prioritet ulaganja u zdravstveni sektor od državnog, federalnog nivoa pa sve do primarne zdravstvene medicine. Međutim, ono što bi volio da se ovdje razgovara, možda danas nije vrijeme, možda je vrijeme za neku od tematskih tačaka sjednica Općinskog vijeća, ovaj kako nam je stanje, kakav je odnos kantonalnog Zavoda zdravstvenog osiguranja prema Domu zdravlja Maglaj u ona normalna, mirna vremena. Mi ovdje vrlo dobro znamo mnogi vijećnici znaju, ja sam bio šokiran tim informacijama, da praktično Dom zdravlja nije bio ni konsultovan ni pitano, to su moje informacije. Kada se potpisivao ugovor o pružanju usluga između kantonalnog Zavoda zdravstvenog osiguranja i bolnice u Tešnju, imali smo slučajeve da odu trudnice koje trebaju da se porode u bolnici u Tešnju, a moraju na carski rez, vraćaju se odatle i voze se u zeničku bolnicu, koje je to maltretiranje i kako je Dom zdravlja pokušao nekim improvizacijama da to sve prevaziđe. Dakle, to su informacije trebali i morali znati kao Vijeće, administracija na kraju krajeva da reaguje da se takve

stvari postave na svoje mjesto. Ušli smo u ovaj period krize, ovaj period prirodne nesreće sa jednom šokantnom informacijom, a to je da mi nemamo epidemiologa, a samim tim nemamo ni glave Higijensko-epidemiološke službe u Maglaju. Sve ovo što pominjem, epidemiolog koji je s vremena na vrijeme dolazio u Maglaj nisu pravi odgovori, pogotovo nisu pravi odgovori u današnje vrijeme. Dakle, mi, to je naš stav, naša ocjena da imamo obezglavljenju Higijensko-epidemiološku službu. Činjenica je, to bolje znaju od mene ljudi i stariji i isto tako ljudi u zdravstvenom sektoru da je Maglaj uvijek bio podložan, da li u pojedinim dijelovima općine Maglaj ili kao cjelina, podložan nekim i masovnijim zaraznim bolestima. Nemojte zaboraviti da mi svake godine ovdje bilježimo slučajeve bruceloze, nemojte zaboraviti da je bilo i ima i danas tuberkuloze, ima još podosta, da ne napominjem sve te bolesti koje jednostavno zahtjevaju da imamo tu Službu na nekakvom minimumu uslova i usluga, koje će pružati pri Domu zdravlja, odnosno pri Higijensko-epidemiološkoj službi. Dakle, to nam je slaba karika, to nam je čini mi, se u ovim segmentima jedna od najslabijih segmenata. Tek kasnije, ako govorimo o hronologiji događaja, tek kasnije, da li je to 16. Ili 17. april, kad je stvar uzela vruga, tada se kantonalni Krizni štab, odnosno Štab zdravstva i epidemiolog u principu, ovdje uključio na općioni Maglaj da bude svakodnevno, da bude stalno, da bude kontinuirano, da vrši nadzor, odnosno da preduzima mjere koje preduzima. Prva slaba tačka to je taj dio segmenta zdravstvene zaštite, primarni. Drugi je činjenica i ja se slažem s tim i javno smo to objavljivali, da Općinski štab civilne zaštite u svom personačnom sastavu je bio takav da od 112 ljudi koliko tom vašom Odlukom iz 2018. godine bukvalno su 50% bili statičari, dok je 50% dalo sve od sebe u tom segmetu, a vašom odlukom kao komandanta Štaba imate slobodu da osim onih što je zakonom propisano, određujete lica, ljude pa zavisno od prirodne nesreće, mogu da daju svoj doprinos u cijeloj toj situaciji. Sigurno bi imali efikasniji Općinski štab civilne zaštite. Zato ja ovdje mogu da pomenem i zaista pohvalim, važno je ovo reći, moram da pohvalim i Centar za socijalni radi koji je napravio odličan posao i Komunalno javno društvo koje je napravilo odlična posao, ali da smo imali planove odbrane, kako pominjemo, onda bi Komunalno javno društvo bilo onako kako i stoji, dio Službe civilne zaštite u vanrednim okolnostima koji je zadužen za vodosnabdjevanje, za javnu higijenu, za sanaciju terena. Naravno, ja iznosim ovdje svoja zapažanja i zaista bih volio da otvorimo diskusiju, priču. Niti znači da su moji prijedlozi, razmišljanja najpametnija i argumentovana, ali isto tako znači da postoji dio ljudi koji vide da su tu neki fulovi. Dalje, mislim da je u ovom periodu, također, sanitarna inspekcija, neću reći bila prepuštena sama sebi, ali sanitarna inspekcija sa ovakvim kapacitetom i ovakvim kvantitetom i kvalitetom obaveza koje su se natovarili na tu inspekciju, pokazalo se zaista, potpuno nemoćnom i jednostavno nemogućom misijom da uradi sve ono što su formalne obaveze stojale pred sanitarnu inspekciju. Dakle, i na stvari bi trebale u nekom narednom periodu da damo odgovore. Vrlo kratko ću .. Kada su u pitanju povjereništva mjesnih zajednica meni je izuzetno drago što sam čitajući Naredbu Štaba civilne zaštite vidio i hronološki uporedio, da postoji prva općina koja je donijela takvu Naredbu da se povjerenici mjesnih zajednica, predsjednici mjesnih zajednica angažuju u funkciji povjereništava u mjesnim zajednicama sa tim i tim zadacima kako je to i naznačeno. Dakle, da idu, da gledaju, popisuju lica kojima je potrebno, da se kupi lijek koji ne mogu izaći, starije osobe i tako dalje. Međutim, mi zaista dolazimo do jedne dileme, jedne obaveze, nmije ovo povjereništvo mjesnih zajednica, nije ono ni moglo ni imalo kompetencije da zamjeni povjerenika civilne zaštite u mjesnoj zajednici. A to povjereništvo civilne zaštite ima sasvim drugu obavezu, odgovornost, ulogu i sve ostalo što proizlazi iz zakona i svih zakonskih akata kad je to u pitanju. Na kraju krajeva, ljudi koji moraju preći određene edukacije, dobiti rješenja i tako dalje. Ono što također, na kraju želim reći, pokazalo se još jedanput nešto što možemo uraditi, nešto što možemo brzo uraditi, ali treba nam precizan detaljan jasan registar osoba u stanju socijalne potrebe i tu sugeriošem, predlažem načelnice, to čak predlažem i Općinskom vijeću, al msm da to može Načelnik uraditi da što prije odredi tim na čijem čelu će biti predstavnici Centar za socijalni rad, naravno odrediti tim osoba predstavnika institucija i drugih, kako bi zaista tamo gje treba postojali svi ti registri, da nam u ovakvim slučajevima sve to bude na dohvat ruke. Odnosno da se može baratati, dolaziti pomoć i tako dalje onima kojima je to zaista i potrebno. Kasno je, al nikad nije kasno da se uradi kvalitetan, a trebat će nam to i za naredni period. To su ovako neka moja razmišljanja, volio bi da se otvori ta rasprava i dijalog.

Predsjedavajuća, evo nakon ovih izlaganja koji su imali vijećnici prije mene, htjela bih također da iznesem neku svoju impresiju kao vijećnica, ali i kao građanin općine Maglaj. Naime, činjenica da je održano 15. sjednica kriznog Štaba, kazuje o tome da su odgovorni ljudi u sastavu kriznog Štaba pokušali na svaki mogući način odgovore na ono što nas je zadesilo, ne samo nas, nego i cijeli svijet. Ono što se desilo nama i svima ostalima, niko nije mogao predvidjeti i o tome govore svi svjetski mediji. Tako da takvu situaciju nije mogao da predvidi ni Načelnik općine Maglaj, niti bilo ko od nas pojedinačno. Smatram da ono što je činjeno od strane kriznog Štaba, prije svega od Načelnika općine, mislim da bliski kontakti koji je Načelnik ostvario sa svim oboljelim koji su bili u stacionaru je pokazao ne samo svoju odgovornost kao prva osoba ovoga grada, nego i kao čovjek, dakle da kaže da postoji ko se o njima stara i o tome će vam govoriti svaki oboljeli pojedinac koji je bio smješten u stacionaru, a znamo kakvo je stanje bilo gore. Čija je to odgovornost? To je možda jedno od pitanja, koje trebamo također ovdje postaviti. Ono što je evidentno da je rad kriznog Štaba na općinskom nivou u velikoj mjeri ovisio o naredbama koje su dolazile sa viših nivoa vlasti, a to je federalni i kantonalni krizni Štab. Ono što se propisivalo u samim mjerama, odnosno naredbama šta je dozvoljeno, šta nije dozvoljeno, na neki način model ponašanja na općinskim nivoima, zapravo je spušten sa viših nivoa vlasti. Da je bilo grešaka, svakako jeste i toga smo svi svjesni, o tome

svi pravimo i pojedinačne analize i kao građani i stručnjaci, dakle također iznose te podatke. Ono što je interventno urađeno na općini Maglaj, a materijali svakako dokazuju. Da su se podijelile zaštitne maske, jesu, preko 80 hiljada zaštitnih maski na području općine Maglaj, koji broji 25 hiljada stanovnika, a nema toliko, svakako je pozitivan podatak. Da su se podijelile zaštitne rukavice, da su dezinfikovane javne ustanove i preduzeća. Dakle, mi smo bili, čini mi se jedna od prvih općina u kantonu koja je pozvala relevantne institucije da odrade tu dezinfekciju na adekvatan način. Što se tiče sastava samog kriznog Štaba o kojem ste ovdje govorili, ja ne bih ulazila u te stvari, nisam uopće stručnjak za tu oblast, pa ne bih tvrdila šta je trebalo i kako je trebalo biti. Ali sam mogla zaključiti kao građanin da su na pojave koje su se dešavale na području općine Maglaj, date su odgovarajući odgovor i mogu reći da smo se mi itekako dobro snašli u situaciji koja nas je zadesila. Moram ovdje replicirati gospođi Hasanić, kada je spominjala materijale i realizaciju, a vezalo se za pojavu korona virusa, dakle nebrojeno puta kao predsjedavajuća Vijeća sam ukazivala na Kolegiju da se materijali više ne štampaju, jer nema potrebe, sve materijale dobijamo mailom. Na insistiranje predsjednika Kluba SDA-a ti materijali se Klubu SDA još uvijek dostavljaju u tiskanoj formi. Ja samo hoću da kažem, da zapravo svi smo se osjećali izgubljeni. Mislim da je ipak, općina Maglaj dobro se snašla u situaciji koja je zadesila sve građane. Vjerujem da će i drugi diskutovati ovdje o onome što se događalo na kantonalnom nivou i na federalnom nivou i da je to možda, sredstva koja su opredijeljena za općinu Maglaj, ja lično smatram da to nije bilo dovoljno za općinu Maglaj, za broj oboljelih u Zeničko-dobojskom kantonu. Mi smo, dakle imali najveći broj oboljelih, a druge općine koje nisu imale ili su imale jedan ili dva oboljela, dobili su mnogo više sredstava, mislim na Dom zdravlja prvenstveno. O onome što se događalo na federalnom nivou i o tome kako su se trošila sredstva, kako se usmjerava, mislim da mediji već dovoljno govore, mislim da nije potrebno da ja kazujem kako su ti relevantni ljudi snašli u ovoj situaciji i u šta su iskoristili ovu situaciju. Eto toliko za sada.

Vijećnica Šefka Hasanić-replika, ja ću se u ovom izlaganju nadovezati na izlaganje predsjedavajuće Vijeća, pa recimo po pitanju epidemiologa. Maglaj je donedavno imao epidemiologa u sastavu Doma zdravlja Maglaj. Da li je postojala mogućnost angažmana epidemiologa bar sa stanovišta stručne strane. Mi znamo da je doktor i u penziji, da prelazi starosnu dob u kojoj nije dozvoljeno kretanje, moglo se naći načina da sudjeluje u djelovanju Štaba civilne zaštite. Na kraju krajeva, mogao je biti prisutan video linkom na sjednicama Štaba. Nadovezat ću se i na rad Općinskog vijeća u ovom periodu od dva mjeseca. Da nismo u stanju bili organizovati skype call, zoom call. Kada ste govorili predsjedavajuća o broju maski podijeljenih na području općine Maglaj, 80 hiljada, recimo 24 hiljade stanovnika, svaki stanovnik je trebao da dobije četiri jednokratne maske, to je četiri dana. Mi imamo epidemiju od dva mjeseca. I naravno da je djelovanje Općinskog štaba uslovljeno naredbama Federalnog štaba, svima je jasno da je stanje prirodne nepogode proglašeno na nivou Federacije, da Federalni štab rukovodi svim aktivnostima. Ono što je Općinski štab trebao uraditi, jeste prilagoditi te naredbe situaciji, području općine Maglaj, procijeniti rizike, donijeti mjere i poduzimati aktivnosti po tim mjerama. To ne možemo izbjeći, da nije urađeno i da nismo imali Plana mjera za djelovanje u ova prethodna dva mjeseca, nego da se stihijski od situacije do situacije radilo.

Predsjedavajuća, hvala lijepo. Ja bih replicirala gospođi Šefki. Ispast će replika na repliku, ali uzimajući u obzir podatak, dakle zvaničan podatak objavljen u medijima da je Kantonalni štab civilne zaštite za područje kantona, Zeničko-dobojskog kantona podijelio 200 hiljada zaštitnih maski, a općina Maglaj 80 hiljada zaštitnih maski, ja vas pitam, da li smo mi učinili nešto za svoje građane? Uzmite samo taj omjer. Za cijeli kanton 200 hiljada, a samo na općini Maglaj 80 hiljada.

Dopredsjedavajući, ja bih zamolio samo da se pridržavamo Poslovnika kada su u pitanju replike. Replika je dakle, ispravka krivog navoda i treba da navedete ko je i koji krivi navod rekao i da eventualno opovrgnete. Tako da ne zloupotrebljavamo to pitanje replika.

Vijećnik Edib Delić- replika, ne bih se složio. Nećemo da se usmjerimo na suštinu problema. Lijepo je maloprije gospodin dopredsjedavajući iznio suštinu. Znači, ovdje niko ne želi nikog da napada, da skida glavu, želimo da ovu situaciju koja je iza nas, nadam se, da je iskoristimo da poboljšamo stanje na našoj opštini. Prije svega, da ojačamo zdravstveni sektor. Ovo je prilika, evo druga tačka dnevnog reda je rebalans. Ovo je prilika da probamo mi sa svog nivoa, mislim na općinu Maglaj, usmjerimo onoliko sredstava koliko možemo da ojačamo taj sektor. Pokazalo se kroz ovu situaciju da je on najbitniji u svemu ovome. Tako da ne želimo znači nikoga ovdje blatiti. Normalno, onaj ko radi i griješi. Ljudi Božiji koliko je aktivnosti bilo, to je sasvim normalna stvar. Ali hajmo, nemojmo sad, da pokušavamo i ono što smo mogli uraditi da prebacimo na nekoga. Nije bitno koliko je maski podijeljeno. Evo ja nisam uopšte htio ulaziti u ove detalje. Ali moram. Evo moja mjesna zajednica je dobila 50 maski i 50 rukavica. Gdje je podijeljen toliko broj? Ja ne znam. Još bih vas jedno molio, dopredsjedavajući je fino dao crte, dao smjernice, dao naznake, hajmo u tom pravcu svi razviti diskusiju. Mislim da ćemo na kraju svi doći do kvalitetnih zaključaka i da se ovakve stvari više ne dešavaju.

Vijećnik Elvir Vehabović, evo ovako, pokušat ću, možda neću redom odgovarati, ali evo da dam neke odgovore na postavljene dileme, odnosno pitanja. JU Dom zdravlja Maglaj, istina je da nije imala zaposlenog epidemiologa, ali imala je epidemiologa na ugovoru o djelu. Znači na tržištu rada, trenutno nije bilo nezaposlenog epidemiologa od trenutka kada je doktor prethodno otišao u penziju, odnosno kako da vam objasnim. On je bio na bolovanju i Komisija za bolovanje zbog prirode bolesti ga je skinula sa bolovanja i dala akt u kojem kaže da ispunjava uslove

za penziju. Čak ga oni nisu htjeli držati na bolovanju, zato što čovjek ima dijagnozu kakvu ima i oni su nama poslali dopis u kojem kaže da on treba ići zbog ispunjavanja staža u penziju. Bukvalno su ga skinuli sa bolovanja i poslali u penziju. Mi smo odmah nakon toga, igrom slučaja, angažovali doktora Kozicu, epidemiologa koji je u ovom periodu, nažalost zbog nedostatka epidemiologa na cijelom kantonu, to je razlog zašto on nije bio svakodnevno. Njemu je Institut za zdravlje njegova matična ustanova. Ne znajući da je on angažovan u Maglaju, dodijelila Žepče, Vareš, Zavidovići i Tešanj imaju svog epidemiologa. Mi smo poslali doktoricu Fatimu Mejremić-Mešić na specijalizaciju, prije dvije i po godine. Koliko god da je i ona mogla pomoći i ona se u ovom trenutku našla u periodu bolovanja, onog lijepog bolovanja. Znači, tako da nam ni ona nije mogla pomoći, jer je i ona bila na bolovanju. Sreća, pa smo imali ugovor o djelu, pa je doktor Alis dolazio, znači da smo bili da kažem, pokriveni na samom početku. E sad, ako se sjećate kad su bili karantini za ove sa granice, on je imao dužnost da obilaze sve hotele, od motela Split do hotela Zenica, da i njih obilazi. Tako da čovjeka su bukvalno, takva naređenja od Instituta za zdravlje. To je što se toga tiče. Što se tiče broja zaraženih, kaže Maglaj imao najveći broj zaraženih. Maglaj je imao samo najveći broj otkrivenih. Znači testiranih i otkrivenih. Šta su drugi radili i kako su radili, po kojim preporukama, u to neću da ulazim. Raspored sredstava Vlade Zeničko-dobojskog kantona je išao po principu broja stanovnika. Svi su dobili generalno po 10 hiljada, pa onda onaj iznos iznad je išao po broju stanovnika, s tim da još uvijek je samo odluka. Još uvijek nismo dobili novac. Evo već je pri kraju, kada će biti uplaćen novac, ne znam, niko me nije ni informisao, nego samo znam da postoji Odluka Vlade Zeničko-dobojskog kantona o uplati tog iznosa, 42 hiljade i nešto. Mislim to je konačno izračunato na osnovu broja stanovnika. Ne znam da li sam šta propustio, u ovoj nekakvoj diskusiji. Mislim da je to to. Najveći problem jeste određeni period bio u epidemiologu, al sva sreća da smo imali zaposlenog sanitarnog inženjera u Službi HES, Higijensko-epidemiološkoj službi, znači po sistematizaciji može da radi srednji medicinski kadar, viši medicinski kadar i može da radi ljekar, epidemiolog. Mi smo u ovoj situaciji pojačali rad Higijensko-epidemiološke službe, mada je Odlukom Vlade maltene bilo dozvoljeno zapošljavanje u ovom periodu bez ikakvih konkursa, ikakvih procedura, mogao sam zaposliti bez ikakve odgovornosti 50 ljudi tamo i dobiti 50 glasova na Izborima. Zaposlili smo dvije osobe na po četiri mjeseca dok traje ovaj period, da bi pojačali rad Higijensko-epidemiološke službe. Imali smo sanitarnog inženjera koji je fenomenalno odradio svoj dio posla, imali smo neke momke koji su se. Dužan sam reći za ovom govornicom. Dva momka koja su se žrtvovala za ovaj grad, neću reći imena sada, nego ću reći kad dođe vrijeme. Momci su se žrtvovali, 14 dana proveli u JU Dom zdravlja Maglaj, da ne idu svojoj kući, da ne bi svoje zarazili, a istovremeno radili sav onaj posao sa zaraženim, dobrovoljno su se prijavili, niko ih nije natjerao. Hvala.

Vijećnik Safet Jašić, imalo se šta čuti. Neke stvari ću ja pomenuti. Ne možemo se ponašati, pređi na drugoga i svako je kriv, samo ja nisam kriv. Ne bi ja prebacivao loptu i na više nivoe, ovdje smo danas da se bavimo problemima koje mi imamo u našoj općini i problema koje imaju naši građani. Izjava šefa Službe da nema nikakvog Plana, da nema nikakvih mjera, nikakvog Programa, nije ni čudo što je stanje u Maglaju takvo kakvo jest. A stanje je alarmantno. I pitanje je kako će biti dalje. Još uvijek nije to sve završeno. Ono što ću ja iznijeti, vjerovatno će nešto, da me pratite, što smo mi imali vremena da se pripremimo i kao Klub po ovom pitanju, ću iznijeti pa da bude normalno, svima jasno i u kojem pravcu Klub vijećnika SDA htjeo da djeluje i djelovat će koliko bude mogao. Od početka krize izazvane korona virusom COVID-19, SDA Maglaj se stavila na raspolaganje za pomoć i učešće u bilo kojem pogledu. To dokazuje i naša saopštenja i pozivi i tako dalje. Uputili smo nekoliko inicijativa sa prijedlogom mjera za koje smo smatrali da je neophodno pomoći u svrhu pomoći stanovništvu i privredi na području općine Maglaj. Naš javno izneseni zaključak na početku krize, da je aktuelna vlast ovu krizu dočekala totalno nespregnno. Svi građani Maglaja i BiH su se nažalost uvjerali u to i potvrdili da je naša procjena bila tačna. Posljednje tri godine, iako su u Budžetu imali sredstva za razvoj civilne zaštite, preventivu i izradu planova za vanredne situacije, novac je ostajao neutrošen. Sad kad smo dočekali ovako nespregnno i dan danas, smo nespregnno. Narod je bio prisiljen da se samoorganizuje i danima organizuje pomoć starim siromašnim porodicama. Načelnik općine Mirsad Mahmutagić, kao komandant Štaba civilne zaštite krizom je upravo prvenstveno populistički i demagoški, stvarajući lažni privid da situaciju drže pod kontrolom i da se sve propisane, preventivne mjere zaštite od virusa, provode. I na Kolegiju Vijeća sam upozoravao kada se dogodio HM, da se ostali privredni subjekti zaustave da bi se spriječilo dalje širenje korona virusa i poslije toga nam se dogodio Bontex. A tada je rečeno da mi politiziramo. Nije bila politika nego dobra namjera. Izbjegavana je primjena pravila i propisa kojim je regulisan djelovanje u slučaju proglašenja prirodne ili druge nesreće. Odnosno Zakon o zaštiti i spašavanju ljudi i materijalnih dobara od prirodnih i drugih nesreće. Službene novine FBiH broj Iz Informacije je vidljivo da nije iznešena suština problema, a mi Klub vijećnika SDA svjesni smo koliki i kakav je doprinos Merhameta i Crvenog kiža u ovoj situaciji i koliko bi bilo sve gore i teže da nisu radile ove dvije organizacije punom parom. Al nas zanima šta je radio, odnosno šta nije radio Općinski štab civilne zaštite na čelu sa Načelnikom gospodinom Mahmutagićem? Što se tiče Crvenog križa i Merhameta mi nećemo njih zaboraviti, pa ćemo vjerovatno poredložiti ih za najveća priznanja što se tiče njihovog djelovanja u ovom dosadašnjem periodu, a nadam se i u buduće tako raditi. Jasno je da je, svjesni smo da je zaraza korona virusom potekla i raširila se među radnicima HM-Prometa, a potvrđeno je da je ovaj subjekat imao određene propuste počevši od slanja radnika na godišnji odmor, umjesto da se reagovalo i da se tim radnicima izda rješenje o samoizolaciji kako bi se spriječilo dalje širenje korona virusa. Jasno je da je općina Maglaj među najmanjim općinama, a koja je procentualno imala

najveći broj zaraženih na području BiH, što mnogo govori o rezultatima rada našeg Općinskog štaba civilne zaštite. Kao što je to naprimjer Tuzla, Tešanj i tako dalje, glavni razlog zašto nisu imali veći broj zaraženih, navode argumenti stručnog vođenja procesa krize. U posljednje vrijeme bili smo najviše pominjani u medijima, ali po nečemu čime se Općinski štab civilne zaštite ne može pohvaliti i ponositi, kako su se stalno ubjeđivali građani kako je sve pod kontrolom, da će na kraju i za ovu situaciju upravo biti kriva SDA, a i građani koji su oboljeli. Pravi dokaz u brizi građana pogođenih korona virusom je briga za poljoprivredu u općini Maglaj. Podatak, evo gospodin Edib Delić je to rekao, da se ne ponavljam, koja su sredstva izdvojena od viših nivoa, a koja od općine Maglaj. Obzirom da je činjenica da je Maglaj pretrpio veliku štetu izazvanu epidemijom korona virusa, a koja se mogla izbjeći da ste imali stručno vođenje procesa krize, da bismo se iz ove krize izvukli pouku za buduća krizna vremena, koja će vjerovatno opet možda i u nekom drugom obliku doći, tražimo da se formira stručna komisija koja će izvršiti analizu provedenih aktivnosti u periodu od proglašenja stanja nesreće na području FBiH izazvane korona virusom COVID-19. Na području općine Maglaj, komisija bi bila dužna sačiniti izvještaj koji će biti prezentovan Općinskom vijeću i javnosti Maglaja. Obzirom da je sav posao oko civilne zaštite, zaštite stanovništva od općeg interesa i da javnost ima pravo da sazna, smatramo da nezavisna stručna komisija može dati odgovore na ta pitanja. Naravno da će realno, stručno analizirana situacija poslužiti i biti korisna građanima Maglaja, ali i organima koji budu činili vlast u nekom narednom periodu, da bude spremniji za neke nove krize. Složit ćete se da nam je to svima interes. Tek kada bude sačinjen izvještaj nezavisne stručne komisije, Općinsko vijeće Maglaj može razmatrati, može zauzeti konačan, ispravan stav po pitanju ove tačke dnevnog reda i problema koji imamo trenutno. Obzirom da imamo odgovornost prema građanima, jer smo naveli da je ovaj posao od opšteg, javnog interesa, u slučaju da ne prihvatite naš prijedlog, formiranje ove komisije, ovim putem vam najavljujemo da ćemo kao ozbiljna stranka, nezavisnu informaciju od područja proglašenja stanja prirodne nesreće na području Federacije BiH izazvane korona virusom COVID-19, a vezan isključivo za aktivnosti Općinske civilne zaštite i administracije i zatražiti da to utvrdi državni organ zadužen za provođenje zakona i propisa. Pošto je danas očigledno svima jasno da je sistem koji je trebao zaštititi stanovništvo od zaraze u Maglaju zakazao, da se zaraženi građani zbog toga ni krivi ni dužni pretrpjeli zdravstvene i materijalne posljedice, ovim putem tražim da Općinsko vijeće Maglaj svim zaraženim porodicama iz Budžeta isplati vanredna jednokratna novčana pomoć po 1.000KM, da pokažemo koliko cijenimo svoje građane. Tražimo da se Općinsko vijeće izjasni u ova dva prijedloga. Dakle, formiranje stručne komisije, isplata vanredne jednokratne pomoći oboljelim sugrađanima.

Predsjedavajuća, samo ako Vas mogu za jedno pojašnjenje prijedloga pitati. Kada kažete stručna komisija, na šta mislite stručna u čemu, za šta?

Vijećnik Safet Jašić, zna se šta je stručna komisija.

Predsjedavajuća, pa ne znam za koju oblast.

Vijećnik Safet Jašić, pa o ovom problemu.

Predsjedavajuća, pa nije mi jasno u čemu to treba biti stručna, u finansijskoj analizi, epidemiološkoj analizi?

Vijećnik Safet Jašić, pa da se utvrdi razloge i da se poduzmu mjere koje vi nemate, koje niste, evo šef je rekao da niste imali nikakvih mjera, planova.

Predsjedavajuća, obraćate li se meni Safete?

Vijećnik Safet Jašić, jeste li vi mene čuli kad sam ja rekao da će ta komisija uraditi program i za naredna neka vremena i za ne daj Bože ovakvih sličnih ..

Predsjedavajuća, stručna komisija je širok pojam, zato pitam, ko bi trebao biti u toj komisiji?

Vijećnik Safet Jašić, složit ćemo, ko šta treba da radi, jesu to epidemiolozi, još neki stručnjaci za tu oblast, ili za oblasti svih vremenskih nepogoda. Moramo imati neke planove, moramo imati nešto. Evo, slušajte nije bila davno 2014. godina.

Predsjedavajuća, Nije.

Safet Jašić, ma mi nismo ovdje od vas u ova dva mjeseca pravili probleme, ko što ste vi pravili, ali hoćemo da se rješava, da se ne ponovi 2014. niti 2020. To samo hoću, prema tome morate biti svjesni da smo izuzetno korektni u svemu ovome i da smo se nudili na raspolaganje se stavljali i sada se stavljamo. Želimo da se ovo rješava, niko ovdje neće dobiti nikakav politički poen. Nit ga mi želimo za sebe. Prema tome, ovo ja bih vas molio da dobro proanalizirate ovo što smo mi iznijeli. Mi smo ovo dugo pripremali. Prema tome, odavdje se ima šta izvaditi, ima šta smjernice da se bar izvade, ima dovoljno kvalitetnih materijala da se napravi i ta stručna komisija i da se jednostavno napravi program od odbrane od svih tih nedaća koje nas mogu zadesiti, poplave, korona virus, pa šta je sljedeće. Moramo imati nešto, moramo imati dokumenat. Civilna zaštita neopremljena, nema stručnih ljudi i tako dalje. Ja neću sve da svaljujem na Civilnu zaštitu, neću ni na koga ali ne možete bježati od odgovornosti i govoriti evo kako je to Federalno ministarstvo, znam ja na što vi asocirate. To je poznato svima, to su mediji svi prenijeli, to gore šta se događa. To mene ne zanima, to je nek odgovara svako za svoje djelo, nek bude nagrađen, za djelo nek bude kažnjen. I gore i kanton, a također i ovdje.

Predsjedavajuća, moje pitanje je stvarno bilo kratko, kakvog sastava treba da bude stručna komisija? Ništa više nisam pitala. Hvala.

Vijećnik Mustafa Bešić, imam ovdje osjećaj da smo mi ovdje u Maglaju proizveli korona virus u nekom podrumu Dragi ljudi, vidite da čitav svijet se suočava sa tim i da nemaju odgovore. Znači ja samo ne znam, ne branim

civilnu zaštitu nit ikog, nas ima u Vijeću 25 vijećnika i mi svi trebamo sebi postaviti pitanje u narodu, šta smo mi doprinijeli, svaki vijećnik na svojoj općini Maglaj, u ovakvoj krizi. Znači, gdje je bilo ograničeno šta manje kontakata, što manje druženja, znači šta smo doprinijeli u svojim mjesnim zajednicama da nam bude bolje. Ja moram u ovoj situaciji malo da pomenem sebe. Ja sam se pokušao, ovo vam iskreno govorim, to znate putem facebooka, aktivirati i raditi. Znači ja sam vršio dezinfekciju, gdje su mi se pojedini ljudi na internetu smiju mi se, što ja to radim. Znači ako radiš što radiš, ako ne radiš. Virus ko ima, ima ljudi koji lajkaju to. Ovdje koji sjede, a koji samo znaju fino napisati, znaš tamo na internetu. Pa gospodo draga, šta smo mi kao pojedinci doprinijeli za napredak našeg grada? Šta smo uradili? Evo ja postavljam sad načelniku i Vehaboviću, jesmol mi trebali sad uzeti pet respiratora, ali da ja budem poljoprivrednik, da ih ja uzmem? Pa čekaj jesmo li trebali? Ovo pitam, nikoga ne blatim. Šta smo trebali uraditi? Da uložimo sad neke pare, da uložimo milion maraka, da ne znam šta ćemo, hoćemol se, šta negdje sa strane i da još gore imamo problem. A svi znamo kakva je situacija. Evo po pitanju firme HM. Moja je žena prošla i ja sam prošao kroz to mjesec dana u izolaciji, ja sam bio 12 dana, 14 dana. Pa ljudi Božiji ko da je Muhamed Hrnjić donijeo u firmu. Evo sad situacija, šta sad. Znači počeli su ljudi raditi. Kako je bez posla? Vidjet ćete, osjetit ćemo mi nakon pola godine koliko će ostati ljudi. Lahko je nama pričati koji smo mi na Budžetima koji smo, koji imamo posao. Kako je običnom radniku? Kako je običnom, lahko je pričati, odgovoriti, sad kad čovjek ostane bez posla. Šta ćemo sad? E sad ne valja Muhamed, ne valja on je otpustio. Nema posla u čitavom svijetu, sada smanjilo. Znači sad ko god se zaposli treba dragom Bogu da se zahvali. I 2014. i 2020. Mi samo dragog Allaha moremo moliti da nam se ne desi ponovo. Ne možemo mi puno uticati. Možemo, al mi smo toliko mali, naša općina. Mislim da smo dali doprinos dobro. A šta ne daj Bože da nam je umrlo samo jedno. Šta bi nam se desilo? Imali smo zaraženih, al nismo nikog imali teškog. Evo kad pošaljemo gore u karantenu gore. Imali ste sliku. Ne može ga liječiti kad jga nepoznanica liječi. Dobije tabletu, tabletu i kod kuće može dobiti, ako sjedi u izolaciji. Šta? Šta je gore što leži? Napravilo se samo belaj u našoj državi. Nemojte, molim te, ja stvarno nisam od toga, dajem svoj doprinos, učestvujem u svemu i želim stvarno da se sve vrati i normalizuje, da se aktiviramo, da idemo naprijed. Eto toliko.

Vijećnica Selma Avdić-replika, ja mislim da nije ni mjesto ni vrijeme da ovdje govorimo o nekim respiratorima. Da li su respiratori u pitanju? U pitanju su ljudi i građanstvo. U pitanju su firme. Radim u jednom takvoj, gdje hiljadu i tristo ljudi ulazi svaki dan i znam pod kakvim je pristiskom kad trebaju otići na posao. Stvarno vas molim da budemo ozbiljni. Neki ljudi iz HM su već dobili otkaze. Znam. Već 30. Kako će ti ljudi dalje da žive? Zbog čega su dobili otkaze? Ne prozivam ovdje nikog. Nego sam tu infomaciju dobila na poslu od ljudi. Kolega Bešiću, nije vas niko prozivao ni vašu porodicu. Ja nisam nikad u svom životu prozvala nikog. Nit bi voljela da prozovem. Ja sam doživljavala ovo veoma teško i emotivno. Prvo kao žena, kao radnica, kao vijećnica, kao građanka ovog grada. Ja mislim da se svi tako trebamo ponašati. Nije bitno koja je to firma, nego je bitno da su to ljudi, insani koji su prošli golgotu. Kako god da je to bilo. Nećemo govoriti ovdje o respiratorima, već ćemo govoriti o svojoj općini, kako ćemo je spasiti. Kako ćemo zadržati radnja mjesta, kako ćemo psihološki uticati sad na te sve ljude, na tu djeca koja su bila gore, na te majke, sve. Jel bilo lahko razdvajati djecu, porodicu? Nije. Neću da prozovem ovdje bilo koga, nije nam to ljudi potrebno. To je veoma ružno. Da se mi svađamo ovdje danas. Mi trebamo donijeti nešto konkretno, za ubuduće. Ne daj Bože da se ponovi ovo, kako ćemo se mi ponašati? Mi moramo imati mjere. Mjere u općini, od sad nadalje ubuduće. Bila sam trudnica u poplavi koja je izašla znate kako. Koja se porodila prije roka. Koja je došla na vijeće, deset dana nakon poroda i stajala ovdje pred narodom. Bilo je njih stotinu preda mnom i govorila i govorit ću uvijek, sviđalo se to kome ili ne sviđalo. Samo želim da donesemo mi kao Općinsko vijeće, konkretne mjere, a ne da se ovdje svađamo, da upiremo prstom. Mi samo znamo upirati prstom i govoriti politika, politika. Hajmo raditi. Sramotno je to više. Upirete u onog, u ovog. Pa dokle više? Ne trebaju se ovdje držati nikakve lekcije, mi smo svi ovdje odrasli ljudi, koji možemo raditi, svako od nas u svom domenu, svoga posla, može doprinijeti nešto, pa rečenicu, rečenicu. A nećemo pljuvati. Sramotno, vjerujte. Toliko i hvala.

Vijećnik Firuz Galijašević-replika, Zar mislite da nas ne zanimaju respiratori? Zanimaju, jer to nisu njihove pare, sarajevske ili Vlade Federacije, to su i naše pare, koje nisu preusmjerili nama. Vlada Federacije zajedno sa svojim saradnicima, koji su učestvovali sa njima u tim sumnjivim finansijskim tokovima, umjesto naziva zaraza korona virusom, nazvali su zarada korona virusom. Hvala.

Vijećnik Armin Hrnjić, složio bih se sa kolegom Firuzom Galijaševićem koji je rekao da taj novac nije samo njihov, da je to novac svih nas, poreznih obveznika. Također, vidjeli smo kako se cijeli svijet snašao u ovoj situaciji. Teško, to vidimo po broju umrlih u Americi, Italiji, Španiji, kako smo se mi snašli? Ja mislim da smo se snašli odnosno da je se načelnik na čelu sa svim svojim radnicima snašao dobro, da je uradio sve što treba. To govori broj umrlih koji je nula kod nas, hvala Bogu što je tako. Zahvalio bih se načelniku što je bio 24 sata dostupan svima, svim građanima i svim bolesnim, dok su vidjeli smo u Kantonu Sarajevo neki doktori, tačnije oko stotinjak zdravstvenih radnika bježali na bolovanja, koja će se naravno ispitati da li su legalna. Zahvalio bih se direktoru HM-a Muhamedu Hrnjiću i direktoru Bontexa koji su prešli odmah da rade medicinsku opremu, da nam pomognu, da pomognu svim svojim građanima koji su nakon što se virus pojavio u njihovim firmama, bili izloženi linču, kako na facebooku, tako u gradu. Mislim da će otkaza biti svugdje, šta da smo zatvorili odmah sve firme i HM, Bontex, Natronku, gdje bi naši ljudi zaradili novac. Vidimo kakvo je trenutno stanje u državi, u općini,

moramo raditi. A o maskama, o testiranju i tome slično, ne bih mogao da komentarišem. Koliko je gdje testirano ljudi, koliko je sakriveno slučajeva, to znamo, čujemo iz medija i iz svega. Eto toliko od mene. Hvala.

Vijećnik Safet Jašić-replika, očito da su neki ovdje vijećnici prevazišli nivo Općinskog vijeća, pa bave se višom politikom što nije vrijeme, bar u ovo vrijeme, nije ni pravo mjesto ni vrijeme za to. Druga stvar, malo ću na diskusiju gospodina Bešića. Tvrdim ponovo da je situacija nije kontrolisana i stvari nisu bile stvari organizovane. Pokazat ću vam sliku gdje se vrši dezinfekcija ulica u šorcevima i potkošuljama, ne majicama, bez maski. Traktor i na leđima ono što ste vidjeli. Mislim da se previše opustilo ili pustilo ljudima da rade šta hoće. Prema tome nemojte doživljavati kritiku, kao neku zlu namjeru. Nešto u tome ima, prihvatite da je to tako, ako je tako i hajmo da popravljamo. Hajd u buduće da popravljamo. To se dogodilo, imamo slike i sve kako se to radilo. Znači nije bilo kontrole. Eto toliko. Znači aktivisti su radili koliko su mogli, sve do jednog, ja nisam mogao otići tamo i vdijeti kako se radi. Uglavnom po mjesnim zajednicama se radilo, ljudi u svojim mogućnostima, u saradnji sa građanima radili onoliko koliko su mogli. Eto toliko, hvala.

Vijećnik Firuz Galijašević-replika, evo pošto smo bili prozvani ja i moj kolega Arke, Armin Hrnjić. Neću više izlaziti što se tiče replike, slobodno pričajte šta želite. Ovaj, vi hoćete da mi dopustimo da nam neko otima naša sredstva koja nama pripadaju. Mi to neće dozvoliti. Pa bar ćemo pričati, ako ne može drugačije. Hvala.

Vijećnica Dženita Smajlović-replika, tačka Dnevnog red Informacija o provedenim aktivnostima na području općine Maglaj, tema dakle nisu respiratori. Vi ste trebali da ove diskusije da usmjerite u pravom smislu. Ovakvo što se tiče diskusije kolege Mustafe Bešića, nema smisla da on ovdje za ovom govornicom brani gospodina Muhameda Hrnjića, jer ga niko od nas nije ni prozvao, niti da koristi ovu govornicu za neke svoje hvalospjeve. A da se imalo vremena da se pripremi adekvatan program, imalo se vremena. Jer ovo nije baš tek tako došlo kao što dođe neka druga prirodna nesreća. Imalo se dovoljno vremena, mogli smo tu uraditi i u periodu kada nismo imali nijednog zaraženog. A sjećate se da su nama u tom periodu bile čak u jednom sedmici zakazane dvije sjednice Općinskog vijeća bez ikakvih mjera, bez ikakvih.. tada nismo vidjeli opasnost, mnogi od nas.

Predsjedavajuća, stanje nesreće, samo da Vas podsjetim proglašeno je 17. marta, koliko ja znam.

Dženita Smajlović, ali dobro ako smo mi već vidjeli šta se dešavalo, kako se dešavalo, mi smo mogli razmišljati u tom nekom smjeru. Nismo morali čekati da nam neko drugi proglasi stanje nesreće.

Predsjedavajuća, neko drugi, mislite naša Vlada, odnosno naš krizni Štab?

Vijećnica Dženita Smajlović, pa bilo ko.

Predsjedavajuća, pa nije neko drugi, to su ipak, jel ljudi koji žive u istoj državi, kao i mi.

Muhamed Hrnjić, nisam mislio izlaziti, za ovom govornicom, ali ću sada direktno govoriti, laži kako se pojavljuju ovdje. Sve je rečeno. Ovih dana, mi, ja, moja firma i moji radnici, smo svašta pretrpieli. Hvala Bogu izišli smo iz ovog. Ne želim za ovom govornicom da se govori, ko što gospodin Jašić kaže, nije se preventivno sve poduzelo, prije ovog. Mene ne interesuje njegova diskusija, hoću ovdje da javnom rekнем da sve preventivne mjere koje smo trebali da preduzmemo, imamo na papiru. Javna ustanova za zdravstvo ZDK je radila sve javno. Prije ovog, nego što je bilo, mi smo se pripremali. Imali smo 28 naših radnika u izolaciji, što su im njihovi muževi, roditelji, radili. Pa smo i to izdržali. Prošli smo sve. Gospodo, ima vas ovdje koji ste najlošije sve pisali protiv firme HM-a. Moji radnici su dobili jučer platu. Nisu radili. Moji radnici će platu dobiti i za maj, nisu radili. Gospodin Jašić na Kolegiju, zadnji koji je bio, na kojem ja nisam bio, je tražio da se firme zatvore. Lijepo je to reći za govornicom treba zatvoriti firme, a razmišlja li ko od čega će ljudi živjeti. Ovdje se samo dvije firme spominju, treća se ne spominje. Ljudi, treba da znate, u čitavom svijetu, ko je taj koji je mogao da spriječi, ko je našo lijeka i do sada? Ko je? Nisam ja to došo i donio u svoju firmu. Sve sam preduzeo. I danas, ovog trenutka kad sam ja ovdje, u mene se vrši dezinfekcija u firmi, redovno, deset dana, svaki dan dolaze. Diskusije ovakve kakve su ovdje, mene ne interesuju, što kaže, nije sve preventivno. Mene interesuje papir šta je urađeno. Želim da naglasim ovdje, danas je 21. da u zapisnik uđe, ovdje je Selma javno iznijela da sam ja otpustio radnike.

Vijećnica Selma Avdić, ja sam tako čula.

Vijećnik Muhamed Hrnjić, to je laž. Gospodine Firuze, je li iko objavljen u Maglaju, u Zavodu za zapošljavanje?

Vijećnik Firuz Galijašević, nije.

Vijećnik Muhamed Hrnjić, slušajte još nešto. Ovdje maloprije što je gospodin Jašić tražio pomoć za ljude koji su obolili. Mojim ljudima ne treba. Ja sam svojim ljudima ispoštovao i ispoštovat ću sve. Govorim to javno i ako bude došlo do toga, ne treba, to će moja firma snositi. Druga stvar, ja sam četiri dan na skype sa njemačkim partnerom. Znae šta mi se dešava. Pet sedmica nisam radio. 85 hiljada artikala mu treba, bijelih artikala koje upotrebljavaju za ovu bolest. Njeg ne interesuje. Gospodine Jašiću za tebe da znaš, ako bude došlo tokaza, da znaeš da si tražio ti, ako izgubim poso, onda ću normalno i davati otkaze. A ja politiku u svojoj firmi vodim, ne trebate je vi, ti i Selma, što je Selma ovdje za govornicom.

Vijećnica Selma Avdić, ja sam pitala.

Vijećnik Muhamed Hrnjić, ti nisi pitala, rekla si otpustio. Nemoj da lažeš ovdje za govornicom. Ima ovdje čovjek koji radi u Zavodu za zapošljavanje, ako bude ja ću javno izaći i ja ću reći. Danas je 21. šta je rekla ona na Vijeću. Želim da se zahvalim doktoru Vehabu, da se zahvalim Načelniku. Vi govorite maloprije sa višeg nivoa. Svaki put ste govorili vi iz SDA sa viših nivoa. Moji ljudi su bili gladni. Gladni u bolnici. To vam mogu svi

potvrditi. Mi smo im slali da ne budu ljudi gladni. Doktor Vehab i epidemiolog su bili kod mene svaki dan. Gospodine Jašiću, Vama se obraćam. Jer govorite ovdje neke stvari. Ja sam angažovao doktora koji meni obilazi, koji je nadzor, sve preduzeo i ne možete Vi više voliti moju firmu, neg ja. Ako bude trebalo poslije ću opet izaći. A gospodo, ima vas ovdje koji ste sve najgore pisali o firmi. Opstat će firma HM, opstat će nek znate. Hvala.

Vijećnik Safet Jašić-replika, gospodine Hrnjiću, sad ću se ja tebi stalno obraćati. Ti si kroz svoju diskusiju u zadnje vrijeme diskusije, dobro pokazao do čega ti je stalo. Tebe zanima šta je reko njemački taj poslodavac tvoj, ne zanima te zdravlje ljudi. Čeka ga toliko i toliko, čeka čovjek da isporuči. A sad ću ti ja kazati, ja nisam organizator i želim biti organizator u tvojoj firmi, ne znam ni koliko radnika brojiš. Da si mogo drugačije uraditi i isti efekat imati. Što nisi rasporedio u dvi, tri smjene radnike, eto to je jedan. Ja ću ti govoriti sad, ti si meni govorio, ti meni odgovori poslije kad ja završim. To je jedna stvar, druga. Jesu to tvoji radnici, koliko imaju platu, sad ti postavljam pitanje da li su sindikalno organizovani? Kad toliko stojiš iza njih ti, jer kažu većina da su to robovi. Ne radnici, nego robovi. Odgovori. Odgovori kolika je radnicima plata.

Predsjedavajuća, gospodine Jašiću, Vi odoste u sindikalno organizovanje, hajde vratite se na Informaciju.

Vijećnik Safet Jašić, Da li su sindikalno organizovani tvoji radnici? Eto toliko po ovom pitanju. I nije korektno što prozivaš nas, mi nismo ni u jednom momentu, ja sam reko samo radi sprečavanja daljeg širenja bolesti koja nas je zadesila. Ja nisam nikada reko da nas HM ne treba, Bontex il bilo koja druga firma da ne radi, da Bog da vi svi radili. To je moje mjišljenje, al pogrešno si to il si htjeo, al to je tvoj problem. I ne trebašp ti hvaliti nikoga, zna se ko je odgovoran za ovu situaciju u Maglaju. Dobro se zna. Hvalite vi, možete hvaliti, ali se zna i ljudi dobro znaju i građani dobro znaju ko je najodgovorniji za ovu situaciju. Ja nisam, niti to zaslužio da budem prozvan s vaše strane, ovo su bile samo dobre namjere. Toliko.

Vijećnica Selma Avdić-replika, gospodine Hrnjiću, nikad u životu Avdić Selma nije Vas vrijeđala. Nikad. Ni imenom ni prezimenom, niti bilo čim. Kada sam tražila i prije na Općinskom vijeću neka pitanja, tražila sam u ime Kluba Stranke demokratske akcije. Rekla sam da sam čula od ljudi, da ste otpustili 30 radnica. Tako sam rekla i stojim iza ovih svojih riječi. Vi ste odgovorili i ja ništa više Vama nisam rekla. Ja mislim da bilo koga iz Vaše firme, na bilo koji način nikad Avdić Selma nije povrijedila. Vjerujte mi. Možda sam zvala Vaše radnice, kao što ste i Vi. Ja osjećam ljudskost prema bilo kojem biću, u ovoj općini koje je doživjelo ovako nešto. Ne želim da na takav način Vi prozivate moje ime i moje prezime. Toliko i hvala.

Vijećnik Elvir Vehabović, još nas niste optužili samo da nismo krivi za onog šišmiša. Ljudi, epidemija je bila. Bio sam na sastanku kantonalnog Ministarstva zdravstva. I gore ljudi svašta pričaju i zaključak da firmu može zatvoriti samo onaj ko je dao dozvolu za rad. Nijedan krizni Štab, nijedan. I Sud, ako dođe do sudskog procesa. Tako da priča o preventivnom zatvaranju firme ..

Vijećnik Firuz Galijašević, ja kao uposlenik Službe za zapošljavanje ZDK i Biroa Maglaj, odgovorno mogu, tvrdim i mogu reći da nijedan radnik iz firme HM-Promet, nije nas ni konsultovao vezano za prijavljivanje na evidenciju iz radnog odnosa. Jer mi smo i dobili takve instrukcije, da se moraju izvršiti konsultacije, dogovori oko termina prijavljivanja na evidenciju. Nijedan radnik sa jučerašnjim danom niti je prijavljen niti je došao da se dogovori oko prijavljivanja iz radnog odnosa na evidenciju nezaposlenih u Birou Maglaj. Toliko.

Predsjedavajuća, PAUZA Klub vijećnika SDP-a

Dopredsjedavajući, napomenuo da se poštuje Kodeks.

Vijećnik Mustafa Buljubašić, Vi znate da sam ja neovisni vijećnik i tako ću i izaći. Čast mi je da poslije ovih tolikih diskusija mogu i sva bi bila šteta ne izaći, jer se ima šta kazati. Ove diskusije ocjenjuju naše odnose u Maglaju i stanje u Maglaju kakvo je. Drago mi je što sam ovo sve što sam čuo. Prva moja zamjerka koju moram da kažem je gospođi predsjedavajućoj. Govorimo o kodeksu, govorimo o ovom, onom, molim Vas nisam primjetio da ste ikoga s lijeve strane napali, napali ste samo s desne strane.

Predsjedavajuća, nikoga osobno.

Vijećnik Mustafa Buljubašić, sve ste napali. Dobro ja se izvinjavam ako sam pogriješio, to je kodeks.

Predsjedavajuća, nikoga osobno.

Vijećnik Mustafa Buljubašić, da nisam u Maglaju i da nisam iz Maglaja i da nisam bio ovdje za vrijeme ove situacije sa koronom, povjerovo bi u sve ove priče koje su pričane, posebno od predsjednika kriznog štaba. Koji toliko šturo, toliko malo, koji toliko malo reko, ko da se u Maglaju ništa nije desilo. Desila se velika stvar. Desila se jako, jako velika stvar koja ne treba da prođe ovako kako misle ljudi da će proći. Hajd vidimo da jedni se brane, da drugi kao napadaju. Ne, ja bi rekao ovako. Ovi kao drugi žele da prikažu istinu, ovi žele da se brane od toga što znaju da su krivi. Sam izvještaj koji sam čuo je katastrofa. Nimalo kritike nimalo samokritike. Toga je trebalo biti najviše. Toga je trebalo biti najviše. Ispade da treba dijeliti nagrade, a ne kritike. Niko ne traži da se kažnjavaju ljudi. Propusta je bilo itekako velikih. Govori cifra 140 zaraženih u Maglaju i 20 kojih nisu iz Maglaja, a zaraženi su, to je katastrofa. To je katastrofa. Dozvolit ću sebi da vam kažem svima, obzirom i da sam ja najstariji, a imo sam priliku da dan prije sjednice Općinskog vijeća budem u Zenici. Dan, ono Vijeće koje je bilo zadnje ja sam prije bio u Zenici. Prije taj dan u Zenici se desio prvi slučaj od korona virusa. Došli smo u Dom penzionera, imali smo sastanak kantonalnog Odbora Stranke penzionera, čiji sam član, šta se desilo. Ušli smo da popijemo kafu, naručili smo kahvu, jedan iz Teslića, jedan iz Doboja-juga, jedan iz Maglaja, jedan iz Breze i jedan iz Visokog, nas pet predsjednika je bilo. Došli smo malo ranije. Zna se šta se desilo? Za tri minute nije došla kahva, dolazi cura i

kaže molim vas ja vas ne mogu poslužiti. O čemu se radi? Šta je? Kaže kazat će vam direktor. Ide direktor za njom, momci morate izaći. Šta je? Sad mi imamo sjednicu zakazanu ovdje gore, u Domu penzionera kancelarija Saveza udruženja penzionera ZDK. Kaže, sinoć je otkriven prvi slučaj Zenice zaraze korona virusom. Pa šta to sad? Mi imamo sastanak, direktore. Mi smo iz sale sastanak premjestilo u salu Udruženja penzionera, koje sreća imao izlaz ovako tamo na vani, ne treba ulaziti na glavni ulaz. Nema više ni unić ni izić na tom glavnom ulazu. Za tri minute dolazi direktor i nosi ovako kutiju. Izvolite, uzmite i molim vas stavite maske. Otkud to? Pa evo vidite da su ljudi bili spremni. Kaže sinoć je otkriveno da žena koja je došla s djetom iz Njemačke ima virus. Pa nemojmo se čuditi što Zenica deset puta veća od Maglaja, ima daleko, daleko manje nego Maglaj zaraženih. Poduzimali su ljudi mjere, to da znate. Jesam ja bio na onoj sjednici Vijeća kad smo pričali došao nekakav, ovo ono, nekki čovjek, ja sam rekao bježi idi kući, nemoj me ovdje. Borba je bila da se održi druga sjednica u četvrtak. Kroz dva dana. Nije održana, kasnije je odgođena. I sad treba da kažemo, nije niko kriv, treba ljude nagrađivati i tako dalje. Krivi su itekako. Kam zaštitna oprema? Ja radim u Udruženju penzionera gdje imamo 2 hiljade ljudi, a 3.5 hiljade u Maglaju. Pa niko me nije zovno, niko me nije ponudio. Imam osoblje na cijelom terenu općine Maglaj, gdje sam mogo za sat vremena i dostaviti i podijeliti maske svim penzionerima. Baš me ko pito, baš me ko zvao. Još su mi onemogućavali da radim. Kao predsjednik Udruženja, dobio sam od Kriznog štaba ZDK odobrenje, da mogu raditi i da stojim na usluzi penzionerima u svakom momentu. Nije me doduše policija nikako zaustavila. Kad sam došao gore da radim, pripremiš isplatu za februar u martu, svaki mjesec im to redovno isplaćujem, ovaj, policija je zvata. Ustvari ona je zvata, kad smo pripremili, pa kad su ljudi počeli dolaziti, nisu mrtvi ni penzioneri dolazili gore u kancelariju. Dolazila su njihova djeca, njihove kćerke, njihovi sinovi, njihovi zetovi, njihove snahe, njihove komšije koji imaju pravo da se kreću. A ja sam prije toga zalijepio ovo obavještenje na kome stoji, velika slova. Na ulaz u zgradu Udruženja u obdaništu, obavještavamo naše članstvo da ćemo raditi samo u nužnoj potrebi do daljnjeg perioda. Dragi naši članovi, sve vaše obaveze, sve naše obaveze prema vama će biti izvršene. Ostvarimo kontakt na brojeve telefona Mustafa, Zehra, sekretar i predsjednik. Kad sam ja došo tamo za nekoliko dana, kad se to sad pripremi, nema na ulazu moje obavještenja. Nema na spratu gdje se ulazi u Udruženje. I tamo je bilo zalijepljeno. Dođe Zehra, pripremiš, nazovemo ljude i kažem imaš li kompjuteru ovo, izvuci mi. Ponovo zalijepimo. Dojdemo ujutro, ponovo nema. Ko to radi? Radi jedna ugledna dama ovog grada, koja je predsjednica Udruženja porodica poginulih boraca i šehida. Znače? Evo ja stojim 100 %, ako nije. Dodem kažem joj što ti to treba, ma ovo, ono, tam vam. Jesil javila policiji? Kaže jesam. Jesil se javila načelniku? Jesam. Jesil javila Kriznom štabu, kaže jesam, niko me nije zvao. Il oni znaju ili su znali da ja imam odobrenje da radim i treba da radim. Zašto toj osobi treba, koja ima članarinu mjesečno 1.800 maraka od porodica šehida. Ne daje nikom ništa.

Predsjedavajuća, hajmo se molim Vas gospodine Mustafa, da se vratimo na informaciju.

Vijećnik Mustafa Buljubašić, čekaj ba malo, ja izišo odmah da skratim, ljudi pričaju koliko hoće.

Predsjedavajuća, ali Vi ne raspravljate o informaciji.

Vijećnik Mustafa Buljubašić, ovo je poslato da ometa rad Udruženja penzionera, da penzioneri ne mogu dobiti ono što im treba, zato to govorim, mada nisi skontala. Moraš to priznati. Mi smo to uradili i odradili smo. Dalje, one maske što su bile. Mene Krizni štab zovno pa kazo, Mustafa treba obezbjediti maske. Treba u svakom mjesnoj zajednici, podijeliti maske. Ma niko ni ponudio nije. Nije me zovno da pita trebal šta. Ko nisam ja Maglajlija, nisam ja maglajski. Eto takve stvario se dešavaju i takve stvari dokle god se ne izbrišu, dešavat će se ovako. I ovi sastanci će teći ovako kako teku. Imam podatke, volonteri kaže radili, jesu radili, jesu radili momci. U mene unuk, volonter, radio. Mene pitao trebal šta. Al imamo mi volontera koji su se prijavili i nikad nisu pozvani. I ovo tvrdim odgovorno, nisu. Nisu naši, zato nisu pozvani. Zato nismo ni mi pozvani. Pa ćemo malo i o drugoj tački govoriti. Što se tiče ovog ovdje svega što se dešava, ne možemo sad se praviti nismo imali vremena, nismo ovo, ono. Evo ja sam napravio kako je Zenica uradila. Zato je prošla kako je prošla. Zato je prošla, kako je prošla. Mi nismo imali zato smo prošli kako smo prošli. Ovdje ne treba, da primi kritike. Treba izić kazati jesam propustio sam to i to. Ja nisam zadovoljan sa Kriznim štabom. Što ću biti zadovoljan? Znam da predsjednik Kriznog štaba treba biti načelnik. Ja znam da treba biti šef civilne zaštite, da treba biti direktor Doma zdravlja, al zar se nije bilo s druge strane ljudi da se šaren napravi krizni Štab. Da svi budu zaposleni, da svi budu zastupljeni, da ljudi to na terenu vide. Međutim, to tako ne ide. To je sramota, koju ja ni u početku ovog mandata, ove većine koja je sad, nisam mogo ni zamisliti. Nije ovdje pet, tri il dva člana opozicije, ovdje skoro za dva pa većina je na drugoj strani. Znači treba je uvažavati, jer je tu impozantno broj ljudi Vijeća koji su u opoziciji. Što to ne radite? Nego sve što kažemo ne valja, sve što kažemo ne valja. Vidio sam i prije, ovo je meni treće Vijeće, pa znam kako je išlo, ali ovako nikad gore nije bilo, nego ovako kako je sad. Imam ovdje firme koje su zatvorene i o tome se priča ovdje. Ne možemo mi svijetu zatvoriti usta od priče. Ja ne pišem na mobitel, ko je iko našo na mobitel da sam nekome napiso poruku i slovo, evo me ovdje ja ću ubit se ako treba. Ja to ne pišem, mene to ne interesuje, ponekad pročitam i vidim šta ljudi pišu. Nikad nikom nisam napiso. Al Boga mi svašta ljudi pišu sa argumentima i dokazima. Što vam to smeta? Činjenica je da je 140 ljudi oboljelo, 20 sa strane, 160 ba. To je ogroman broj ljudi. To je deset puta smo mi manji od Zenice. Kolko je u Zenici? Ja sam sve vijesti gledao i maglajske i ove. Dalje, nisam zadovoljan sa tom ekipom Kriznog štaba, posebno, zato što su u početku, pa i skroz do kraja, mogu reći, ovi glavni podaci krili o broju ljudi, krili se. Ja sam više o Maglaju informacija čuo na FTV, nego ovdje. Ovdje jednu Drljević je pričao, ovo ono, šta je

pričo na FTV. U Maglaju ima i bilo je propusta. Ja ga slušo. I vi ste to slušali da je tako. I zato smo mi postali crna vrana, svi nas se stide, svi se boje. Tešanji je imo dvoje, troje, da nisu naši ljudi išli tamo, ne bi ni to imali. U ovo, što se tiče ovoga, nemojmo ovo ni uveličati ni umanjivati, samo treba da istinu kazat. Predlažem, ja jesam neovisni vijećnik, al sam u opoziciji, opoziciji, da na osnovu ovoga, sastavite referat o ovom današnjem Vijeću, ovako kako je išlo, nek građani Maglaja znaju. A ja će god budem bio i će god budem išo pričati ću o ovom. Ovo stanje u Maglaju ne valja nimalo, a zna se ko ga vodi. Sramota je da se ljudi toliko osvetnički ponašaju. Da su toliko ljudi puni jada, zla, željom za osvetom, ne znam kako bi to nazvo. To se osjeća. To osjećam i ja i radim s ljudima, hvala Bogu da to ti ljudi znaju da je to to. Nama evo ova elita uništila Stranku penzionera. A sad će uslijediti kolektivno isključenje starih članova koji su bili, zato što to ljudi vode Maglaj to zaslužuju i to će biti vrlo brzo, možda iduće sedmice. Ne treba raditi tako, treba raditi tako da se sviđi tvoj rad ljudima, a ne da se ogadiš kroz svoj rad ljudima. Zato vas molim, povedite računa i nemojte napadati toliko opoziciju. Opozicija je konstruktivna, ono što pričaju ja potpisujem da je to tako. Što to vama smeta to je druga stvar. Znamo mi što smeta. I zato sam se i opredijelio i stojim iza njih i s njima i bit ću s njima do kraja. Da se niko ne uzda da ću se ja promijeniti i da ću biti drukčiji. Ovo su činjenice i ne bi volio da mi neko odgovara da moram izlaziti i replicirati, jer ovo što sam reko je čista istina. I ovo je ovako kako sam reko i nikako drukčije. Prema tome, idite da se stanje smiri, da se napravi, a ne utuk na utuk i to nas ne vodi ničemu. Eto toliko za sada.

Predsjedavajuća, hvala lijepo. Ja bih stvarno zamolila da, evo i na Kolegiju je na insistiranje gospodina Jašića rečeno da ipak nastojimo da ova sjednica ne traje cijeli dan i ovaj će prostor, prekinut će se sjednica, da se uradi dezinfekcija ponovo, da bi mogli nastaviti sjednicu. Te vas molim da cijenite pravila Poslovnika i da poštuju pravila Poslovnika. Diskusije za vijećnika traju 6 minuta, diskusija za predsjednika Kluba traje 12 minuta, od sada pa nadalje, nakon 6 minuta, neće se više snimati diskusija, bit će prekinuta, osim ako nije rečenica naravno pri kraju, pa da se i to završi, kako bismo ispoštovali Poslovnik. Nije bilo prijavljenih vijećnika, načelnik općine se javio za riječ.

Načelnik općine, evo ja ću malo se osvrnuti na sve ove diskusije. U startu da kažem da se slažem sa stavom koji je zauzela vijećnica Avdić ovdje, ali bi dobro bilo da poštuju taj stav i da se ponašate po tom stavu, a ne da se ponašate na onaj način. Optužujete, iznosite neistine, dakle ovdje, ja ću vas demantovati u pola stvari. Zašto iznosite neistine? Da li ste bili sposobni da prije Vijeća pitate vlasnika HM-a da li je nekoga otpustio ili da izađete za govornicu pa kažete da jeste otpustio? E to su Vaše dobre namjere. Evo krenut ću od kraja. Ja Vas slušo i završili priču. Evo krenut ću od kraja, zato što je ovdje vrlo opasna laž iznešena, nažalost od najstarijeg vijećnika. Kriju se podaci. Dakle, reći kriju se podaci je takva zlonamjerna laž i uznemiravanje građana. Nikakvi se podaci nisu krili. Cijelo vrijeme smo vas apelovali građanima da prate podatke zvanične na Općinskoj stranici, na RTV Maglaj i maglaj.net je prenosio te podatke. Što je neko negdje kasnio sa podacima, to nas ne interesuje. Mi apsolutno nemamo nikakve kontrole nad ostalim, nemamo ni nad ovim medijima, al su ovi mediji pratili rad Štaba i pratili rad Doma zdravlja i pratili rad Kantonalnog kriznog štaba i zato su imali tačne podatke. Za ostale me ne interesuje šta su imali, šta su objavljivali. Kada kažete kako je Zenica bila organizovana i kako ste vi bili organizovani, baš ste riješili problem sale, jer ste otišli u malu prostoriju. Ali evo da to ne pominjem. Što se tiče dr. Drljevića, dakle izjavio je da je u Maglaju u dvije firme bilo određenih propusta, te dvije firme dobrano preko 100 hiljada svaki mjesec izdvoje za zdravstvo i nisu se udostojili ni u te dvije firme ni ostale da ih obidu, da vide da li se poštuju mjere, šta bi se eventualno moglo ispraviti i ne samo u Maglaju, nego i u ostalim gradovima Zeničko-dobojskog kantona. A kolika su mjesečna izdvajanja ove dvije firme znaju vrlo dobro direktori, odnosno vlasnici te dvije firme, ali i ostale. Govorim i za Natron i za sve. Onaj ko je ovdje izašao pa rekao, preventivno zatvoriti firme. Ljudi moji, mi smo dugo bili bez ijednog zaraženog. Ko je preventivno, u kojem gradu zatvorio i jednu industrijsku firmu? Pa nije niko, nemojte da lupamo. Industrija ostaje da radi i treba da radi i da bogdom se ovo nije desilo, da su radili i zbog radnika i zbog firmi i zbog vlasnika i svega. Ali nažalost evo desilo se, pa su imali zastoje. Niko nije zatvorio i zatvarao firme, niti je Općinski štab imao nadležnost da zatvara bilo koju firmu. Dakle, i Fine life i HM-Promet i Bontex da su imali druge postave u odnosu na one ljude koje su imali, da su imali priliku druge uposlenike dovesti, mogli su isti dan nastaviti sa proizvodnjom, zato što niko te firme zatvorio nije. To morate znati. O dešavanjima, kad je koja stala vrlo dobro znate, imate sve informacije. Ali evo ja ću se vratiti na početak lijep. Šef Službe Maglica, evo ga se još dolje zavalio, izgleda u stolicu, izvuče se, Služba nema stručnog lica. Gospodine Maglica, zašto niste prezentirali ovdje da je urađen Plan, da imate, da je angažovana stručna kuća, da je uradila procjene ugroženosti i tako dalje. To ste trebali ovdje da iznesete. Trebali ste da iznesete kad Vam je rečeno omjeru sredstava zaštite i spašavanja, to su sredstva zaštite i spašavanja, u kojem omjeru se na što troše. Najlakše se tako bilo izvući. Ali evo izvukli ste se. Evo Planovi postoje, ali kad govorimo o pandemiji ili epidemiji, koje bolan planove pominjete? Ko ih ima? svjetski instituti, svjetske zdravstvene institucije, pa i Svjetska zdravstvena organizacija mijenjala svoje stavove tokom ovog. A njemački institut kaže jedno, pa za nekoliko dana dođu zaključci datreba raditi nešto drugo. Pa to su radili i naši krizni štabovi. Pa jel imate epidemiologa iskusnog koji kaže da neće žene oboliti, da mogu ići u shoppinge? Pa jel bila priča da ne mogu djeca oboliti, pa bebe oboljele? Dakle, dešavaalo se, čitav svijet je bio iznenađen sa ovim, desilo se što se desilo. Poduzimale se aktivnosti u hodu. Ono što ja želim reći, priča o radu Općinskog štaba civilne zaštite, donošenju naredbi, dakle jedna od prvih Naredbi sa federalnog nivoa da niži nivoi ne mogu donijeti niti jednu Naredbu koja

je u suprotnosti sa federalnom, ne mogu donositi samostalno. Bilo je pokušaja i vi znate da su ti pokušaji eliminisani. Znao da je tuzlanski kanton uradio pa su morali poništiti. Zapadno-hercegovački kanton je nešto drugo uradio, pa je tu bilo političkog natezanja. Mi nismo htjeli ni imali potrebe da idemo u sukob sa Federalnim štabom niti Kantonalnim, nego su bili dio tog sistema. Kakav god da je bio mi smo bili dio tog sistema. Kada pominjete mjere koje su preduzete, evo krenimo od maski i rukavica. U uvodu vam je rečeno preko 80 hiljada maski podijeljeno na području općine Maglaj. Nijedan grad u svijetu nije obezbjedio maske i rukavice svima tokom čitavog trajanja epidemije, nego su svi kupovali. Ali nije u pitanju samo maska. Dobijena je preporuka da se koriste i maske i šalovi, i marame i tako dalje. Da bi u jednoj kući imali masku dovoljno su makaze i neka košulja, potkošulja i tako dalje. Tako da se sve moglo napraviti. Evo kad govorite o Maglaju konkretno. Pa najviše zaraženih potiču iz dvije tekstilne firme. Pa to su firme koje su prve proizvodile maske, čiji su radnici imali maske i čiji radnici znaju sašiti maske. Dakle nije maska problem. A šta je sa rukavicama? Jedan dan ih treba koristiti, drugi dan ih ne treba koristiti. Pa onda kažu da više mogu donijeti štete, nego dobra. Eh to je se dešavalo u radu. Što se tiče ovdje pominjanja nekih uplatnica, vjerovatno ne znate ni Vi gospođo Hasanić o čemu pričate. Ovaj, a što se tiče rada Općinske administracije, dakle prilagodili smo rad, što se tiče digitalizacije, kakve to veze ima sa korona virusom. Za Vašu informaciju, davno završena digitalizacija. Što se tiče materijala za Općinsko vijeće dobili ste odgovor, dakle na insistiranje predsjednika Kluba vijećnika SDA se materijal dostavlja u printanoj formi, jer jedino vi zaostajete u elektronskom pogledu, inače bi davno predavali materijal sav u elektronskoj formi. Ja sam vas pomno slušao, nisam se javljao, molim vas da saslušate i vi mene. Što se tiče dezinfekcije, vi vrlo dobro znate da je urađena dezinfekcija i od strane KJD Maglaj i od strane pojedinaca i od strane PVJ i od strane Instituta za zdravlje i sigurnost hrane. I evo na kraju je i bila dezinfekcija od strane Oružanih snaga BiH. Pojedinci u mjesnim zajednicama su dobili upute da rade na organizovanju provođenja mjere i dezinfekcije. Evo preskočit ću taj dio da kažem šta su pojedini povjerenici radili, od blokiranja, fizičkih obračuna i tako dalje. Al ću ih preskočiti u ovom trenutku, ako bude trebalo, možemo poslije o tome. Kada je u pitanju sastav Općinskog štaba civilne zaštite, dakle to je sastav koji je imenovan od početka mog mandata i takav je kakav je, u skladu je sa zakonom. U ovom trenutku smo Štab pored onih koji su imenovani, pozivali i Općinskog sanitarnog inspektora i povremeno su bili drugi gosti. Kada je u pitanju sanitarna inspekcija, mi imamo jedno sanitarnog inspektora i nismo ih mogli imati pet i da smo htjeli i ne možemo ih imati zbog situacije kakva jeste. Kada je u pitanju Registar osoba u stanju socijalne potrebe, to je i prije pominjano. Ja sam davno očekivao da Centar za socijalni rad bude nosio toga, da se to završi zajedno sa Službom za društvene djelatnosti. Na neki način su blagovremeno napravili taj Registar i u njemu djeluje Koordinaciono tijelo koje imenovano, koje čine šef Službe za društvene djelatnosti, direktorica Merhameta i predsjednica Crvenog krsta. I to je opet po Odluci Štaba civilne zaštite. Dakle, nisu samostalno sve radili, osim svojih samostalnih djelatnosti, dakle koordinirali su i sa Štabom. Primjedba nije organizovan rad Vijeća, hajd neću to ni komentarisati. Prilagoditi naredbe, pa naravno da smo prilagođavali naredbe. Sve naredbe koje su dolazile sa viših nivoa su prilagođene za općinu Maglaj. Imate uvid, možete dobiti i naravno da smo postupali po tim naredbama. Kad aje u pitanju ovdje konstatacija da li pominjati više nivoe. Imamo svjetsku pandemiju i sad neko odgovara, da ne pominjemo više nivoe. Pa trebamo pominjati više nivoe. Općine su siromašne u svakom pogledu i u novčanom i u kadrovskom i kvantitetu i kvalitetu, a viši nivoi su ti koji su primaju i ministarstva i agencije i ostale organizacione oblike i imaju novac. Naravno da treba pominjati. Treba pomenuti koliko smo dobili pomoći u ovoj situaciji, od prvog evidentiranog i nakon prvog evidentiranog. Znao koliko? Stane u tri kese. A novac od 23 miliona koji je bio odobren prema općinama, a neko nije bio zadovoljan, nisam ni ja bio zadovoljan kako je sve izgledalo. Ali sam bio zadovoljan ono što je dobila Općina Maglaj. Znao gdje je završilo? U malinama. Nisu dobile općine pomoć za borbu protiv korona. Primjedbe iz Kluba SDA. SDA se stavila na raspolaganje. Šta ste stavili? Koga ste stavili? Ko se javio od vas da bi učestvovao u radu Štaba civilne zaštite? Pa vi kad ste bili na vlasti, imali ste Štab u jednom čovjeku. Jedan čovjek bio Štab civilne zaštite, jedan čovjek primao delegacije, jedan čovjek bio i načelnik i predsjednik partije i tako dalje. I sad govorite nekom ko ima ekipu od 12 il 15 ljudi. Novac ostao neutrošen, to je ovo novac od zaštite i spašavanja, što je gospodin Maglica preskočio. Pa ne znam, dali je to logika kad se proglasi stanje nesreće, da se potroši odmah sav novac. Ako je to logika, ovaj ja se u to ne uklapam. Kaže narod treba da se samoorganizuje. Pa mi uporno govorili ljudima, ostanite kod kuće, poštujujte mjere, dali upute povjerenicima mjesnih zajednica, angažovali volontere, na raspolaganju Crveni krst, na raspolaganju Merhamet. I onda ostanimo samoorganizovani. Naravno da se trebamo dijelom i samoorganizovati. Načelnik upravlja populistički. Ne znam po čemu je populistički ako je praćen rad Štaba civilne zaštite, davana saopštenja Štaba civilne zaštite u javnost. Kakav je to populizam? Ako mislite da je populizam što sam obišao pojedine firme, što sam obišao HM da vidim da li su se organizovali, da li poduzimaju mjere? Što sam obišao Bontex, da vidim da li su organizovani, da li poduzimaju mjere? Što sam otišao tamo gdje su se ljudi najviše prepali? Niko vi niste danas ih ovdje pomenuli trgovačke radnike koji su se bili najviše prepali. Svi mi smo okolo hodali dolazili njima na kasu i na police. Ne znate koji je strah bio, kakvi su bili zahtjevi da se zatvore i radnje. Hvala Bogu nema niko od njih da je obolio. Obišao sam i te centre. Nažalost, nisam stigao iako sam bio u kontaktu sa Budo export, nisam stigao obići firmu, nisam uspio obići Šeherconi gore. Bio sam u kontaktu sa Excel Assemblies, sa Natron Hayatom, možda ćete jedan i htjeti da prihvatite informaciju da smo s njima zajedno radili na mogućnosti da strani stručnjaci uđu, da se završi remont, da se pokrene proizvodnja u

tvornici Natron-Hayat. Što nažalost nije urodilo plodom, koliko god su bili angažovani ljudi iz različitih političkih partija, iz različitih krugova, do naučnih i političkih i svakakvih, nije se uspjelo to riješiti. Nekog nije bilo briga za skoro hiljadu porodica koje žive od Natrona direktno i onda pet hiljada indirektno i onda čitav grad za koje mi znamo koliko nam znači tvornica Natron. Malo sam se iznenadio, ljudi čitaju Službene novine, to je dobro. Čime smo, šta smo radili. Dakle, radili smo ono što smo znali, kako smo najbolje znali i šta smo u datom trenutku mislili da treba uraditi, to smo i uradili. S ponosom ističem da se nismo bavili kriminalom, ko što su se drugi bavili kriminalom. Što čitav svijet bruji o tom kriminalu. Pitanje zašto se radnicima nije izdalo rješenje? Radnicima HM-a pa onda i radnicima Bontexa. Jel moguće da dođete na sjednicu na ovakvu tačku dnevnog reda i da niste konsultovali ni zakon ni struku, ni bilo koga i da ste niste zapitali ko izdaje rješenja. Očigledno je moguće. Zato što vam nije namjera da znate, nego vam je namjera da pravite pomutnju. Dakle rješenja o izolaciji ne donosi Općinski štab civilne zaštite, zna se po zakonu ko je nadležan i za izolaciju i za karanten i za zdravstveni nadzor. A što je gospodin Hrnjić bio odgovoran pa je odmah firmu zatvorio, poslao ljude na godišnji, da je mogao dobiti rješenja za radnike u trenutku kada niko nije bio zaražen, nije niko bio evidentiran zaražen, vjerovatno bi podijelio im rješenje. Ali nije mogao to dobiti. A znate vi, prijavili ste vi nas, istražuje se i to, nije to nikakvo čudo. Nekom je direktor Vehabović odgovorio na dio pitanja, ono što ja kroz diskusiju opozicije vidim, a i ono što ste objavljivali po facebooku i vaši ataci gdje ste prozivali me. Prvu ste subotu, nakon proglašenja prirodne nesreće, gdje sam, gdje se sakrio načelnik. Načelnik taj dan, kao i svaki drugi, radio, kao svaku nedjelju, kao i prvi maj što je radio. I taj dan je bio u Domu zdravlju, u PVJ, u Crvenom krstu i kratko posjetio Policijsku stanicu, da vidim kakvo je i tamo stanje među ljudima. Ali naravno, prozivka je bila da moram ići i ja da se testiram, doktor Vehabović i gospodin Hrnjić. Nije to bila prozivka što je neko stručno razmišljanje da treba, to je bila vaša nada, nijel sreće da je neko od njih obolio. Pa evo nije niko od nas obolio.

Vijećnica Selma Avdić, pa mislim stvarno.

Predsjedavajuća, ne dobacujte, javite se za riječ. Imate pravo da diskutujete.

Načelnik općine, ja vaše nebuloze slušo, sad vi slušajte malo mene. Dakle, nije niko obolio. Na svu sreću, na svu sreću nije bilo ni mrtvih iako je ovoliko broj evidentiranih zaraženih. Što nije bio slučaj 2014. godine kada je bilo mrtvih, pa se sakrilo. Pa oni koji ne znaju, da vam kažem, kako funkcionišu u nekim drugim mjestima. I danas, i danas dan nije sahranjena gospođa sa Ilidže koja je umrla. I to morate znati. Tako da biste poredili da šta smo radili, šta su drugi uradili. Ono što me nije čudilo ovdje da izađe po koji put laž da je načelnik okrivio građane. Ne, nije. Stalno ih pozivao na odgovornost, zahvalio im se više puta, ali jeste na klixu bila informacija i da je načelnik to rekao i šta je rekao direktor Vehabović. Ja sam javno maglajskoj televiziji da nisam imao vremena niti sam htio time baviti, nek pišu mediji šta hoće. Direktor Vehabović se time pozabavio, angažovao je advokata, pa su onda demantovali njegovu izjavu. Ja nisam htio, ne interesuje me i to je sva istina. Kada se čita nešto što je drugi napisao, onda je moguće da ponovo pitate na odgovor koji sam rekao. Ja sam vrlo precizno odgovorio gospodinu Deliću na dilemu oko poticaja poljoprivrede. Nadam se da ste svi razumjeli. Kada se čita materijal onda se ne razmišlja o tome. Prozivanje ko je ozbiljna, ko neozbiljna stranka, nemojte to, povlačite nas za jezik. Ako pogledate trenutno stanje u Federaciji BiH, i ako pogledate ko čini većinu na federalnom nivou i ako pogledate sve afere, sav kriminal koji je isplivao na površinu, nema vam osoba iz SDP-a, nema vam osoba iz DF-a, nema vam osoba iz HDZ-a. Iz koje stranke su? Nagradno pitanje. A onda dođemo do populizma, da se zaraženim isplati po 1000KM. Jedino da pokušamo u malinama. Evo izборite se vi kao stranka, pošto ste na vlasti u Kantonu i Federaciji, izborite se da dobijemo novac, ne da isplatimo po 1.000, nego da isplatimo po 5.000 maraka. Potrudite se, ali nemojte se truditi da ne dobijemo, ko što se trudite tri i po godine, za projekte da ne dobijemo. Ako vas i to bude interesovalo, reću vam ko je se trudio da ne dobijemo. Al ću vam reći i ko je se trudio od ljudi iz SDA da dobijemo. Ali ti koji su se iz SDA trudili da dobijemo, nisu ovdje, nisu u ovom prostoru partije. Dakle, ovo je dio odgovora na dileme, vjerovatno će biti prilike da se još javim i da vam još kažem neke konkretne stvari.

Vijećnik Safet Jašić, mi smo i pretpostavljali da ima u SDA neko ko dobro komunicira sa gospodinom Mahmutagićem. Ovo danas je samo potvrđeno. Nama je drago da to tako lahko dobijamo informacije koje nas zanimaju. I nisu ovdje. Šta hoću da kažem. Niste načelnice ništa novo rekli, ništa novo. Nažalost i dalje ista priča, isto podvaljivanje, isto vrijeđanje ljudi i tako dalje. Mislim da nije vrijeme za to, nije nikad bilo, posebno kada je u pitanju Vaša pozicija. U tom pravcu je izgleda ove tri, četiri godine se stalno govorilo i ne vrijedi, ali niste se sa svojom ovom diskusijom odbranili ni od čega. Vi ste najodgovorniji čovjek u općini Maglaj, Vi ste prvi čovjek općine Maglaj i najveća odgovornost snosite. Što se tiče kriminalaca koje Vi pominjete stalno, ovdje ih među vama sigurno nema, ali može se zaviriti malo i tamo na drugim stranama. Ako bude trebalo, vjerovatno će toga biti. Mi, onaj stojimo iza onog što govorimo, što smo govorili. Kada su u pitanju zatvaranje firmi pomenutih i to je bilo primjedba na našu diskusiju. Znamo mi da, ko zatvara firmu, ko može da zatvori firmu. Da li je potencirano ili pisano prema višim, odnosno Kantonalnom i Federalnom štabu civilne zaštite, da postoji opasnost tamo gdje radi 400 ljudi od širenja korone i tako dalje? Da li je kakav aktotičo iz Općine prema višim nivoima, da se to zaustavi? Ne da bi nekome se uzo poso, nego ili da se preorganizuje ili da se malo smiri to. Znači mi nismo krivili nikog šta je radio, nego zato što je proizveo ono što je proizveo. Dalje, samo ću ponoviti, predsjedavajuća me je malo, izvinjavam se, prekinuli ste me u mojoj prvoj diskusiji, pa ću ja ponoviti ove naše dva zaključka koji predlažem da uđu. Znači prvi je tražimo da se formira stručna komisija, pratite me i prošli put sam ja ..

Predsjedavajuća, pratim ja Vas vrlo pažljivo, ali ne znam.

Vijećnik Safet Jašić, komisija će izvršiti analizu provedenih aktivnosti u periodu od proglašenja stanje nesreće na području Federacije BiH izazvanom korona virusom COVID-19 za područje općine Maglaj. Komisija bi bila dužna sačiniti izvještaj koji će biti prezentovan Općinskom vijeću i javnosti Maglaja. I ovaj drugi, evo ja ću ga ponoviti, da se isplati po 1.000 KM svim oboljelim od korona virusa. I evo pitanje, kad sam izašo, gospodin Galijaševiću. Da li imaš poziciju i ovlasti da ti iznosiš te podatke koje govoriš? Ti nisi direktor ili šef Biroa za zapošljavanje. Nekako mi se ponašaš tu, onaj, mislim da su to ipak neke poslovne stvari koje ne bi trebao ti da iznosiš ovdje sa pozicije sa koje dolaziš. Toliko.

Vijećnica Selma Avdić, evo prvo ću našem Načelniku nešto da kažem. Lijepi je mjesec ramazana, ko može misliti drugom zlo, načelnice? Ko može misliti da budete bolesni Vi i Vaša porodica? Pa Allaha mi dragog, to je sramotno. Da bilo ko od nas, bilo kome pomisli tako nešto da neko da bude bolestan. Pa to je stvarno dno dna. Eto ja Vam sad govorim.

Načelnik, i ja to govorim da je dno dna.

Vijećnica Selma Avdić, ne stvarno Vam to govorim, to me pogodilo toliko. Postim, mjesec je ramazan. Stvarno, je to veoma ružno. Ne može niko, ako je iole normalan da misli čovjeku zlo. To je dno dna. Naša Dženita Smajlović je se prijavila da volontira, da radi. Nije dobila nikad nikakvo rješenje. Ja kao majka djeteta sa kritičnom bolešću, nisam se mogla prijaviti zato što moj muž je vani već tri mjeseca i morala sam se brinuti o toj djeci i ići na posao. A ja bi se prijavila. I samo da Vam kažem, bilo je još pojedinih naših ljudi, koji su se prijavili, ali nisu dobili rješenje. Mislim to je.

Predsjedavajuća, prijavila sam se i ja i nisam dobila rješenje. Pa šta sad, to je..?

Vijećnica Selma Avdić, al to je, al pošto je Načelnik pomenuo da se niko od nas nije angažovao. Eto toliko i izvinite molim vas.

Načelnik općine-replika, niste Selma ništa loše rekli. Post je privatna stvar. Ali evo i ja ću reći. Postim i ja. Ali nemojte se vezati za ramazan, nije ramazan Vaš, ramazan je islamski sveti mjesec. A ovo o čemu sam rekao, dešavalo se prije ramazana. Pa vjerovatno bi se dešavalo i u ramazanu, samo da je pomjereno dešavanje korona virusa. Pa čitali ste ko je se prozivao, ko je piso, koga je trebalo vezati i voditi na testiranje i tako dalje. Ne lažem ja ništa, samo ono što su vaši ataci pisali. Pa pitajte druge.

Vijećnica Selma Avdić, pisali su i Vaši o meni, pa sam šutila.

Načelnik općine, pitajte druge, evo imate gospodina Vehabovića, imate gospodina Hrnjića. Pa pogledajte šta ste pisali. I zato vam kažem, ništa drugo ne kažem. Al nemojte da se hvatamo na nešto što je naše privatno. Da je bogdom sreće Selma da nije bilo toga, da nije bilo prvo ove pandemije, ali daj Bože sreće da jednom u Maglaju bude malo više sloge i staloznosti. Al neće toga biti. A zaustavit će se, da ne kažem do kad toga neće biti.

Vijećnik Firuz Galijašević, samo odgovor kolegi Jašiću. Ja vrlo dobro znam i mogu ponoviti od riječi do riječi kako sam rekao. Rekao sam ja kao uposlenik Službe za zapošljavanje Zeničko-dobojskog kantona u Birou Maglaj, nisam imao nijedan poziv, znači ja to smijem reći. Ja nisam imao. Ja nisam iznio nijedan, nijednu rečenicu nisam rekao u ime Biroa rada Maglaj. Nijednom nisam prekršio Zakon o zaštiti podataka, ničiji, niti sam ugrozio ni svoj Ugovor o radu niti integritet moje firme. Mislim da je dovoljno. I ne želim više da izlazim da odgovaram.

Vijećnik Safet Jašić-replika, ovo je dobro. Znači nemaš podataka uopšte da li ima, da li je u Birou za zapošljavanje se pojavio neki broj radnika. Nemoj, iz tog razloga sam te ja isprovociro da izađeš i da kažeš, da govoriš u svoje ime, a ne u ime Biroa rada.

Vijećnik Nedžad Lokmić-replika, u pitanju je gospodin Jašić, vezano za ovu stručnu komisiju koju predlaže. Ja koliko znam, morat ćemo se izjašnjavati, pa sam i ja malo zbunjen u vezi toga. Pa ga molim da ovaj, da neke svoje prijedloge u ime stranke SDA, vjerovatno ima iskustva u tim komisijama, počevši od lokalnih, federalnih nivoa, da se i mi možemo orjentisati koji su to kadrovi, koje bismo trebali predlagati. A Načelnik mi je maloprije ukrao misao, pošto predlaže ovu pomoć za oboljele, niko nema ništa protiv toga, vjerovatno imate ideju pod kojim stavkama izdvojiti ta sredstva. Evo ja ću, biti skromniji, ako ih nađete, da po 2.000 opredijelimo bolesnim. I evo koristim se prilikom da samo glede napada na gospodina Hrnjića, izrazim zahvalnost. Nisam čuo, nisam predvidio, ali ipak bih javno iskazao zahvalnost za njegov rad. Prve maske koje sam dobio na ulici, a tražio sam da ih kupim, nisam mogao naći da ih kupim, dobio sam upravo od njegove firme, dakle u ime mnogih porodica veliko hvala za to što ste ugradili. I samo se nadam da se niste pokajali što ste ih tako dijelili, mogli ste ih dobro unovčiti. Čuli ste da u Sarajevu ima jedan čovjek koji plaća po 25KM pa nadam se da se niste pokajali zbog toga. Mirno spavajte, narod zna šta ste učinili. Hvala.

Dženita Smajlović-replika, ovo što je on izrekao to je direktna uvreda svih vijećnika SDA. Dakle, ovo nije stvar ni ramazana, ni nečeg privatnog, ovo je stvar ljudskosti i kolegijalnosti. Znači ovo je dno dna. Iznenadeni ste što čitamo, mi smo zaostali, stopiramo neke projekte, onda nas spočitavate neke facebook objave, ne možete nam spočitavati takve objave. Stav Općinske organizacije SDA Maglaj je isključivo na facebook stranici SDA Maglaj i upućivana su javna saopštenja na RTV Maglaj. Dakle ovo sve što drugi ljudi pišu, mi se od toga ograđujemo, a vi ne možete nikoga spriječiti, začepiti usta. Što se tiče ovog volontiranja po Javnom pozivu, što je kolegica Selma spomenula. Ovdje u ovoj Informaciji stoji da su rješenjem Načelnika općine, imenovani volonteri pri volonterskim

štabovima. Evo ja sam se prijavila, poslala sam sve podatke, nisam nikad pozvana, pa me zanima na koji način, kako su odabrani ti ljudi? Da li imamo imena tih ljudi? Ko se sve prijavio, ko je šta radio?

Načelnik općine- uvažena vijećnice Smajlović ja se s Vama u potpunosti slažem da je to bilo dno dna. Dakle, dno dna šta su vaši stranački aktivisti pisali o meni i vrijeđali porodicu. Zaista dno dna, slažem se u potpunosti. A kada je u pitanju odgovor za rješenje, vi ćete danas pet puta pitati jednu te istu, već vam je predsjedavajuća odgovorila, evo i ja ću ponovo odgovoriti. Dakle, rješenje o imenovanju volontera, napisano, ali niste dobili informaciju, niste ni pročitali da su napisana pojedinačna rješenja. Rješenje o imenovanju volontera dobila resorna Služba civilne zaštite i Služba za društvene djelatnosti. Oni koriste volontere po potrebi. Imenovanje volontera ne znači pravljenje igranke da svi dođu na jedno mjesto, u isto vrijeme, niti je značilo da će svi biti angažovani, niti je značilo da će svi biti potrebni za angažman. Ali smo na vrijeme tražili i za dobrovoljne vatrogasce, jer smo se plašili šta se može desiti sa našom Profesionalnom vatrogasnom jedinicom. Da mogu biti zaraženi, da možemo ostati bez tih ljudi, pa smo tražili volontere da se jave, javili se i hvala im. Nisu angažovani, hvala Bogu nije bilo ni potrebe. Isto tako i većina ovih volontera, evo među kojima ste i Vi, nije angažovana, dakle gdje nisu bili potrebni. Tamo gdje je bilo potrebe, angažovani su. Ako mene pitate, ko je angažovan, od volontera, vjerujte mi da ne znam. Vjerujte mi da ne znam, pa nemam vremena da ja vodim računa i da gledam ko je angažovan, ko nije angažovan. Oni koji su dobili spiskove, koji su dobili obavezu, oni su to radili. Hvala.

Vijećnica Dženita Smajlović, ne želim ovo dno dna da se na ovakav način iskoristi. Ja sam rekla da su dno dna Vaše izjave i uvrede na račun Kluba vijećnika SDA, pa voljela bih da se i s tim složite i ukoliko je moguće da nam se izvinite što na ovakav način sa nama komunicirate. To stvarno nije fino. A što se tiče ovog, nisam ni mislila da ćemo dobiti svi posebna rješenja, samo sam pitala na koji način, ima li neki spisak, čisto za informaciju i to je to. Ništa više.

Načelnik općine, Bože sačuvaj. Jel ja to ne čujem dobro? Da je neko izašao i rekao nisam dobio rješenje. I nisam dobio rješenje. I onda sad nisam rekla tako. Kako nije? Lijepo rečeno da niste dobili rješenja. I da drugi nisu dobili rješenja. Ja Vam potvrdio da niko nije dobio rješenje. Nego jedno zbirno rješenje sa spiskom. A dno dna, jeste, nemam potrebe da vam se izvinem. Nema potrebe, zato što od početka ste iznosili neistine, iznosili laži, čak i na zvaničnoj stranici SDA, ako već hoćete da vam i to kažem, Dakle na zvaničnoj stranici SDA ste iznosili laži. I zašto bi vam se onda izvinio? Činjenica je to dno dna i neću više izlaziti zbog vas, izađite pet puta ako hoćete.

Vijećnik Safet Jašić, u protekle četiri godine, ovaj Klub vijećnika SDA nije ni za šta pitan niti uvažavan, prema tome, de te vi tu komisiju napravite kako znate, bez nas, jer ste sve bez nas uradili. Napravili ste sve komisije bez SDA, sve ste radili bez SDA i završite ovo do kraja. Završite do kraja. Kako ćete završiti, to ćemo da vidimo. A što se tiče drugog dijela, onaj isplate po 1.000KM, isplatite onako kako je SDA isplatila 2014.

Vijećnik Mirza Bradarić, ja se iskreno nadam da ćemo ovo, evo 12 sati i 5 minuta, uspjeli privesti kraju. Kolega Lokmić je maloprije izašao, i ovo što je on zaista postavio pitanje, to pitanje u ime Kluba SDP-a. Meni je zaista nelogično, da vi date nekakav prijedlog i da onda kažete radite to bez nas, ne znamo mi kako ćemo, ali vi uradite. Ako ste dali prijedlog, dajte brate konkretan prijedlog šta konkretno uraditi. Koje ljude pozvati? Evo što se tiče te komisije, mi smo stava, nemamo ništa protiv toga. Ako će ta komisija doprinijeti nečemu dobrom, neka bude. Samo ko da bude u sastavu te komisije? Jesul to samo stručni ljudi iz općine Maglaj? Jesul to stručni ljudi sastavljeni od ljudi iz kantona, Federacije, države? I druga stvar, mislim da ni u jednoj toj komisiji neće raditi volonterski. Ko će to platiti? Ko će platiti ljudima da dođu ovdje satima da sjede, da prave nekakve elaborate, da prave nekakve prijedloge i da rade džaba? Ne znam. Evo dajte konkretan prijedlog i ja vam kažem, mi ćemo prihvatiti kao Klub SDP-a. Kažete ništa ne prihvatamo. Evo prihvatit ćemo, samo dajte konkretno sa podacima, ko da učestvuje, odakle da učestvuje, koliko to košta i ko će to platiti. To je jedna stvar. Druga stvar, evo spomenuli ste sada cifru, ja se zaista nisam htio javljati nikako, pogotovo po pitanju ove 2014. godine. Vi se morate sjetiti ko je bio na čelu te Vlade 2014. godine i ko je zaista dao pare. Da bogdom hoće sad Vlada i šef sadašnje Vlade dati sredstva koja pripadaju općini Maglaj kao što je tadašnja Vlada 2014. a znate ko je bio na čelu tadašnje Vlade, dao te pare. Al nažalost, još uvijek ima ljudi koji su te 2014. su ostali obeštećeni i nisu dobili sredstva koja im pripadaju. To je jedna stvar. Druga stvar, evo čitavo vrijeme ste ovdje spominjali nekakve krivce. Koliko god vi njih nazivali krivcima, ti su krivci barem bili ovdje u gradu, na području općine Maglaj, sa svojim ljudima, po 24 sata su bili maltene na poslu, izloženi i oni ovim problemima sa mogućnosti, u krajnjem slučaju, ne daj Bože zaraze kući i svojim najbližim, a nisu hvala Bogu bili na skijanju u Austriji kao što su neki bili, a trebali su biti ovdje u ZDK. Kada spominjete drugi prijedlog, po 1.000 KM, vjerujte da bi meni zaista bilo drago. Nažalost, među ovim otkrivenim zaraženim ima i dosta moje familije. Ljudi koji su iz MZ Liješnica i vjerujte da bi meni izuzetno bilo drago kad bi mogli i puno više da damo. Ja bih bio presretan. Ja bih bio presretan, eto na takav način, ako ništa da doprinesem svima, da doprinesem i svojoj familiji. Samo mi nije jasno kako idzvojiti 1.000, a kamoli više, što bih ja volio da bude više?! 330 miliona eura od MMF-a tranša, imamo blokiranih. Zašto? Zato što se dvije Vlade ne mogu dogovoriti, kako će i šta će i na koji način da podijele te pare. Evo, obzirom da su ljudi iz vaše stranke u rukovodstvu federalne Vlade, rukovode federalnom Vladom, evo ja molim vas da vi zamolite njih, da što prije nađemo neki kompromis, nekakav dogovor, da se odblokiraju ta sredstva pa vjerovatno i ti će sredstava doći u Maglaj kako bismo mogli našim ljudima da pomognemo. 27. marta je na stranici Vlade objavljen podatak, da je 300 hiljada KM dato za pomoć u paketima za socijalno ugrožene stanovnike, 27.mart. Danas je 21. maj, jel

tako? Skoro dva mjeseca, od tih 300 hiljada maraka i od tih paketa, niko nije vidio fajde. Niko nije vidio te pakete, još uvijek nisu podijeljeni. Evo govorimo o pomoći Domu zdravlja. Meni je drago što je doktor Vehabović sada izjavio da postoji Odluka, da postoji Odluka negdje na papiru, ali još uvijek tih sredstava nema. Zašto nema? Evo da su ta sredstva došla Domu zdravlja, Domu zdravlja bi na neki način bilo malo lakše i ipak ni to nisu dovoljna sredstva, to su mizerna sredstva, u poređenju koliko je Dom zdravlja morao aktivirati svoje ljude, morao aktivirati svoja vozila. I nije isto za ovoliko broj, oboljelih voziti u Zenicu u stacionar i dobiti iste pare za te stvari, a niste imali možda dva oboljela, niste intervenisali prema Zenici. Zato vas molim, dajte konkretne prijedloge, evo pomozite da dobije naša općine ova sredstva, možda ćemo i mi biti u situaciji da damo ne 1.000 KM možda čak i više. Ja bih bio zaista sretan. Eto toliko. Hvala.

Dopredsjedavajući, evo zaista, poštujem svakog sagovornika i svaku diskusiju i svaki prijedlog koji je ovdje iznešen, ali meni je malo sad zaista unijelo zbrku u glavi i nekakve dileme u cijeloj ovoj priči. Naime, evo pojavljuju se zaključci koji realno govoreći, padaju pod neke druge tačke dnevnog reda koje su nama sada ovdje već sledeće. Kao prvo, moje mišljenje dakle, da mi trebamo ići u pravcu donošenja nekog zaključka da se napravi cjelovit izvještaj o radu ovog Općinskog štaba civilne zaštite, cjelovit. Svi smo se složili da je ovdje prilično šturo, da je ovo Informacija takva kakva je i tretirana, tako smo i dobili. Nama treba izvještaj da bismo mi iz tog izvještaja vidjeli šta je papirološki sređeno, šta je urađeno, šta je sređeno po zakonu, šta nije rađeno da bismo mi to mogli analizirati. Kad to budemo raspravljali o tom izvještaju, pravom finalnom, definitivnom i mogu da donesemo zaključke da li ima osnove, da li ima elemenata za eventualno formiranje komisije ili nešto drugo, treće i tako dalje. Mi smo još uvijek u stanju prirodne nepogode. Još uvijek postoje nadzori po tri osnovama. Nadzor Krizni, odnosno Štabova civilne zaštite, postoji nadzor ministarstava koji imaju po zakonu svoju obavezu da vrše nadzor i naravno postoje inspekcijски, odnosno pravosudni nadzor. To su tri stvari koje mogu i trebaju ovom sistemu u kojem mi živimo, zakonodavno-pravnom sistemu i treba da vrše nadzor. Preda mnom projicirana i po meni bezpredmetno da mi donosimo bilo kakvu odluku o formiranju stručne komisije koja će procjenjivati jel ovo dobro uradilo il nije dobro uradilo. Postoje institucije koje to treba da urade, a da bih ja donio tu odluku jel treba ili ne treba, meni treba pravi, konačan, definitivni, precizan i sveobuhvatan izvještaj o radu Općinskog štaba civilne zaštite. Dakle, nije samo pitanje samo zdravstvene struke, nego i svega ostalog što treba. Ovaj, znači ja razumijem i shvatam namjeru vašu, ali nisam za to da se formira stručna komisija koja će na osnovu informacije to da uradi. Drugo, pa mi smo također, kao i SDA, i mi smo i pismeno i javno i bilo kako predlagali određene mjere, radnje, koje se tiču intervencije Budžeta, od nekog 23. marta pa do početka maja. Dva i tri puta smo pisali kao DF saopštenja, prijedloge i tako dalje. I sad se otvara ovdje rasprava, to možemo u nedogled što nije, ko nije, hajmo sad onim pomoći, hajmo sad ovim pomoći, valjda je logično da zbog tog u ovom vašem drugom prijedlogu raspravljamo kad dođe pitanje Budžeta, rebalansa Budžeta i da o tome se izjasnimo i glasamo, ne samo o vašem prijedlogu, nego o svim prijedlozima koji su ovdje bili. Jednostavno da malo skratimo ovu diskusiju i da idemo u tom pravcu.

Vijećnik Safet Jašić, gledajte, iznenađuje me malo, ne kažem da nije diskusija na mjestu, ali gospodin dopredsjedavajući učestvuje u kreiranju dnevnog reda, odnosno saziva Općinskog vijeća i kako vam nije naumpalo da to ide po izvještaju, a ne po Informaciji. Izvještaj od dosadašnjim poduzetim aktivnostima ili sveukupnom radu koji u ova protekla dva mjeseca. Ovo je došlo ovako kako jeste i ja to poštujem kao Informacija. Mi smo dodali svoje prijedloge i mi želimo da se u tom pravcu ide, da izglasamo, a vi ne morate podržati, to je vaše mišljenje tako. A mi imamo svoje mišljenje i nismo ni očekivali ništa. Prema tome mi želimo, znamo kako se Informacija radi, želimo da se izjašnjavamo po naša dva prijedloga. Mi nećemo više diskutovati.

Predsjedavajuća, samo evo javnosti da kažem, da je gospodin Jašić bio prisutan na sjednici Kolegija Općinskog vijeća u pripremi ove sjednice i da smo jednoglasno dakle nazvali ovu tačku Informacijom, niko nije predlagao ništa. Evo izvolite.

Vijećnik Safet Jašić, evo što se tiče Kolegija, tačno. Ja sam na Kolegiju tražio da se ide samo sa dvije tačke..

Predsjedavajuća, tako je.

Vijećnik Safet Jašić, dnevnog reda, bez ovih tački. Znači nisam uopće htio diskutovati više. Dakle da se ide u Izmjenu i dopunu Budžeta i ova druga.

Predsjedavajuća, i Informacija.

Vijećnik Safet Jašić, znači samo te dvije tačke.

Predsjedavajuća, tako je.

Vijećnik Safet Jašić, ništa drugo. Zašto ste išli na ovo, to je vaš problem. Vi ste ovo napravili kao redovnu sjednicu. Kad vidite podtačke ove, tu ima 15 tačaka, prema tome, ja sam htio da ono što gori da se rješava. I sad tvrdim da smo ovdje iz razloga najviše da riješimo probleme i da se spriječi daljeg širenja ovoga zla. I mi imamo svoje konkretne prijedloge.

Dopredsjedavajući, dakle predsjedavajuća je dobrim dijelom i odgovorila ovo što sam mislio reći. Mi smo na Kolegiju, utvrdili i jeste predložili ove samo dvije tačke. Ja sam bio za ovaj prijedlog administracije, odnosno Općinskog načelnika iz jednog razloga. A to je da pokušamo, da dodamo ove sledeće tačke, izmjena Odluka o komunalnim naknadama, komunalnim taksama iz samo jednog razloga, a to je da mi ako ih donesemo danas na sjednici Općinskog vijeća, odmah pružimo alat administraciji da ih realizuje, te odluke, odnosno taj dio iz

rebalansa. Eto iz tih razloga je bilo tako. A bilo je priče i riječi i svi smo se složili da bude Informacija o radu kriznog Štaba civilne zaštite do, od perioda proglašenja stanja prirodne nesreće do današnjeg dana. Obzirom da je ovo materija koja se vrti, radi, koja je u toku, nije zaopšteno stanje prirodne nesreće. Ja sam barem očekivao kao vijećnik, da mi danas zapravo i vidimo da li možemo predlagati u nekom periodu izvještaj o radu Općinskog štaba civilne zaštite u prethodnom periodu. I evo pošto se niste složili, izašao sam ja i predložio da mi možda danas zaključimo po ovoj tački, primimo je k znanju i jedan od zaključaka koji će paralelno biti tu vama na glasanje, da kažemo do naredne sjednice Općinskog vijeća, u periodu oko 30 dana, tražimo precizan izvještaj o radu Općinskog štaba civilne zaštite. Tek onda bi mi onda zapravo mogli da raspravljamo o vašem prijedlogu. Eto to je moje mišljenje.

Predsjedavajuća, hvala Vam gospodine Jašiću, iznijeli ste svoj stav, evo dopredsjedavajući je potvrdio ono što smo se usaglašavali oko naziva tačke dnevnog reda, samo da ne ode pogrešna informacija u javnost. Mislim da nema više prijavljenih diskutanata, te zaključujem raspravu po ovoj tački dnevnog reda i predlažem, dakle sljedeći

Z A K L J U Č A K

1. Informacija o provedenim aktivnostima od proglašenja stanja nesreće na području Federacije BiH izazvane korona virusom COVID-19 prima se k znanju.

Predsjedavajuća, ukoliko se sjećam, nakon toga imali smo prijedlog dopredsjedavajućeg.

Dopredsjedavajući, imali smo prijedlog i Lokmića, ima ovaj, onaj prijedlog.

Predsjedavajuća, samo idemo redom. Dakle, sljedeći prijedlog je bio od strane dopredsjedavajućeg koji je rekao da se u roku od nekih, recimo 30 dana pripremi kvalitetan, sveobuhatan Izvještaj vezano za provedene aktivnosti Općinskog štaba civilne zaštite na području općine Maglaj, a vezano za proglašenje nesreće, jel tako?

Načelnik općine, a nakon prestanka stanja prirodne nesreće.

Dopredsjedavajući, to je sad igra riječi i varijanta, mjesec dana izvještaj o radu, hoćemo li čekati da prođe stanje prirodne nesreće, zato sam mislio da će ovo malo ..

Vijećnik Mirza Bradarić, može li pauza malo?

Predsjedavajuća, evo prije nego završim dakle..

Vijećnik Mirza Bradarić, pauza Kolegija.

Predsjedavajuća, samo da kažem da je, ova diskusija je završena, nećemo više diskutovati, pauza za Kolegij, da usaglasimo prijedloge zaključaka.

Predsjedavajuća, dakle na ovoj kratkoj sjednici Kolegija, Načelnik je zamolio da dopuni izneseni prijedlog od strane dopredsjedavajućeg, tako da bude jasno i ostalim vijećnicima o čemu se radi.

Načelnik općine, pa evo vrlo kratko. Dakle, dilema što je bila. Informacija ili Izvještaj, stanje prirodne nesreće još nije završeno. Danas ste dobili informaciju, svakako ćete dobiti puni Izvještaj. U Informaciji imate stvari koje nisu vezane za sam rad Općinskog štaba civilne zaštite, nego za druge aktivnosti. I evo ja samo ovo što je dopredsjedavajući predložio, dakle da se dostavi Općinskom vijeću Izvještaj o radu Općinskog štaba civilne zaštite u vrijeme trajanja epidemije korona virusa, samo podatak 30 dana nakon proglašenja prestanka prirodne nesreće. Hvala.

Vijećnik Safet Jašić, nije ovo sporno i mi smo za to da ide. Al ove Informacije ćemo glasati onako kako je SDA.

Predsjedavajuća, ne, ne ja ću Vaš prijedlog svakako, ovo je bila dopuna prijedloga zaključka samo. Naravno da će se svi prijedlozi iznijeti na glasanje, s tim što povučeni neki prijedlozi, pa ih neću ovdje iznijeti, ostavit ću ih za drugu tačku dnevnog reda. Dakle, prvi prijedlog zaključka bio je iznesen od strane Kluba SDA, a to je da se formira nezavisna stručna komisija koja će izvršiti analizu provedenih aktivnosti u periodu od proglašenja stanja prirodne nesreće na području Federacije BiH, ko je za?

Vijećnik Safet Jašić, izvinite možete li ponoviti?

Predsjedavajuća, onako kako ste mi Vi diktirali napolju. Dakle, da se formira nezavisna stručna komisija koja će izvršiti analizu provedenih aktivnosti u period od proglašenja stanja prirodne nesreće na području Federacije BiH.

Vijećnik Safet Jašić, a drugi zaključak.

Predsjedavajuća, prijedlog zaključka, molim Vijeće da se izjasni, ko je za?

Vijećnik Safet Jašić, nije to. Naš je prijedlog bio za govornicom, dva prijedloga su naša bila. Informacija se prima k znanju i tražimo da se u paketu izjasni za dva prijedloga.

Dopredsjedavajući, nisi tako rekao.

Predsjedavajuća, niste tako rekli, iznijeli ste dva prijedloga zaključka. Paket, prijedlog zaključaka stranke SDA: Da se formira nezavisna stručna komisija koja će izvršiti analizu provedenih aktivnosti u periodu proglašenja

stanja prirodne nesreće na području Federacije BiH i da se građanima općine Maglaj oboljelim od korona virusa isplati po 1.000KM? Ko je za ovakav zaključak?

Vijećnica Šefka Hasanić, nije dobar zaključak?

Vijećnik Mirza Bradarić, pa to je Safet rekao.

Predsjedavajuća, Safet mi izdiktirao. Zaključena je diskusija. Pročitao mi, ja zapisao.

Vijećnica Šefka Hasanić, imat ćete snimak sjednice gdje nije takav zaključak.

Predsjedavajuća, ama Safet mi sad na Kolegiju izdiktirao.

Vijećnik Safet Jašić, ja Vama kad bi deset puta čitao, Vi morete reći šta god hoćete.

Predsjedavajuća, haj pročitajte Safete molim Vas Vi za govornicom svoj prijedlog zaključka. I kad ga pročita, izjašnjavamo se. Sad mi izdiktirao napolju, ja zapisala.

Vijećnik Safet Jašić, niste do kraja zapisali. Tražimo da se, evo pratite me dobro, da se formira stručna komisija koja će izvršiti analizu provedenih aktivnosti u periodu od proglašenja stanja nesreće na području Federacije BiH izazvane korona virusom COVID-19 za područje općine Maglaj. Komisija bi bila dužna sačiniti izvještaj koji će biti prezentovan Općinskom vijeću i javnosti Maglaja. I drugi zaključak je bio da se isplati svakom oboljelom od korona virusa po 1.000 KM.

Predsjedavajuća, molim Vijeće da se izjasni o prijedlogu SDA.

Glasalo 11 glasova za : Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Hasanić Šefka, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

Glasalo 12 glasova protiv: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Hrnjić Armin (SDP), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici.

Glasalo 2 glasa uzdržana: Hajrudin Fermić (DF), Josip Jurišić (HDZ BiH).

Dajem na glasanje

ZA K L J U Č A K

- Zadužuje se Općinski štab civilne zaštite da u roku od 30 dana od proglašenja prestanka stanja nesreće uzrokovane pojavom korona virusa (COVID 19) sačini kompletan Izvještaj o radu i svim aktivnostima provedenim u periodu od proglašenja stanja nesreće do njenog okončanja.**

Glasalo 14 glasova za : Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Hrnjić Armin (SDP), Muhamed Hrnjić (SBB), Hajrudin Fermić (DF), Fikret Delić, Mustafa Bešić, Kanita Bašić, Elvir Vehabović, samostalni vijećnici, Josip Jurišić (HDZ BiH).

Glasalo 11 glasova uzdržano: Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Hasanić Šefka, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

PAUZA ZA RUČAK

AD-2 Prijedlog Odluke o izmjenama i dopunama Budžeta/Proračuna Općine Maglaj za 2020. godinu

Senada Alibajraktarević, razlozi za donošenje Odluke o izmjenama i dopunama Budžeta/Proračuna Općine Maglaj za 2020. godinu, leže u unapređenju raskida izdataka sa dostupnim prihodima u Budžetu/Proračunu za 2020. godinu. Kao što je svima nama poznato, proglašenje prirodne nesreće na području Federacije BiH i naredbama Federalnog štaba civilne zaštite pojedini privrednim subjektima je bio privremeno zabranjen rad, odnosno zabranjeno obavljanje njihove privredne djelatnosti. Sve je to rezultiralo padom prihoda, što na višim nivoima vlasti, tako i prihodima u Općinskom Budžetu. Kao rezultat toga, Služba je zajedno sa Općinskim načelnikom pripremila ovu Odluku gdje su prihodi smanjeni za 9 % ili za 812, 592 hiljade KM, tako da u konačnom Prijedlogu on iznosi 8.110.517 miliona KM. Smanjenje je izvršeno na poreznim prihodima u iznosu od 638,92 hiljade KM, neporezni sa 480,500 hiljada KM, tekući transferi su povećani za 149 hiljada KM i kapitalni za 3 hiljade KM. Ono što je evidentno smanjenje, mogli ste vidjeti u materijalima, da su smanjeni porezi na imovinu za 96 hiljada, zatim prihodi od indirektnih poreza prema projekcijama koje smo dobili od kantonalnog Ministarstva finansija smanjeni su za 382,92 hiljade KM. Zatim je izvršeno smanjenje kod pozicije poreza za

dohodak u iznosu 160 hiljada KM i smanjenje na naknadama koje se tiču naplate komunalne takse, zatim naknade od korištenja građevinskog zemljišta, od naknade za uređenje građevinskog zemljišta, naknade za rentu, naknade za korištenje poslovnih prostora, naknade za korištenje ljetnih bašti i tendi i sve to je rezultiralo ukupnim smanjenjem u iznosu od 448 hiljada KM. Kada je riječ o promjenjenim transferima, to su transferi koji nisu bili evidentirani u usvojenom Budžetu Općine Maglaj za 2020. godinu, a u međuvremenu su Odlukama, odnosno sklopljenim ugovorima sredstva stigla, odnosno transferisana na račun Budžeta Općine Maglaj. Tako smo od Federacije BiH dobili sredstva za poljoprivredu u iznosu od 80 hiljada KM, zatim sredstva u iznosu od 7 hiljada KM za sufinansiranje pomoćnog terena na stadionu nogometnog kluba „Natron“ Maglaj i sredstva od Federalnog ministarstva prostornog uređenja za izgradnju javne rasvjete u iznosu od 10 hiljada KM. Zatim smo dobili sredstva u iznosu od 40 hiljada KM za rekonstrukciju puta u Crnojevićima, to su sredstva koja smo dobili od Vlade Republike Srpske i sredstva koja smo dobili u iznosu od 80 hiljada KM od Vlade Zeničko-dobojskog kantona za projektnu dokumentaciju uređenja korita rijeke Jablanice i rijeke Liješnice. Kada je riječ o rashodnoj strani Budžeta, rashodi su smanjeni za cca 6 % ili za iznos od 533, 942 hiljade KM, tako da oni u Odluci o Izmjenama i dopunama Budžeta/Proračuna Općine Maglaj za 2020. godinu iznose 8.389,167 miliona KM. Kada je riječ o raščlanjenju tih rashoda izdataka, najveće smanjenje smo vidjeli na tekućim transferima koji su smanjeni sa 324, 955 hiljade KM, zatim kapitalnu taksu smo smanjili za 80 hiljada KM, izdaci za plaće i naknade u iznosu od 68,505 hiljada KM, izdaci za sitan inventar, materijal i usluge u iznosu od 60 hiljada KM. Kako bi ublažili posljedice ovog proglašenja prirodne nesreće i kako bi pomogli svim onim, svom stanovništvu koje se našlo u stanju socijalne potrebe i kako bi pomogli našim privrednim subjektima kojima je bio djelimično ili još uvijek zabranjen rad u Prijedlogu u Odluci o Izmjenama i dopunama Budžeta/ Proračuna Općine Maglaj za 2020. godinu uveli smo i dvije stavke. To je stavka, transfer za posebne namjene uslovima prirodne nesreće. Tu smo planirali 15 hiljada KM i stavku podrška subjektima koji su pogođeni epidemijom COVID-19 u iznosu 100 hiljada KM. Ono što bih još rekla u uvodnom izlaganju, da smo finansiranje parlamentarnih grupa, političkih stranaka, smanjili za 12,500 hiljada KM, tako da su u konačnom Prijedlogu, oni planirani u iznosu od 62,500 hiljada KM. Tekuća Budžetska rezerva ostala je u planiranom iznosu kao što je bila i u prvom Budžetu za 2020. godinu u iznosu od 50 hiljada KM. Napomenula bih još jednu tehničku pogrešku, koja se desila kod prekucavanja materijala i kod uređenja stranica, tako da je na kolonama povećanja i smanjenja došlo do korekcija, ali bih zamolila Općinsko vijeće da kod konačnog usvajanja ovog materijala zaduži Službu da te korekcije budu u ispravno unesene, a one što je najbitnije nisu uticale na konačnu cifru planiranog Budžeta za 2020 godinu po konačnom Prijedlogu o Izmjenama i dopunama Budžeta za 2020. godinu. Mi smo kao Služba prisustvovali Kolegijima Općinskog vijeća koje su sazivane u prethodnom periodu, gdje smo sve predsjednike Klubove i sve prisutne, predsjedavajuću i dopredsjedavajuću izvještavali o trenutnom stanju u budžetu u tom momentu i svim aktivnostima koje se u okviru Službe poduzimaju na, za saniranje posljedica ove prirodne nesreće, a načelnik je znači još dopunjavao o aktivnostima svih drugih Službi. Vrlo često, se može čuti u medijima, zašto nismo prije, znači usvojili ovaj Prijedlog Izmjene i dopune Budžeta/Proračuna Općine Maglaj za 2020. , odnosno zašto ga mi nismo ponudili Općinskom vijeću. Imamo tri razloga. Znači, prvo smo čekali usvajanje Korona zakona na nivou Federacije, koji je tek nedavno usvojen. Jer nismo znali način postavljanja kriteriji za subvencije, pogotovo privrednim subjektima kojima je privremeno bio zabranjen rad. Taj Korona zakon u biti nije ništa donio novo oko transfera sredstava nižim nivoima vlasti, znači, općinama, tako da se samo on u ovom dijelu je raspisan Javni poziv za subvencioniranje doprinosa u iznosu od 244,85 KM po zaposleniku, ali za privredne subjekte koji su ostvarili promet od 220 % više u ofnosu na isti period prethodne godine. Ono što je bitno napomenuti, da je stanje prirodne nesreće proglašeno polovinom marta, a stupanjem na snagu ovog Korona zakona, subvencije se mogu podnositi tek od početka mjeseca aprila i oni će se, bit će zaključno sa mjesecom, sa proteklom, sa istekom 30 dana po zaključenju prirodne nesreće. A što se tiče znači, Prijedloga Odluka Izmjena i dopuna Zeničko-dobojskog kantona, također mi nismo imali nikakve finansijske efekte što se tiče našeg Budžeta Općinskog, znači Budžeta Općine Maglaj, tako da po usvojenom rebalansu, Vlada Zeničko-dobojskog kantona je raspisala Javni poziv za sufinansiranje dijela 50% najniže plaće za mjesec mart. Taj Javni poziv je završen i trenutno Vlada donosi pojedinačne odluke o rasporedu tih sredstava i ovaj obećano je da će krenuti isplate tih subvencioniranih privrednih subjekata, ali direktno na račune privrednih subjekata. Znači ni tu nemamo efekta finansijskog na uvećanje našeg Budžeta. I trenutno je u toku Javni poziv Vlade Zeničko-dobojskog kantona za subvencioniranje 100% najniže plaće za mjesec april i tu su prijave do 6.maja, tako da svi oni naši privredni subjekti kojima je bio privremeno zabranjen rad, a i bitno napomenuti da nisu otpuštali radnike u periodu od 29. februara, pa zaključno sa prvi Javni poziv 31. martom, a drugi Javni poziv je sa 30.04.2020. godine. I ona treća, možda i najbitnija varijanta koju smo mi očekivali da će biti, gdje su puno veći efekti bili na Budžet Općine Maglaj kako bi mi pomogli našem stanovništvu koji su u stanju socijalne potrebe, koji su se prijavili na Biro i privredni subjekti kojima je privremeno bio zabranjen rad, to je raspodjela sredstava od MMF-a. Ne znam neko je već na prvoj tački spominjao, doticao tu temu. Nije još dogovorena ta raspodjela. Ispred Saveza općina i gradova FBiH otišao je prijedlog prema Vladi da sve općine u Federaciji, budući da su ravnomjerno pogođene tom epidemijom, da svi dobiju podjednako iznos od 375 hiljada KM. Hoćel se taj prijedlog od Saveza općina i gradova uvažiti kod Vlade, ne znam, vidjet ćemo, ali mi znači čekajući na te sve odluke sa viših nivoa, mi smo ovaj, nismo dobili nikakve

finansijske efekte i ovaj konačan prijedlog ovih Izmjena i dopuna Budžeta/Proračuna za 2020. godinu je prvi korak ono što smo mi mogli učiniti iz svog Općinskog Budžeta, prvenstveno da pomognemo našim privrednim subjektima kojima je privremeno zabranjen rad i licima u stanju socijalne potrebe. S tim u vezi postoji i onetačke koje su predložene na ovoj sjednici Vijeća, znači oslobađanje dijela komunalnih taksi, dijela komunalnih naknada, naknada bašti, tendi, ali o tome ćemo se znači izjašnjavati kad dođu te tačke na red. Eto ja bih toliko u uvodnom izlaganju, pa ukoliko bude nekih pitanja, stojim na raspolaganju.

Vijećnik Mirza Bradarić, ništa, evo bit ću zaista kratak. Dobili smo ovaj Prijedlog, meni se sviđa ova zadnja Vaša rečenica. Da je zaista ovaj Prijedlog, shodno ovoj nastaloj situaciji koja nas je zaista sve zadesila i maloprije smo pričali o tome, Prijedlog ovog rebalansa je napravljen zaista na osnovu naših sredstava na koje mi možemo računati, naših sredstava i prihoda, tako da zaista vidi se da se pokušale sve stavke uobziriti onoliko koliko je to zaista bilo korektno i koliko je to bilo moguće. Nažalost, evo vidimo da nikakve finansijske inekcije bukvalno nismo dobili ni od koga, tako da, obzirom ovo sve maltene naše, mi smo stava da u Klubu SDP-a da bi ovakav Prijedlog rebalansa Budžeta za 2020. godinu trebalo podržati.

Vijećnik Safet Jašić, Kad je u pitanju ovaj ponuđeni Prijedlog Budžeta, sama šefica je rekla za ovom govornicom da je bilo i ranije na medijima i da je tražen da se malo ranije uradi, da sve bude transparentno i regularno. Evo dobili smo danas ovo što smo dobili. Bit će ovdje puno prijedloga, pitanja i ja znam da ćete vi meni na ova pitanja odgovoriti, a prijedloge naše nećete moći uvažiti. Govorim iz razloga zato što smo na vrijeme govorili da treba rebalans Budžeta ići na vrijeme, odnosno u Nacrtu. Mi smo danas dobili Odluku. Znači svi smo uskraćeni za svoje prijedloge i mi vijećnici i građani, da ne kažem šire. Evo ja ću, ovo pitanje će biti prvo. Ako nisam u pravu slobodno, ja ću se izvinuti, ali mislim da. Znači kada je u pitanju Odluka o Izmjenama i dopunama Budžeta Općine Maglaj za 2020. godinu Klub vijećnika SDA i OO SDA Maglaj na vrijeme je reagovao i predlagao određene izmjene koje je potrebno provesti u cilju ublažavanja posljedica izazvanih korona virusom. U obrazloženju pomenute Odluke u dijelu pravni osnov stoji, svaka izmjena i dopuna Budžeta vrši se po istom postupku koji se primjenjuje kod usvajanja Budžeta. Ako nisam u pravu slobodno zapišite da nisam u pravu. Dakle, da je ispoštovana zakonska procedura na današnjem dnevnom redu bi trebali imati Nacrt ili ranije da je bilo sazvano bilo kakva sjednica, odluke o Izmjenama i dopunama Budžeta za 2020. godinu. Jer po ponuđenom materijalu, evo sad ću se malo ponoviti, ali to je tako, nemamo pravo na primjedbe i prijedloge, gdje aktualna vlast zlobupotrebljava većinu. Po ovome ispada, evo mi smo napravili, imamo 13 ljudi i to mora proći. Evo ako nije tako, slobodno nek mi neko odgovori. Znači, nema zlobe, nema nikakvih, onaj, tako je. Što se tiče naših konkretnih prijedloga, evo prije svega, ako ćemo bez prijedloga, moramo nešto predložiti, možda nešto nije ured. Ima potreba za nekim izmjenama ili potreba za ovakvim prijedlozima. Prije svega imamo pitanje koje se tiče smanjenja na poziciji plaće i naknade, to je bilo ono prvo, pa smo to primjetili na stavci 10 podkategorija 611, na šta se tačno odnosi smanjenje? Je li to na smanjenje plaća ili ne daj Bože na smanjenje broja uposlenih? Te dileme koje banemo nije dobra. Nijedno ni drugo. Na stranici 12, analitički dio 613 912 usluge štampanja, štampanje uličnih natpisa, čestitki povodom praznika, smatramo da se čitav iznos predviđen za tu poziciju treba preusmjeriti u sanaciju štete prouzrokovane pandemijom. Zatim na istoj strani, analitički dio 613 913 usluge javnog informisanja, odnosa s javnošću, emitovanja sjednice Općinskog vijeća Maglaj, održavanje postojeće web stranice i druge medijske usluge, tražimo da se iznos sa 70 hiljada smanji na 40 hiljada. Bez, ovo se može malo smanjiti, a nije šteta, a pomoćemo, ovaj na pravi način ljudima koji su oboljeli od korona virusa. Analitički dio 613 914, usluge reprezentacije, tamo stoji da je to 50 hiljada, mi predlažemo da tih 40 ide u ove svrhe, a 10 je sasvim dovoljno, ovo vrijeme svakako nema plaho trošenja, nema sjedenja. Znači dovoljno je 10 hiljada ovo što je preostalo. S obzirom na to da su privremeno ukinute sve manifestacije, koje se održavaju po MZ, opravdano, potrebno je, neka se ukine. Tražimo da se i sredstva predviđena za realizaciju projekta „Da se ne zaboravi“, također usmjere na ublažavanje posljedica izazvanim korona virusom. Što je to jedno Udruženje ili nekog vodi, MZ bilo koje na ovome, a prema svima jednako. A vidimo da su oštećena i druga udruženja i boračka i nevladina. Smatramo da ne treba ukidati sredstva stranci na stranici 14, analitički dio 613 91 koja su predviđena za realizaciju projekta uspostavljanja usluge logopedskog tretmana za djecu sa poteškoćama u glasu, govoru, jeziku i sa posebnim osvrtom na raseljena lica i izbjeglice. Nije da su to sredstva brišu, odnosno ukidaju. Također, smatramo da u ovom periodu nisu potrebna sredstva za projekat „Biram najljepše uređeno dvorište/balkon“, bez svega se ovog može, a ovo prijedlog reko to treba da ostane, to je potreba društva i toliko smo se hvalili da smo uspostavili dobar i normalan rad logopeda. Logoped nam treba, tako da nije znači nikakvo podvaljivanje. Dalje, želimo da izrazimo zadovoljstvo što su iz Kantona i viših nivoa za Program poticaja mjera zapošljavanja branilacke populacije, iznos za ovu poziciju sa 45 hiljada povećan je na 145 hiljada, kao i za liječenje pripadnika branilacke populacije novčana sredstva povećana za 33 hiljada KM. Tražimo također pojašnjenje sa pozicije analitički 614 525, na strani 22, da li su ustvari ovdje sredstva sa pozicije za subvencije premještana na poziciju podrške subjektima pogođenim epidemijom COVID-19. Jedna do druge su pozicija, tako da nam se i to malo pojasni. I evo ja ne znam sada, kako ću se ponašati? Postoji li mogućnost da ovi naši prijedlozi uđe u ovaj rebalans Budžeta, po ovome, nemoguće, jer ovo je Prijedlog nije Nacrt. To je velika dilema za nas. Na kraju krajeva, ima šefica da nam odgovori. Praktično smo došli ovdje na gotovu stvar, onda samo da izglasamo i to je to. Vjerujte nema nikakvih radnji, ovo samo govorimo po zakonu o prijedlozima. Na kraju, naravno da se ne može ispoštovati 100%, nije niko toliko da sad se

sazivaju javne rasprave i tako dalje, al mislim da je ovaj dio gotova stvar. A evo imali ste i drugih načina i prostora da se malo trebalo koordinirati, pa bi možda ovi prijedlozi danas i ušli. Toliko.

Vijećnik Firuz Galijašević- replika, Pitao bih kolegu Jašića, gdje je vidio cifru na analitičkom dijelu 613 914- usluge reprezentacije da piše 40 hiljada KM, kada ovdje lijepo stoji 22 hiljade maraka i skinute za 2 hiljade i ostaje 20.

Vijećnik Safet Jašić, Mislio sam na Budžet, pardon.

Vijećnik Firuz Galijašević, zato i kažem, ispravka krivog navoda.

Vijećnik Safet Jašić, ako treba da izađem da kažem.

Predsjedavajuća, evo jeste dobili odgovor Galijaševiću?

Vijećnik Firuz Galijašević, jesam oke je.

Dopredsjedavajući, mi smo kao DF predložili 23.marta ove godine, prijedlog interventnih mjera Općinskoj administraciji Štabu civilne zaštite koji se odnosio na nekoliko oblasti, ali između ostalog evo spomenut ću, jedan set mjera. Dakle, interventnih, hitnih mjera u oblasti pomoći privredi, odnosno oni koji su pogođeni ovom pandemijom i socijalnoj zaštiti. Ta dva segmenta ću izvući i reći da smo mi u tom jednom prijedlogu koji je otišao prema zgradi Općine, predložili praktično da se donesu određene odluke koje evo imamo tek sad. Dakle, da se oslobode subjekti koji su pretrpjeli štete, kojima je zabranjen rad tokom pandemije, koji su zatvoreni i oslobađanje dijela komunalne naknade na određeni period. Zatim oslobađanje plaćanje komunalnih taksi i naknada, također na određeni period, najmanje kako stoji tamo u prijedlogu, najmanje dpok traje pandemija. Isto tako, predložili smo da kad je u pitanju socijalna zaštita, hitno, interventno donesu određene odluke da se interventno da jednokratna, vanredna, hitna pomoć onim primaocima stalne socijalne zaštite, da se ono što smo planirali u Budžetu, majkama, porodiljama zapravo za novorođeno dijete, da se nešto malo uveća i da se, dakle udupljaju ta sredstva za porodilje koje u vrijeme pandemije rađaju djecu. Isto tako, znači da se ne čeka neko drugo vrijeme, planirana sredstva da se odmah iskoriste, potroše, a to su prije svega za one roditelje, usvojitelje ili kako se to kaže hranitelje djece, određene stavke i sredstva. Sve misleći zapravo da ćemo mi na taj način pomoći, ukoliko bude potrebna pomoć onim najugroženijim socijalnim kategorijama, da eventualno taj dodatni udar na potrošačku korpu, kupovinom sanitarija, hrane, dodatnih zaliha hrane, pomogne. Ono što, tad smo insistirali na sjednicama Kolegija, održali smo i sastanak predsjednika političkih partija, prvo, pa onda dva ta Kolegija do ovog pred samu sjednicu Općinskog vijeća. Tačno je ovo što je gospođica Alibajraktarević rekla, dakle jesmo redovno informisani u cijeloj ovoj situaciji i razlike između prijedloga koje je dostavila SDA i prijedloga koje smo mi evo dostavljali, bilo je da se znači kroz tu interventnu pomoć reaguje u stanju pandemije, dok je SDA tražio da bude što prije hitno usvojen rebalans Budžeta na čemu mi nismo insistirali. Nismo toliko potencirali održavanje Vanredne sjednice iz prostog razloga, nekih od tih razloga navela je gospođica Alibajraktarević, a ja ću dodati samo još i ovo: Dakle, vrlo teško je administraciji i nama kao Vijeću i meni kao vijećniku, vrlo teško je zaista gledati, procjenjivati, prognozirati kakvo će biti realno stanje sa poreznim, neporeznim prihodima i na kraju krajeva sa ovim izvornim prihodima u cijeloj ovoj situaciji. A pogotovo eventualno, jer se priča od samog početka o ovom kreditu MMF-a od 334 miliona, priča se o određenim odlukama, priča se o Korona zakonu i sve su to nepoznanice bile, koje još uvijek praktično sad stoje. A u isto vrijeme imali smo garanciju i obećanje da ne dolazi u pitanju aktivnost Budžeta, odnosno finansiranje onih najnužnijih potreba koje su neophodne u obavljanju javnih djelatnosti, kada je u pitanju taj period pandemije korona virusa. Iz tih razloga, ja moram pomenuti ovdje jedan podatak. Važno je da zna javnost, ako ništa drugo, a to je da do prije tri dana u Federaciji BiH 79 općina, samo 14 donijelo rebalanse Budžeta, a od tih 14 su sarajevske općine, jedna je Brčko Distrikt, a u Zeničko-dobojskom kantonu samo tri Općine, ako se nije šta desilo u prethodna dva, tri dana. I to Kakanj po meni na sumnjiv način je donio, zapravo Predsjedništvo njihovog Općinskog vijeća, rebalans Budžeta. Ja znam da i za njih važi Zakon o principima lokalne samouprave i Zakon o Budžetima kao i za nas. Tešanj, ajde da budem slobodan i spreman reći, da evo mi prepisujemo dobrim dijelom ovaj rebalans od Tešnja i Breza. To je znači u Zeničko-dobojskom kantonu, takva situacija kakva jest. Dakle ni Žepče, ni Zavidovići ni Zenica, još uvijek kubure, mogu sazvati Gradska, odnosno Općinska vijeća i tako dalje. Što znači da ovdje javnost treba da zna da smo mi među prvim općinama koje praktično idu u rebalans Budžeta za razliku od nekih natpisa i vi ste pomenuli te nekakve društvene mreže, gdje kaže: Mi posljednji, za razliku od skoro svih Općina u Federaciji su donijele, mi još nismo, osporavamo, namjerno i tako dalje. Ja se tamo ne rasplinim previše. Dakle, ja sam spreman da prihvatim ovaj rebalans kakav je u predloženom obliku, pod uslovom da načelnik da odgovor i na neki način garantuje da kroz ovaj rebalans neće biti ugroženi. Pod broj jedan, socijalna zaštita i funkcionisanje i socijalnog rada i socijalne zaštite, sva ona davanja i primanja, one naknade koje treba tamo da se dijele, a gdje je Općina finansijer i sufinansijer tih dijelova i zaposlenika naravno tamo. Zatim, KJD i naravno da tu postavljam pitanje kroz ovaj rebalans na dvije stavke, dakle kroz održavanje javne higije i zelenilo po 10 hiljada se smanjuje, kad se uzmu ta cifra od 10 hiljada, kada se uzme njihov gubitak koji je uslovljen ovom pandemijom gdje su ljudi, dok nisu radili, ne mogu da plaćaju smeće, dakle znatan pad prihoda po tom osnovu. I gdje ih čeka investicija, imamo tačku dnevnog reda koja je evo jedna vrsta pomoći, ali to je praktično po meni samo simbolična pomoć. Kad bi tumačili zakonom, onda bi trebali da znamo, gradnja infrastrukturnih, komunalnih projekata jest u nadležnosti Općine, finansiranje Općine, a ovo će mliječnu pijacu da finansira praktično KJD Maglaj. Dakle, sve to kad se

doda, evo tu je i direktor sjedi, tu je i Načelnik, da li imamo garancije da će to Društvo i naravno još dodatnih poslova, dezinfekcije, koja je u vrijeme ove pandemije dodatno data KJD, da li će jednostavno da se uspije biti likvidan sa ovakvim Prijedlogom. I treće, naravno da se vidi da li ćemo mi, da li možemo da održimo funkcionisanje ovih javnih ustanova, drugih javnih ustanova koje nisam sad pobrojao, da budu u tom nekom rangu ili ne znam ni ja kakve vi kriterije i principe imate, kao što je administracija zbog njihovih djelatnosti. Mislim naravno i na Dom kulture i na Dječiji vrtić, ne znam jesam li koga zaboravio u cijeloj toj priči da spomenem. Dakle, važno nam je da se to održi na nekom minimumu funkcionisanja i zbog samih radnika, zaštite njihovih prava, a i zbog funkcionisanja u narednom periodu. Također smo i mi zapazili, neko je tu još prethodnih isto zapazio, da je pitanje finansiranje logopeda. To su koliko ja razumijem, ali evo i to bih vas molio da objasnite. Koliko ja razumijem ta sredstva koja su bila planirana, su dole neka rezerva ukoliko zatrebaju za angažman logopeda, obzirom da je ovo angažovanje pri Domu zdravlja, ja bih volio da čujem i od vas kao direktora, da li je sigurno da će on ostati angažovan logoped do kraja ove godine. Kako bi i ovo bilo sa rahatom i mirne savjesti, eventualno ako glasamo za ovaj rebalans da znam. To je nešto što sam pomenuo. Vrlo teško je i to znam, vrlo teško je bilo i administraciji da napravi rebalans u ovakvom obliku i nisam ni ja nešto puno zadovoljan. Iskreno. Evo kad ga gledam, nije ni moro da bude na dnevnom redu, mogo je on komotno da sačeka, to je moje mišljenje. Ali kad je tu, onda već tu i smatram da mi i ovim sasvim dovoljno pružamo pomoći privrednim subjektima koji su oštećeni. Evo već sam rekao da je dobrim dijelom prepisano, 90% prepisano iz Tešnja. I naravno jedna sugestija, jedan zaključak: Svaka marka koja dođe sa viših nivoa vlasti ili bilo kojih međunarodnih organizacija, fondova, institucija, zaista bi trebalo da bude samo dodatni podsticaj prvo onih koji jesu najugroženiji, to su obrtnici, zanatlije, mala i srednja preduzeća, dakle da idemo u tu podršku, pomoć ako nekog uslovljavamo da mi pravimo takve kriterije i naravno da idemo dalje. To su evo neka moja razmišljanja nabacana na papir, pošto nema ovdje wirellessa, mislim da sam ovdje poprilično ovaj, koncizan i da ste me razumjeli.

Vijećnik Elvir Vehabović, samo da Feriću odgovorim, do kraja ove kalendarske godine u sklopu sa ugovorom sa Zavodom, regulisano je znači funkcionisanje logopeda u JU Dom zdravlja Maglaj. Unazad dvije godine ide tako ugovori po godinu dana, pa nadam se da ćemo dobiti i slijedeće godine. Do kraja ove godine je regulisano.

Načelnik općine, evo ja ću kratko, a poslije mene će šefica Službe dati odgovore na ova pojedina pitanja. Ako bude trebalo duže elaborirati oko Budžeta, vrlo rado ćemo. Pred vama je materijal, mislim da mogu to malo i skratiti. Poslije mene će na ove dileme odgovoriti gospođica Alibajraktarević. Evo ja bih zamolio Klub SDA da stvarno shvate da govorim najozbiljnije. Ovo danas što imamo, rebalans je na vaše insistiranje. Zaista nije bio još uvijek potreban, hitan. Mi smo mogli još uvijek jedno vrijeme funkcionisati po Budžetu koji smo usvojili 16. decembra. Dakle, nije nam ograničavao rad, ali isto tako su značajno, evidentni, smanjeni prihodi i išlo se zbog toga u ovaj rebalans. Ovakav je kakav je, vjerovatno ćemo imati potrebu za novim rebalansom. Daj Bože da ide na bolje, daj Bože da se vratimo na Prijedlog kakav je bio, a ne da idemo još niže. Svakako je teška situacija kad su u pitanju prihodi, ne samo Općine Maglaj, nego općenito u BiH. Naravno i šire, svi vi imate priliku da pročitate o čemu se radi. Ja bih samo neke stvari prokomentarisao. Dakle, famozana reprezentacija, nije reprezentacija sjedenje po restoranima to morate jednom shvatiti. Namanje su to restoranske usluge, reprezentacija je puno šire od restorana, ali i taj restoran se nekad mora. Ne možemo mi reći ni ministru ni ambasadoru ponesi ti deset 100 grama kafe pa ćemo popiti. Ali ove druge stvari koje čine reprezentaciju, analizirajte pa ćete vidjet. Da je bogodom mogla se smanjiti još više, smanjili bismo. Evo dopredsjedavajući je rekao, dakle radi se o 16 općina koje su do sada, ukoliko u zadnja tri, četiri dana nije još neko uradio rebalans na području Federacije BiH, uključujući i Brčko Distrikt koji su uradili rebalans. Većina tih općina će morati uraditi ponovo rebalans zato što po našem tumačenju nije valjan. Nije valjan iz razloga što su uradili bez mišljenja Ministarstva o stanju prihoda. Dakle, mi smo prvo pribavili i Ministarstvo i dobili dopis o umanjenju sredstava, čak od PDV-a kada smo pripremali rebalans, bilo je tu negdje na nekoj ravnoteži. Dobili smo ponovo dopis, dodatno 382 hiljade KM umanjenje od prihoda, tako da će i ove općine koje su to uradile, morati uraditi ponovo. Dužan sam ovdje pomenuti, projekat „Da se ne zaboravi“ nije nikakvo Udruženje, projekat da se ne zaboravi funkcionise godinama, godinama je u Budžetu i to je svakodnevno podsjećanje na šehide i poginule borce u ratu 1992-1995. Dopredsjedavajući je ovdje pitao za garancije, a niko više nema garancije da će funkcionisati ni država ni općina, ali u principu sve ovo što smo radili, nismo radili samo na svoju ruku. Kada je u pitanju i Komunalno i druge javne ustanove i institucije, razgovarali smo, dio sredstava smo morali na tim pozicijama skinuti. Nismo zaboravili da smo u Budžetu digli za nekih 40 hiljada, sad smo smanjili za 20, ali isto tako dio obaveza koje Komunalno u radu kroz naredbe Štaba, sufinansirano od sredstava zaštite i spašavanja, tako da ćemo vjerovatno isplivati do kraja godine sa ovakvom situacijom kakva jeste i da će funkcionisati uredno javne ustanove i Komunalno javno društvo. Iskreno se nadam i Općina Maglaj, jer samim time ukoliko se ne završi Općine i Općinski Budžet, teško da će funkcionisati i ostali. To je kratko što sam htio reći, ako bude bilo potrebe poslije možemo elaborirati.

Senada Alibajraktarević, zahvalila bih se vijećnicima i zahvalila bih se Načelniku na iznesenim stavovima. Ja ću pokušati odgovoriti gospodinu Jašiću vezano za pitanje za usvajanja rebalansa, odnosno Odluke o Izmjenama i dopunama Budžeta/Proračuna Općine Maglaj. Dopredsjedavajući je već rekao, znači broj općina koje su usvojile ove Odluke o Izmjenama i dopunama Budžeta Općine Maglaj, čak je izdvojio i Općinu Kakanj gdje misli da je zakonska regulativa neispoštovana kod donošenja. A mi, imajući u vidu cjelokupnu situaciju proglašenja

epidemije korona virusa, zabranu okupljanja i svih ovih mjera koje su donešene kod okupljanja većeg broja ljudi, mi smo ponudili taj Prijedlog Budžeta i takav Prijedlog Budžeta smo uputili na mišljenje kantonalnom Ministarstvu finansija, mislim da ste svi dobili i u materijalima kod dostave ove tačke dnevnog reda. Znači, kantonalno Ministarstvo finansija nije imalo nikakve primjedbe, dobili smo pozitivno mišljenje da može ići Prijedlog na Općinsko vijeće uz umanjenje ovog prihoda od indirektnih poreza za 382 hiljade KM. Ono što bih još napomenula, pošto ima dosta ovdje u Sali vijećnika koji su iz prošlog saziva Općinskog vijeća, moram podsjetiti da je i kod prethodne prirodne nesreće koja je zadesila općinu Maglaj, znači poplava 2014. godine. Tadašnji Općinski načelnik zajedno sa Službom uradio Prijedlog Budžeta, Prijedlog Odluke o Izmjenama i dopunama Budžeta/Proračuna Općine Maglaj. Glede tadašnje situacije, znači i tada, zbog hitnosti situacije i donošenja tog Budžeta nije išao Nacrt. Znači, a još bih napomenula da nijedna općina u Federaciji BiH kod donošenja ove Odluke o Izmjenama i dopunama Budžeta nije išla sa Nacrtom u proceduru. Na pitanja i ova mislim da je odgovorio što Općinski načelnik, što direktor Doma zdravlja i mislim da su i dopredsjedavajućem ponuđeni svi odgovori na postavljena pitanja. Hvala.

Vijećnik Mirza Bradarić, ništa evo samo možda mala dopuna. Sva sreća pa internet danas funkcioniše. Zaista na stranicama i kantonalne i federalne Vlade ovo samo za zakonitost, da li treba ići u javnu raspravu ili ne, da li treba ići u formi Nacrta. Evo gledam sad, kantonalna Vlada je i 2019. godine i 2020. godine po hitnoj proceduri donijela rebalans Budžeta, znači bez Nacrta bez javne rasprave, a isto tako možete vidjeti na stranici federalne Vlade da su oni nekoliko puta to uradili. Znači, ako oni nisu prekršili nikakav zakon, ne vidim logike da i ovdje isto bilo kakav zakon prekršen, a pogotovo što vi sad komparirate sa 2014. godine kada je isto tako na isti fazon i princip urađen. Toliko. Hvala.

Predsjedavajuća, ukoliko nema prijavljenih za diskusiju, odgovore su vijećnici dobili, zaključujem raspravu. Dakle, bio je u prijedlozima, set prijedloga od strane Kluba SDA, ja ih i ne mogu ponoviti i da hoću, pokušala sam sve zapisati, ali evo slušali smo sve pažljivo. Dakle, bio je to set prijedloga od SDA, vezano za stavke unutar ovog rebalansa, ko je ZA prijedloge Kluba SDA?

Mirza Bradarić, moj prijedlog je bio prvi.

Predsjedavajuća, hoćete li ponoviti Mirza, nisam stvarno zabilježila.

Mirza Bradarić, prijedlog Kluba SDP-a je da se usvoji u ovoj formi kakvoj je ponuđen.

Predsjedavajuća, ja se izvinjavam, moja greška je. Prvi prijedlog iznesen u toku rasprava jeste Kluba SDP-a, a to je da se Odluka o Izmjenama i dopunama Budžeta/Proračuna Općine Maglaj za 2020. godinu usvoji u formi kakvoj je i predložen. Dakle, predlažem slijedeći

Z A K L J U Č A K

2.1. Usvaja se Odluka o izmjenama i dopunama Budžeta/Proračuna Općine Maglaj za 2020. godinu.

Glasalo 14 glasova za : Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Hrnjić Armin (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović, samostalni vijećnici, Josip Jurišić (HDZ BiH).

Glasalo 11 glasova protiv: Adis Abdurahmanović, Edib Delić, Nedžad Alispahić, Selma Avdić, Mirsad Bejić, Hasanić Šefka, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

AD-3 Prijedlog Odluke o privremenoj izmjeni i dopuni Odluke o komunalnim taksama i tarifi taksa na istaknutu firmu i drugih komunalnih taksa za fizička i pravna lica čiji je rad zabranjen naredbama Federalnog štaba civilne zaštite;

Senada Alibajraktarević-uvodno izlaganje, već sam se i prethodnici su se dotakli ove Odluke o privremenoj izmjeni i dopuni Odluke o taksama i tarifi taksa na istaknutu firmu. Znači pravni osnov za donošenje ove Odluke leži u članu 18. Statuta Općine Maglaj, Odluke o proglašenju nastanka stanja prirodne i druge nesreće na teritoriji BIH, Odluke o proglašenju stanja nesreće uzrokovane pojavom korona virusa na području Federacije BiH i Odluke o komunalnim taksama i tarifi taksa za istaknutu firmu i drugih komunalnih taksi. Kao što znamo proglašenje prirodne nesreće naredbama Federalnog štaba civilne zaštite pojedinim privrednim subjektima, a to se odnosi na pravna i fizička lica, privremeno je zabranjeno obavljanje njihovih djelatnosti. S tim u vezi napravljen je Prijedlog gdje se privredni subjekti kojima je privremeno bio zabranjen rad na području općine Maglaj oslobađa u dijelu plaćanja komunalnih taksi. Znači, mi imamo već postojeću Odluku, a ovom Izmjenom, odnosno ovim

Prijedlogom o privremenoj izmjeni i dopuni Odluke o komunalnim taksama i tarifi taksa na istaknutu firmu i drugih komunalnih taksa, u članu 12. dodao bi se novi stav 16. koji bi glasilo: Proglašenje stanja prirodne nesreće uzrokovane pojavom korona virusa na području Federacije BiH od obaveza plaćanja dijela ili cijelog iznosa komunalnih taksa na istaknutu firmu za 2020. godine na području općine Maglaj oslobađaju se privredni subjekti, fizička i pravna lica, čiji rad na području općine Maglaj naredbama Federalnog štaba civilne zaštite bio ili je još uvijek privremeno obustavljen izuzev privrednih društava čija djelatnost je priređivane igara na sreću. U članu 12. mi smo uradili skale sa oslobađanjem privrednih subjekata, tako da smo prvu skalu uobzirili privredne subjekte kojima je po naredbama Federalnog štaba civilne zaštite bio zabranjen rad u trajanju do 25 dana i za takve privredne subjekte oslobodili smo ih plaćanja komunalne takse za jedan kvartal, a to se odnosi za drugi kvartal 2020. godine, odnosno za period april-juni 2020. godine. U drugoj grupi bili bi svi oni privredni subjekti, odnosno pravna i fizička lica čiji je rad bio zabranjen u trajanju do 45 dana. I takvi privredni subjekti bi bili oslobođeni plaćanja komunalnih taksi za drugi i treći kvartal 2020. godine, a to je period april-septembar 2020. godine. I treća grupa bili bi oni privredni subjekti, odnosno pravna i fizička lica čiji je rad naredbama Federalnog štaba civilne zaštite bio zabranjen duže od 45 dana. I za takve privredne subjekte po ovoj Odluci je oslobađanje za tri kvartala odnosno za drugi, treći i četvrti kvartal 2020. godine, odnosno period april-decembar 2020. godine. To je Prijedlog onog što smo mi pripremili u Službi. Ima onih privrednih subjekata koji su, manji je inače broj, koji su već uplatili dio ili ukupnu komunalnu taksu za 2020. godinu, a spadaju u ovu grupu oslobađanja i mi bi taj dio koji su oni uplatiti uračunavali kao akontaciju za naredni period. A ukoliko privredni subjekti, mislim pravna i fizička lica odjave svoju djelatnost, a oslobođeni su plaćanja ovog, mi bi vratili novčana sredstva u skladu sa njihovim zahtjevom. Eto toliko u uvodnom izlaganju, pa ako bude nekih pitanja ..

Vijećnik Edib Delić, evo ja ću iznijeti stav Kluba SDA, mi smo ovo razmatrali ponuđeni Prijedlog Odluke i Odluke o privremenoj izmjeni i dopuni Odluke o komunalnim taksama i tarifi taksa za istaknutu firmu i drugih komunalnih taksa. Radi se ujedno o Prijedlogu Odluke plaćanja komunalne naknade, pa ću iznijeti jedan stav, pošto su usko vezane na dnevnom redu i nema ništa protiv da prihvati ove ponuđene Odluke, ali smo primjetili iščitavajući materijale koji su nam dostavili, šta je sa firmama koje su imale posljedice od ove pandemije, a nisu uobzirene naredbom Štaba civilne zaštite?

Predsjedavajuća, možete li samo pojasniti?

Vijećnik Edib Delić, pa recimo ne znam, određene djelatnosti su izričito Štabom zabranjene, ali postoji na općini Maglaj firme koje su, recimo indirektno ugrožene, nisu zabranjene, ali nisu ni radile. Neko da li je iz mjera predostrožnosti zatvorio svoju firmu da ne bi se pojavio virus ili indirektno posrednik bio ili ne znam šta. Imamo sigurno takvih firmi, da bi trebalo uvezati, da vidimo da i te firme ukoliko možemo pomoći na neki način. Ne znam koliko ste me razumjeli.

Načelnik općine, razumio sam ja.

Predsjedavajuća, jasno je.

Vijećnik Edib Delić, ovaj prijedlog naš vezan je i za jednu i za drugu.

Načelnik općine, pošto sam učestvovao sa Službama u pripremi i jedne i druge Odluke. Ja sam razumio gospodina Delića u potpunosti. Međutim, teško je u ovom trenutku reći odnosno ima li ijedna firma da nije pogođena. Nema nijedna, svi su smanjili obim poslovanja, pojedini imaju priliku da u ovakvoj situaciji zarade, njih nije mnogo. Pogotovo ih nema u Maglaju mnogo. Ali ko je taj sad koji će reći ko može, ko ne može. Ili svi ili niko. Opredjeljenje je bilo kao što rade druge općine, za one čiji je rad bio zabranjen. Što se tiče ovih koji su imali smanjeno poslovanje, predviđeno je od strane Vlade Federacije, ko je imao pad prometa više od 20% čini mi se, da će imati podsticaj, subvenciju. Tako da su oni tretirani tim dijelom. A mi ovdje konkretno kod nas, imamo samo dvije grupe. Ili ovi koji su zabranjeni sa radom ili svi. Pa nemoguće je podnijeti teret svih. I zbog toga smo se opredijelili, kao što su i drugi lakše opredijelili, samo za one čiji je rad bio zabranjen. Hvala.

Vijećnik Edib Delić, može li se pojasniti što su izuzete kladionice?

Načelnik općine, ovako kad pitate za ne kladionice nego priređivači igara na sreću. Visoko profitabilna da kažem pravna lica, koji inače imaju sporove sa svim općinama, jer ne plaćaju obaveze, sudski se ganjamo i onda trebamo da dođemo u situaciju još da ih oslobađamo. Ovo smo, kako je rekao dopredsjedavajući Ferić, ovo je prepisano od Tešnja, ja sam razgovarao sa načelnikom Huskićem. On je konkretno na samoj sjednici predložio amandman da se ovako usvoji i mi smo smatrali da je to ok. Prije svega, računajući na profite koje ostvaruju i računajući da ovoj lokalnoj zajednici ništa ne vraćaju. Hvala. I još jedna činjenica, svi su isti dan otpustili sve uposlene.

Vijećnica Šefka Hasanić, ja ću izaći da pojasnim. Bojim se da niste Edu razumjeli u potpunosti, ono što je bio stav Kluba vijećnika SDA, a odnosi se znači da se uvedu u ovo pravo i firme koje su pretrpjele štetu, odnosno koje su imale slučajeve pozitivne na korona virus i koje su morale zatvoriti svoje poslovanje u ovom periodu. Odnosi se to na minimalno tri firme koje su imale, onaj ovaj slučaj. Takav je bio stav Kluba.

Vijećnik Firuz Galijašević, moje pitanje za šeficu Službe, ako može malo pojašnjenje. Kada je vezano ovo što je vezano za oslobađanje komunalnih taksi, tarifa koje će biti oslobođeni pojedini privrednici, subjekti na čiji je to teret? Da li je to iz namjenskih sredstava ili je možda iz sredstava Općine Maglaj?

Senada Alibajraktarević, direktan Općinski prihod.

Vijećnik Mirza Bradarić, može li pauza?

Predsjedavajuća, Klub SDP-a kratka pauza.

Vijećnica Šefka Hasanić, s obzirom da smo saslušali izlaganje Općinskog načelnika i šefice Službe i vidimo u kojem pravcu ide ovaj naš prijedlog, znači da neće biti uobziren u donošenje ove Odluke, a da ne bi glasali i protiv materijala zaista nismo protiv, naravno. Ovo je bio samo naš prijedlog za poboljšanje i doprinos tim firmama koje su isto imale gubitke izazvane ovom pandemijom. Mi povlačimo svoj prijedlog.

Predsjedavajuća, dakle ostaje nam da Prijedlog Odluke ovakva kakva je i došla na Vijeće stavimo na glasanje

Z A K L J U Č A K

3.1. Usvaja se Odluka o privremenoj izmjeni i dopuni Odluke o komunalnim taksama i tarifi taksa na istaknutu firmu i drugih komunalnih taksa za fizička i pravna lica čiji je rad zabranjen naredbama Federalnog štaba civilne zaštite;

Glasalo 25 glasova za : Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Hrnjić Armin (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović, samostalni vijećnici, Josip Jurišić (HDZ BiH), Adis Abdurahmanović, Edib Delić, Nedžad Alispahić, Selma Avdić, Mirsad Bežić, Hasanić Šefka, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

AD-4 Prijedlog Odluke o oslobađanju obaveze plaćanja dijela komunalne naknade, zakupa poslovnih prostora u vlasništvu Općine Maglaj, zakupa zemljišta za bašte i tende ugostiteljskih objekata i naknada za korištenje taxi stajališta za fizička i pravna lica čiji je rad zabranjen naredbama Federalnog štaba civilne zaštite;

Predsjedavajuća, otvara raspravu

Dopredsjedavajući, ja naravno da sam sadržajem ove predložene Odluke zadovoljan i da ću glasati i bjanko bi potpisao da ću glasati za nju da nije ovog člana 6. stava 1. Moram da obrazložim zašto ću predložiti da do kraja 2020. godine stoji do okončanja prirodne nesreće. Naime, evo kroz cvijelu ovu raspravu po prvoj tački, kroz rebalans Budžeta, isto tako ovoj prethodnoj, govorimo o tome koliko i na koji način možemo pomoći firmama. Svi bi mi, ja to garantujem, od predsjedavajuće do zadnjeg koji sjedi ovdje vijećnika, od administracije do prvog čovjeka ne znam ni ja tamo posljednjeg, voljeli da imaju milione i da mogu raspolagati i da mogu podijeliti, da jednostavno pomognu u ovom teškom vremenu. Zaista je teško vrijeme za mnoge, za većinu. Međutim, kad se saberu sve ove Odluke koje zakon, koji su doneseni na federalnom nivou, dakle ovaj Korona zakon, kantonalni rebalans i određene Odluke koje idu u pravcu pomoći ovim privrednim subjektima koji su pogođeni pandemijom i kada uzmemo ovaj set predloženih Odluka ovdje na Općinskom vijeću, onda zaista vidimo da bi donošenjem ove Odluke, a da stoji do kraja godine samo ugostitelji imali nešto posebno na području općine Maglaj. I oni bi najbolje i najviše bili zapravo, neću reći pomognuti, nego dobrim dijelom podržani da što prije vrate profit koji su, ako su, a jesu ga izgubili u ovom periodu zabrane rada. Pogledajte nešto, bašte, balkoni, dolazi ljetno vrijeme, kad sve ove prognoze kazuju da će biti izuzetno sušno i sunčano vrijeme, kada će se prilično fleksibilno dozvoljati iz Općinskih Službi postavljanje bašti, stolova, ne samo na ovim dijelovima gdje, hajd da kažem, prostotr ispred ugostiteljskih objekata, nego i na javnim površinama. A u isto vrijeme, da oni nakon pandemije, kao jedina oblast, taj dio ugostitelja svoje usluge poveća za 50 % smatramo, te usluge koje su povećane za 50% koji idu preko leđa građana, zaista ne bi mi trebali da ih dodatno nagradimo i da omogućimo. I to što su uradili sa povećanjem cijena i sad na ovaj način da još brže ostvare taj nekakav svoj povrat profit. Ja ovo otvoreno, iskreno i pošteno govorim. I to je u konačnici zaista tako. Ja gledam, prolazim svaki dan i vidimo da već određeni ugostiteljski objekti šire svoje terase oko zgrada, oko prostora stambenih. I ono gdje su privremeno zauzeli, nelegalno sada dupliraju te prostore i tako dalje. Naravno da takvih ima i mislim da ne bi ovdje trebalo da uraidmo. Ako ništa zbog nena, djedova, koji dolaze iz Kopica, novošeherskog kraja u Dom zdravlja ili ovdje po nekom poslu u Općinu, pa prave te pauze, odu u kafanu, da popiju kafu, da sačekaju autobus između, pa da se njima ta usluga odjedanput naplaćuje 50%. Ja koliko znam, niti je maloprodajna cijena, niti je cijena u uvozu poskupila, skočila bilo gdje tih artikala koje oni opslužuju, a evo 50% je povećana cijena. Dakle, zato sam da se omogući kako ste predložili i njima kroz ovo oslobađanje, te plaćanje naknade za korištenje, za zauzimanje bašte, zatim ovih javnih površina, da plaćaju te naknade, ali da budu oslobođeni samo dok traje ova stanje prirodne nesreće. Ostali dio teksta ove predložene Odluke je sasvim ok.

Vijećnik Safet Jašić, pa ovo je stvarno dilema. Upravu je možda gospodin Ferić u ovom dijelu. Ja ne znam koliko je u Šeheru kahva? Ide li iko? Marka kahva, a ovdje je 1,50 KM. Ja sam bio u Fissu i prijeko tamo vamo, svugdje je 1 KM , nije poskupila. Ovo je interni dogovor ugostitelja u Maglaju. Interni dogovor 100%. Prema

tome, možda je najbolje i za njih i za nas, na koji način mi to možemo uraditi. I u Žepču je i svugdje je kahva 1 KM, da se vidi sa tim ugostiteljima, slažem se 100%. Nisu samo djedovi i nane, 1,50 KM i za nas, za ovakve sredine malo previše. A pošto Fermić pije tih kahvi, nego da nađemo zaista nešto. Ko je sad nadležan da bi se uskladilo sa ostalim i da mi njih tretiramo kao sve ostale? Ako možemo šta naći, ja bih volio.

Načelnik općine, ja zaista uvažavam i ovo što je dopredsjedavajući i volim kad neko kaže šta misli. Ovo je bilo vrlo direktno. I Jašić ovo što je iznio dilemu da je u pravu. Nisu svi poskupili, recimo u Bingu nije poskupila kahva, imali smo situaciju da je u gradu već neko imao kahvu 1,50 KM, ev Vehabović kaže da je i prije kahva bila 1,50 KM. Ali evo ja se neću doticati cijena, osim ovog možda odgovora na pitanje, kako možemo uticati. Ne možemo nikako, oni su vlasnici, oni formiraju cijene i to je tako. Ne kafe, nego svih svojih usluga. Ono što ja želim reći i zamoliti vas, hoću da nađemo neki kompromisni dio u ovom. Već prije nekih mjesec dana smo mi iz Općine predložili da i to bude jedna od mjera. Niko nije znao tada kada smo počeli pričati o tome, ni kako će teći ovaj problem sa korona virusom. Dokle će to trajati? Hoćel početi raditi? Hoće li uopšte početi raditi i ugostitelji i mnogi drugi? Evo desilo se dakle, da su mjere opuštanja na snazi, da su ugostitelji počeli raditi, ali pod određenim uslovima. Dakle, i dalje je bašta, razmaketi sto po preporukama. Da li svi poštuju to je sad drugo pitanje. I ovo bašte što imaju ne mogu koristiti u punom kapacitetu, unutarnji dio objekta po preporukama ne bi trebalo ni da koriste. A ovo apsolutno se slažem, da je i ovo opasnost jedna, da se tek tako dozvoli, mada tamo piše da čes e izdavati rješenja, da na osnovu rješenja mogu biti oslobođeni i postavljati baštu. Način da neko ovakvu mjeru shvati, da sad može iznijeti i staviti bilo gdje na ulicu, na zelenu površinu i tako dalje, oformiti baštu za svoj objekat. Mislim da to nije dobro, da to ne treba tako da bude. Ja bih zamolio Vijeće da podrži ovu Odluku, ali da izmjenimo u ovom dijelu, da kažemo da se oslobađaju samo za onu površinu koju su imali pod zakupom 2019. godine, sve preko toga se plaća po tarifi po kojoj je i bilo, ukoliko se bude moglo izdati rješenje za proširenje bašte. Vjerovatno će biti zahtjeva ako ovo sotane duže na snazi, da se ne može sjediti u objektima. Mada iskreno se i to djelimično krši, pošto je vidljivo da i u objektima ima gostiju. Ko će više upratiti sve te preporuke.

Predsjedavajuća, voljela bih da kao Vijeće donesemo jednoglasnu Odluku, jer svi želimo pomoći svim privrednim subjektima, naravno i ugostiteljima. Možda kratka pauza Kolegija, da formulišemo Prijedlog zaključka.

PAUZA KOLEGIJ

Dajem na glasanje

Z A K L J U Č A K

4.1. Usvaja se Odluka o oslobađanju obaveze plaćanja dijela komunalne naknade, zakupa poslovnih prostora u vlasništvu Općine Maglaj, zakupa zemljišta za bašte i tende ugostiteljskih objekata i naknada za korištenje taxi stajališta za fizička i pravna lica čiji je rad zabranjen naredbama Federalnog štaba civilne zaštite.

4.2. U članu 6. Stav 1. treba da stoji „Oslobađaju se od plaćanja zakupa zemljišta za postavljanje ljetnih bašti i tendi ugostiteljski objekti, čiji je rad zabranjen Naredbom Federalnog štaba civilne zaštite, broj: 12-40-6-148-11/20 od 17.03.2020. godine do kraja 2020. godine i to za površine ljetnih bašti koje odgovaraju zakupu iz 2019. godine, a za sve površine izvan toga će biti plaćen zakup u skladu sa ranije donesenom Odlukom Općinskog vijeća.

Glasalo 25 glasova za : Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Hrnjić Armin (SDP), Muhamed Hrnjić (SBB), Hajrudin Fermić (DF), Fikret Delić, Mustafa Bešić, Kanita Bašić, Elvir Vehabović, samostalni vijećnici, Josip Jurišić (HDZ BiH), Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Hasanić Šefka, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

AD-5 Odluka o otkazivanju održavanja manifestacije „Studentsko ljeto“ za 2020. godinu;

Emina Hasanić, uvodno izlaganje.

Predsjedavajuća, evo ja ću govoriti na osnovu iskustva koje sam imala u Organizacionom odboru za realizaciju Studentskog ljeta prošle godine. Dakle da je sve kako treba, sve pripreme bi bile već u punom jeku. Radi se o raspisivanju Javnog poziva, prijave kandidata, žiri, odnosno komisija koja vrši odabir kandidata i tako dalje. O čemu se ovdje radi. Ne radi se o Općinskoj odluci, da tako kažem. Dakle ova Odluka vezuje se i za Odluke viših nivoa vlasti, dakle i Odluci koja je još uvijek na snazi, a to su masovna javna okupljanja koja su još uvijek zabranjena. Dakle, vrlo je neizvjesno, ne možemo ni raspisati sad Javni poziv, pozvati ljude da rezervišu termine, niti će se prijaviti da se razumijemo. Jer Odluke drugih država, susjednih država koje najčešće učestvuju u međunarodnoj manifestaciji, odnosno festivalskim večerima Studentsko ljeto, zapravo uveliko diktiraju šta će se

desiti sa festivalskim večerima. Orkestar koji se priprema, priprema se po par mjeseci. Znači i to je trebalo već na neki način odabrati, sastaviti orkestar, poslati notne zapise koji bi oni već uvježbavali i tako dalje. Realno govoreći, mislim da mi Odluku možemo donijeti ili neki novi saziv Općinskog vijeća i nekad tako kasnije, ukoliko se steknu uslovi, a mislim da je dobro da mi kao Vijeće imamo svoj stav o tome, a dosta realno sagledavajući uslove za održavanje festivalskih večeri. Evo u ovom dijelu kojem je Emina iznijela vezano za samu manifestaciju, rekla da je to niz aktivnosti. Možda ove godine neće biti festivalskih večeri, evo ja mogu tvrditi za Dom kulture koji svo ovo vrijeme pandemije, vrijedno piše projekte i aplicira na sve moguće pozive, bilo međunarodnih organizacija ili na više nivoa vlasti BIH. Dakle u nadi da će ostvariti neka finansijska sredstva, odnosno da će se neka od tih projekata proći i biti u mogućnosti da se realizuje. Malo ljeta je trebalo već praktično biti održano. Maskembal i takmičenje djece pjevača je već trebalo biti organizovano, znači trebamo stvarno biti realni i reći da, kad bi za dva mjeseca počeli, ne možemo ga do januara sljedeće godine organizovati, tako da u ovom ljetnom periodu, mislim da je još prerano za masovno javno okupljanje. Ja sam provjerila i u drugim gradovima, festivali su tog karaktera su otkazani, makar ovi ljetni. Neće se dešavati, mislim da je realno da tako postupimo kada su festivalske večeri u pitanju. Ali da se ne ograničava na kompletnu manifestaciju Studentskog ljeta, dakle možda se nešto. Ja prva ne bih mogla reći nekome od djece, da se organizuje Malo ljeta, ti možeš ući, ti ne možeš. Ne bih imala srca stvarno. Ili nekome reći možeš li učestvovati ili ne možeš učestvovati ili roditeljima može otac, a ne može majka svoje dijete gledati. Bilo bi to vrlo nezahvalno. Vidite, nas je ovdje možda 30, a puna je sala po propisima koji još uvijek važe i koji su na snazi, kada su mjere prevencije u pitanju. Eto toliko.

Vijećnica Šefka Hasanić, možda da ovu Odluku preinačimo u da ne bude baš Odluka o otkazivanju održavanja manifestacije, nego da bude o prolongiranju datuma. S obzirom da i ja učestvujem nekakvim međunarodnim takmičenjima. Sva takmičenja su zakazana za kraj augusta. I nije nam ni garant da ova Odluka o ovakvim mjerama će biti na snazi u septembru, oktobru. Možda ćemo imati prilike to održati, septembar, oktobar. Znači da bude Odluka o prolongiranju održavanja datuma.

Predsjedavajuća, ja ne bih smjela zaista. Ko će preuzeti na sebe toliku odgovornost da će napraviti nešto, a da bude nešto kvalitetno i onako kako priliči manifestaciji Studentsko ljeta?

Načelnik općine, dakle prolongiranje znači obaveza. Nije u augustu, jest u septembru, jest u oktobru. Moramo voditi računa, ako smo imali rebalans, ako imamo smanjene prihode i sve, ne možemo na jednom reći, treba nam nešto održati od ne znam koliko više košta, od IT Challenge do Studentskog ljeta, festivalskih večeri. Svjetlana je napomenula, ja ću se još jednom vratiti, dakle. U aprilu mjesecu se završavaju odabir izvođača i odabir numera. Ono što ja nisam mogao da vjerujem za ove tri godine jeste to dugotrajno uvježbavanje orkestra, za koje pitam da su profesionalci zar nije moguće, zar je moguće da ne mogu se sastati i odsvirati pjesmu. Naravno, nisam te struke, objašnjavali su mi. Dakle do sada je trebalo imati izvođače, kako ćemo imati izvođače? Nema šanse. Orkestar, notne zapise, odabrane numere i tako dalje. Dakle nije moguće. Nije realno i nema ni Studentskog ljeta, ni IT Challenge niti bilo čega ukoliko ne bude povećan prihod, ukoliko ne bude novi rebalans. Bilo kakva Odluka o prolongiranju ostaje obaveza. Ja bih bio najsretniji da može ove godine održati festivalske večeri, ali je činjenica da ne možemo. A daj Bože da nam s eukažće za dva, tri mjeseca, mogućnost priliva sredstava, neka neko pravi krajem godine, šta je problem, lahko je izmijeniti Odluku. Ali u ovom trenutku smo izmijenili rebalans, skinuli sredstva iz kulture i niko više ne pominje ni IT Challenge koji je isto tako jedna velika manifestacija, manifestacija mladih ljudi i daleko se čulo za IT Challenge, kao i za Studentsko ljeta, naravno šire i mnogo prije.

Vijećnik Safet Jašić, gospođa Hasanić je iznijela stav Klub, ja ću evo u lično ime nešto. Zašto mi u ovome pravcu, mi ćemo podržati ovu Odluku, ma kakva bude. Studentsko ljeta ima tradiciju. To ne smijemo zaboraviti. To je nama možda i nama najdragocjenija manifestacija koja se događa. U opkoljenom Sarajevu su se događale daleko veće, daleko veće manifestacije u blokadi 1992-1995. I održala se. Ne smatram ja ništa, nemojte misliti da ja mislim drugačije ili da svi mislimo isto. Nego, možda sad imamo priliku da zaista da sve proanaliziramo i da vidimo šta je. Nekako mi možda, rekla je gospođa, da to nije možda malo preuranjeno, da se možda ova Odluka na neki način kaže da je to privremena Odluka o odgađanju Studentskog ljeta. Zaista se može ukazati prilika, nismo sigurni. A možda, čak ne bi bilo loše, ništa nebi naštetili ako bi se prenijelo možda i u drugu godinu, šta ima veze da u jednoj godini budu dva Studentska ljeta. Da ne izgubimo korak koji imamo. Eto to je naše razmišljanje iz Kluba i evo ja sam svoje lično iznio. Ništa drugo. Mi ćemo podržati i ovu drugu Odluku koja je iznesena, koja je ponuđena, nije nikakav problem. Ali malo da razmislimo. Znam ja da je ovo izuzetno opasno. Evo kako sjedimo danas ovdje. Sve je to meni jasno. Ako ne može biti, ne mora. Ali ova Odluka bi mogla, ako bi se ukazala prilika da to bude. A nikakav nije problem, mi podržavamo i ovu Odluku. Eto toliko.

Načelnik općine, ja bih volio kad bi to bilo tako. Ali nije realno. Dakle, ukoliko se ukaže mogućnost, mi moramo napraviti rebalans Budžeta, vratiti sredstva na kulturu, ako to uradimo, donijet ćemo i Odluku o održavanju Studentskog ljeta i terminski plan i tako dalje. Ali nemojte da zaboravimo da se radi o internacionalnom festivalu. U toku ratnog perioda, jeste Sarajevo jednu godinu, naše Maglajlije napravile u Sarajevu i to je ono što je bilo negdje u Sarajevu, među tim ljudima i napravili su manifestaciju kao podršku Maglaju u situaciji kakvoj je bio. Ali to nije međunarodni festival bio, to je bila želja da se pomene Studentsko ljeta, da se Maglaj pomene. Mi ćemo i ove godine sigurno Studentsko ljeta, na neki način obilježiti. Hoće li to biti online javljanje pobjednika, dosadašnjih učesnika i šta će biti o tome se već razmišlja. Ali ovakve festivalske večeri, nema ako nisu

internacionalne i nema ih ako nema sredstava u Budžetu. Sredstava u Budžetu sa ovim rebalansom nema. Ako bude dobra prilika, daj Bože, niko ne bi bio srećniji od mene, da bude dobra prilika da napravimo rebalans sa povećanjem prihoda, rasporedimo sredstva na kulturu, pa nek on bude u decembru, ako hoće. I druga stvar, imali smo i 2014. godinu, dakle imali smo elementarnu nepogodu i Studentsko ljeto normalno nije održano što je i razumljivo. Sada je još i gora situacija iz razloga što je zabranjeno okupljanje, do kada će biti okupljanje i distance, što se radi o zatvorenom prostoru Sportske dvorane i tako dalje. Dakle, ako bude bilo prilike, prvo mjere da budu dozvoljavale, okupljanje i sve drugo, da finansijski priliv bude dozvoljavao, treće da uradimo novi rebalans i da vratimo sredstva na kulturu, onda možemo razmišljati i o internacionalnim festivalskim večerima. Do tada ćemo raditi nešto za obilježavanje Studentskog ljeta, da se ne prekida tradicija.

Predsjedavajuća, ova Odluka nije morala doći na Općinsko vijeće. Znači ni 2014., evo bila sam u sastavu u Vijeću. Nije niko raspravljao o tome da li hoćemo ili nećemo održati festivalske večeri, odnosno cjelokupnu manifestaciju Studentsko ljeto. Načelnik je ponudio ovu Odluku čisto da, da i mi kao Vijeće preuzmemo, pretpostavljam dio odgovornosti, ali i da budemo svjesni okolnosti u kojima se nalazi i Općina Maglaj i regija, ne samo država BIH. Mogli smo i ne spomenuti, sasvim prirodno, obzirom na rebalans. Sredstava u kulturi nije bilo dovoljno da bi se ta manifestacija održala. Ona se ne bi održala prećutno, niko ništa ne bi ni spominjao ni govorio. Možda bi to bio predmet neke analize naredne godine. Do god traje zabrana o javnim okupljanjima, nemoguće je okupiti i orkestar da vježba. Ne može se to izvesti, tako da same pripreme ne mogu početi ni da pretpostavimo ko bi eventualno učestvovao, a stranci nam se ne mogu prijaviti svakako. Eto dakle samo zašto ovo Vijeće raspravlja o Studentskom ljetu. Ne može nikome biti više žao, nego Domu kulture koji je bio nosilac te aktivnosti sve ove godine i znači niko nije sigurno, ne mogu reći oštećen, to je ipak jedan imidž koji je Općina Maglaj nosila, ali i sama ustanova, dakle u organizaciji Studentskog ljeta. Zato kao član organizacionog odbora prošlogodišnjeg, a sada u ulozi u kojoj se nalazim u Domu kulture, sigurna sam da kad su vijećnici u pitanju, nikome više nije žao nego meni, kao direktorici Javne ustanove. Jer mi bismo tu aktivnost nosili.

Vijećnik Elvir Vehabović, kad sve unaprijed razmišljamo, moramo razmišljati o mogućnosti drugog talasa.

Dopredsjedavajući, malo šale, ja mislim da je svim načelnicima Općine u prethodnom periodu, među najvećim dostignućima u izbornoj godini to Studentsko ljeto. I kada ovako ovaj načelnik predloži da ne bude ovo, onda znate da je to golema stvar. Onda znajte da stvarno imaju tu određene teškoće i problemi. Šalim se ja. Slažem se također sa ovim prijedlozima koji govore, koji idu u onom pravcu da mi o Studentskom ljetu govorimo tokom cijele godine bez obzira na koji način i kojim povodom da ostane u ušima i da bude, na neki način Općina Maglaj obilježi tim Studentskim ljetom. Jedan od tih prijedloga jeste i puno se pričalo o tome su online susreti, te video konferencije sa onim bivšim pobjednicima, članovima žirija, ljudima koji su bili u organizacionom odboru i da se sve to malo, možda kroz dokumentarni film sastavi da bude nekakva vrsta prezentacija, pa makar evo nama Općinskom vijeću, naravno uz medije koji bi to sve pratili kad budu ti dani septembra mjeseca. Znači kroz jedan dokumentarac, da bude čitav presjek dešavanja, presjek svih onih aktivnosti Studentskog ljeta, razgovori sa pobjednicima, sa direktorima i tako dalje. Mislim, da je to. Online, da bi zadržali te mjere distance. Bilo bi nešto novo, drugačije, a funkcija bi bila, aha evo ipak mislimo i obilježavamo na neki način te dane Studentskog ljeta. Znam da ste i vi u Domu kulture osposobljeni za te stvari, mislim da vam to neće biti teško.

Predsjedavajuća, kratka pauza na zahtjev predsjednika Kluba SDA.

Vijećnik Safet Jašić, mi smo imali stav da budemo suzdržani po ovoj tački, međutim poslije ovih obrazloženja i diskusija, odlučili smo evo, kratka pauza, podržat ćemo ovu Odluku.

Predsjedavajuća, samo festivalske večeri da se naglasi u Odluci. Evo dakle, uz ovu ispravku Emina, izmjene u sadržaju same Odluke, dakle radi se o Odluci otkazivanja festivalskih večeri Studentskog ljeta 2020. I da se briše ovaj dio teksta, stavljam na glasanje

Z A K L J U Č A K

5.1. U samom nazivu Odluke treba da stoji da se otkazuju festivalske večeri manifestacije „Studentsko ljeto“ za 2020. godinu.

5.2. U članu 1.Odluke izvršiti izmjenu, gdje umjesto „Ovom Odlukom otkazuje se održavanje manifestacije Studentsko ljeto za 2020. godinu, kao i sve druge aktivnosti planirane ovom manifestacijom“ treba da stoji „Ovom Odlukom otkazuje se održavanje festivalskih večeri manifestacije Studentsko ljeto za 2020. godinu, kao i sve druge aktivnosti koje se odnose na ove večeri.“

5.3. Usvaja se Odluka o otkazivanju održavanja festivalskih večeri manifestacije „Studentsko ljeto“ za 2020. godinu.

Glasalo 25 glasova za : Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Hrnjić Armin (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović, samostalni vijećnici, Josip Jurišić (HDZ BiH), Adis Abdurahmanović, Edib Delić,

Nedžad Alispahić, Selma Avdić, Mirsad Bežić, Hasanić Šefka, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

AD-6 Prijedlog Odluke o učešću Općine Maglaj kao osnivača KJD u finansiranju izgradnje mliječne pijace na Tržnom centru u Maglaju, u visini vrijednosti naknada za uređenje građevinskog zemljišta i pogodnosti (rente);

Predsjedavajuća, otvara raspravu.

Vijećnica Dženita Smajlović, kada je u pitanju ova tačka dnevnog reda, mi znamo da je KJD profitabilno javno preduzeće, dakle samoodrživo i prema tome nema smetnji da oni sami urade uspostavu mliječne pijace na Tržnom centru. Poznato nam je da je KJD sa novim rukovodstvom na početku mandata zateklo sredstva, najmanje 1 milion KM što je dovoljan razlog da Općina Maglaj ne učestvuje u finansiranju izgradnje mliječne pijace, pogotovo ne u ovom periodu, kada se borimo da se pomognu privredni subjekti koji su praktično bili zatvoreni dva mjeseca. To je razlog. Eto toliko.

Mehmed Bradarić, dakle vi znate da je davno zakon izašao i da mlijeko i mliječni proizvodi se moraju prodavati u zatvorenom prostoru. To traje prilično dugo godina. Znate da mlijeko i mliječni proizvodi su prodavani na onom otvorenom prostoru koji je bio javni wc. Dolaskom gospodina Načelnika, pobrinuo se čovjek da dođemo do kakvog takvog prostora i danas je u takvom prostoru, odvija prodaja mlijeka i mliječnih proizvoda. Gazda, vlasnik tog prostora nudi nama da to kupimo za 200 hiljada i to je jedan potpuno depresivan prostor. Meni ne pada na pamet kao direktoru da to kupim, je rot ne vrijedi toliko. Čovjek toliko traži. Ne možemo se vratiti ponovo na otvoreni prostor, kako je bilo u vrijeme onoga Načelnika, kako je bilo u vrijeme postave u KJD. To je nemoguće. Ja imam rješenje ovoga gazde, odnosno nudi nam rješenje, da plaćamo kiriju koja zajedno sa onim režijama izađe oko 1350 KM, a KJD one rente, kad omogući trgovcima prodaju zaradi u vrh glave 700KM, gdje vam je tu logika? Dakle, nemamo namjeru da tako nešto radimo. Ponudili smo ovo rješenje i danas tako rješenje imate. Ja sam i prije tri godine, odnosno dvije i po godine koliko sam ja tu, tražio donacije od kantona, tražio sam i prošle godine donaciju od kantona, tražio sam i prethodne godine donacije od kantona i tražio sam da nam omoguće kupovinu, odnosno rješavanje tog problema. Nismo, dakle naišli na odobravanje. Podsjetit ću vas da je premijer tog kantona bio Miralem Galijašević. Nismo dobili nikakvu donaciju za razliku od, imali smo svoje poslanike u Skupštini. Za razliku od ove postave sad, gdje imamo poslanika Kapić Jasminka i Načelnika koji su omogućili da za ove dvije godine dobijemo donacija iz kantonalne Vlade, kantonalnih ministarstava iz federalnog Fonda zaštite skoro 300 hiljada i da taj novac iskoristimo za te projekte. Dakle, nećemo da kupimo taj prostor. Nećemo da plaćamo toliku kiriju. Ne možemo dobiti donaciju ni od koga. Dakle od Vlade koja je u kantonu i vi morate rješavati to pitanje. Podsjetit ću vas da smo i prošle godine ušli u Plan javnih nabavki za rješavanje tog prostora. Nismo zato što smo čekali odzoga da nam ljudi pomognu, daju pare i više ne možemo čekati. Ako misli da trebamo da plaćamo toliku kiriju, plaćat ćemo i tako dalje. Al moramo to pitanje riješiti. Dakle, ne smije biti onako kako je bilo prije četiri godine, ne smije biti onako kako je bilo prije pet godina, ne smije biti kako je bilo prije šest godina, pijaca mlijeko i mliječni proizvodi na otvorenom javnom wc-u. Dakle sjetite se samo javnog wc-a. A vi gospođice savjetujem, dakle to je ortodoksna neistina. Lijepo bi bilo ipak da zbog svega, da izađete ovdje i govorite istinu. Dakle, nije istina da je KJD naslijedilo 1 milion KM. Dakle ortodoksna neistina, ortodoksna laž, a sramota je izaći ovdje i tako nešto govoriti. Eto toliko.

Predsjedavajuća, iskreno da kažem, mislila sam da će ova tačka kud i kamo lakše proći, obzirom da smo u diskusijama koje su se ticale privrednih subjektima u ranijim diskusijama, nastojali da pomognemo sve privredne subjekte na području općine Maglaj, pa i rebalansom Budžeta. Ono što trebamo znati jeste da smo mi osnivači javnih preduzeća i javnih ustanova na području općine Maglaj i da mi imamo odgovornost prema tim javnim ustanovama i javnim preduzećima. Korona zakon nit će biti pomognuto javno preduzeće niti bilo koja javna ustanova. Dakle, niko od nas neće dobiti niti jednu subvenciju, niti se nas tiču oslobađanja plaćanja taksi i naknada. Ne vidim zašto bi Vijeće imalo problem da svoje preduzeće pomogne sa ovih otprilike 5 hiljada KM. Oslobađanje praktično, jer nećemo praktično dati te pare, nego ih oslobađamo plaćanja te rente, ako sam ja dobro materijal shvatila. Mi osnivači pomažemo svom javnom preduzeću, koji zapošljava toliko broj radnika. I sad nam to treba biti upitno, hoćemo li ili nećemo pomoći preduzeću čiji smo mi osnivači.

Dopredsjedavajući, mi se moramo prisjetiti da je problem prostora mliječne pijace zatekao Načelnik još u decembru 2016. godine i ako se sjećate da smo imali odmah u tom periodu na dnevnom redu jednu Informaciju o stanju mliječne pijace, gdje smo razmatrali sve moguće varijante. I ta varijanta za smještaj u privatni prostor bio je i tad, kako smo i saznali, informisani, bilo je privremeno rješenje. Dakle, problem prostora mliječne pijace je naslijeden. Trajalo je koliko je trajalo. Koliko vi kažete da su se izmijenili uslovi, da se to više ne može pratiti. Mora se trajno rješavati pitanje i meni je drago da se trajno rješava pitanje objekta mliječne pijace. Međutim, ono što bih ja sugerisao kolegici Smajlović, još jednom napomenuo da Zakon o javnim preduzećima, Zakon o komunalnim djelatnostima striktno, jasno, precizno kaže da je obaveza finansiranje izgradnje komunalne infrastrukture pa je nabrojano: pijace, parkinzi, itd, itd. Zapravo iz Budžeta Općine. Dakle konkretno Budžeta Općine. Iz tih razloga se ubiru i naknade za uređenje građevinskog zemljišta, komunalne naknade i tako dalje. I

ako se sjetite, moja svaka diskusija od 2016. do današnjeg dana. Nije ovo prvi put da imamo neke teme od onog prostora kod benzinske, do pijace, mliječne pijace i tako dalje, uvijek govorim i podcrtavam važnost, odnosno našu obavezu Općinskog vijeća prema KJD. Zašto vama ovo govorim? Zato što bi dobro bilo da zaista pročitate oba zakona, Zakona o javnim preduzećima i Zakon o komunalnim djelatnostima u kojima ovo precizno stoji. Dakle, profitabilna firma, kada se pokaže profit, tada to Općinsko vijeće određuje i raspoređuje kada i gdje ide profit, odnosno u koje investicije. A sjetimo se prošle godine kako je bilo poslovanje KJD, ako se ne varam dvije, tri hiljade je bilo pozitivno na kraju godine i eto to je taj prihod i profit o kojem vi govorite. Nikad po ovim cijenama usluga, po ovome svemu i ovakvom odnosu Općinskog vijeća prema KJD, ono ne može doći ni blizu onog što su Elektroprivreda, BH Telecom i tako dalje, koje zaista jesu profitabilne i koje tačno po ovom zakonu kojeg sam pomenuo, zna se šta određuje upravni odbor, a zna se šta određuje u tom slučaju kao osnivač Vlada Federacije, gdje te pare idu. Onda oni mogu finansirati sportiste i sve drugo mogu. Prema tome, nemojte da se razbacujemo tim podacima i dezinformacijama o profitabilnoj firmi. Dakle, nego da preuzmemo na sebe. Ja sam lično nezadovoljan, što mi nismo ovdje odredili u Budžetu, ne ovom, nego u decembru 2019. godinu da Općina isifinansira mliječnu pijacu. A doći će još nekih objekata koje treba isifinansirati koji su nam neophodni.

Vijećnik Safet Jašić, pa čuli smo ovdje svega. I od direktora i neke stvari su nam poznate, neke nisu. Što je to? Jel zabranjeno reći da je KJD profitabilna firma i treba se ponositi što je to tako. Ništa drugo. Imamo pravo da to kažemo, to je tako, to su činjenice. Zapošljava se toliko ljudi, ljudi imaju najbolje plate i takvo preduzeće ne treba da za 5 hiljada KM pravi. Ako se vratimo malo nazad, vidimo kad se prisjetimo, kad smo ulazili u ovu mliječnu pijacu, kakve su diskusije bile i kakva je priča bila o toj mliječnoj pijaci. Ko je gazda ja nemam pojma. Tada je se na sva zvona, šta treba, evo dobili smo sve savremeno i ne znam kakav je ugovor tamo potpisan i sad se odjednom pojavljuje informacija kako čovjek traži 200 hiljada KM. Zašto nije bilo onda? A moglo se, a vjerovatno tu nešto ne štima. Nešto je puklo između gazde i direktora. I odjednom se traži 200 hiljada prodaje. Nije to ništa smiješno, to meni nije samo jasno. Znamo svi gdje je taj prostor. Mi smo svi da se to na neki način uradi, al de malo, nije to firma koja je tek u povoju, kojoj treba zaista. Firma zarađuje, firma nek sebe finansira. Ovo nisu neka sredstva. Ne kažem ja, ako dođe u pitanje otpuštanje nekog radnika, ja sam prvi za to da se pomogne. Međutim u ovom slučaju imamo pravo na svoje mišljenje. Nemojte prozivati vijećnicu, nek neko kaže da je ona iznijela dezinformaciju, dokažite kada su u pitanju ona sredstva koja su naslijedena. Slobodno možete da kažete. Nije tačno, evo ja imam podatke, naslijedio sam to i to. I demantujte našu diskusiju. Tako da, ne trebate, ona je mlada i to nije greška. Mi imamo takvu informaciju i ja sam istog mišljenja ko i ona. Vi nama donesite kontra informaciju, kažete, evo vidite vi u Klubu SDA da ste pogriješili i mi ćemo se izviniti, nije nikakav problem. Al mi baratamo tom informacijom.

Načelnik općine ja sam u 15,00 sati zakazao sjednicu Štaba za 16,00 sati u sali Vijeća nadajući se da ćemo ovo završiti brzo, a radi se o zahtjevu Islamske zajednice. Nadam se da ćemo ubrzati. Ja bih vas zamolio, stvarno nema potrebe za bilo kakvom politizacijom. Mliječnu pijacu treba da izgradimo. Općina sa svoje strane svom preduzeću daje dio sredstava, odnosno oslobađa dijela sredstava. Nema apsolutno ništa sporno ni za kog ni za vijećnike ni za Općinu ni za KJD. Nemojte da to vraćamo u neki kolosjek. Pustite, direktor Bradarić nije bio direktor u vrijeme kada smo dogovorili da mliječna pijaca bude u prostoru kod gospodina Zovke. To je bila prva inspekcija koja je meni došla čim sam došao za Načelnika. Odmah je došla inspekcija što ja nisam riješio mliječnu pijacu, a ja još nijednu platu primio kao Načelnik, pa sam trebao plaćati kazne. Pa smo dobili opomenu i riješili na nečiju žalost, očekivalo se da nećemo riješiti. Gospodin Zovko je dao besplatno korištenje onog prostora. Mi smo sredili, plaćali režije i tada je direktorica KJD bila gospođa Amira Zukić. Zna kako smo do toga došli. Čovjek je dao dvije, dvije i po godine koliko je vremena već il tri godine da se koristi prostor. Došlo vrijeme hoće da prodaje svoj prostor. Prvo što je ponudio, ponudio je Općinu da kupi, ponudio je KJD. Nama ne pada na pamet da po ovim parama, ovoj cijeni kupujemo poslovni prostor, ondje kakav je zavučen. Puno je jeftinije izgraditi novi poslovni prostor. I to je suština svega. Da smo htjeli kupiti, da nam je odgovarala cijena, ponudili bi Općinskom vijeću da kupi. Ne odgovara cijena. Kakvih bolan 200 hiljada za ono to, puno je jeftinije napraviti drugo. I evo ne trebamo nuditi Vijeću, KJD to radi. A vaš doprinos da dignete ruku da 5 hiljada KM oslobodite KJD i da to ne politiziramo. Ništa drugo.

Mehmed Bradarić, ništa eto Načelnik je odgovorio, ali ove budaleštine, rafalno slušam ja već dvije i po godine usmjerene prema Komunalnom. Ja razumijem tu vrstu ljubomore prema onome što je urađeno, ako treba da prepričam šta smo gore našli baruštinu i pokvarena vozila, u kakvom smo stanju našli Upravu, u kakvom smo stanju našli pijacu, u kakvom smo stanju našli vodovod, u kakvom smo stanju našli dugove. Možda je dugova toliko bilo gospođice. Dakle sad treba postaviti pitanje zašto je došlo do toga, kao i mnogih koje nikada nećemo ni naplatiti. Ja neću sad da govorim o razlozima zašto je to tako. Ja vas potpuno razumijem, tu vašu ljubomoru prema Komunalnom i možda je zbog vašeg dobra, u vašem interesu, možda bi bilo dobro da prekinete s tom praksom. Neće vam koristiti. Jer hodamo mi čaršijom, pa sve slušamo. Ovo Vaše gospodine Jašiću, to se kosi sa svakom povredom prava. Ja razumijem da je to vaš stil da pucate, da se dogovarate i tako dalje. Ali morate shvatiti jednom za sva vremena, da postoje ljudi koji imaju namjeru da pošteno svoj posao obave. I ja spadam u tu grupu ljudi i Načelnik spada u tu grupu i čitavo ovo vrijeme. Javno zahvaljujem gospodinu Jasminku Kapiću i javno zahvaljujem gospodinu Načelniku što su ove dvije godine, zajedno sa mnom uspjeli 300 hiljada KM donacije dobiti. Jedva smo dobili. A ja sam zahvatio mandat i gospodina Miralema Galijaševića. Jedva smo dobili 25

hiljada KM, nismo mogli manje. Dobili smo upravo onoliko koliko su dobili drugi najmanje dobili. Prema tome, morate shvatiti jednom da stvari, govorim vam za vaše dobro. Ja neću više izlaziti, ali ipak ne smijete tako draga gospođice izaći i iznositi neistine, makar, kažem prema Vašoj fizionomiji. To ipak vjera ne dozvoljava da se tako govori i tako dalje.

Vijećnica Šefka Hasanić, ovaj se put nisam htjela javljati s mjesta, ali zaista je ovo izlaganje direktora i odnosa prema vijećnicima zaslužilo. Znači, predsjedavajuća niste upozorili nijednom jedinom gestom, rečenicom izlaganje direktora i obraćanje vijećnicima Kluba SDA. Kad smo tako transparentni i dobro društvo, mi smo u stanju obezbjediti ovo para da isfinansiramo sami direktni prihod, ovo bi bio direktni prihod u Općinu. Znači, vi tražite od nas da donesemo Odluku da vas oslobodimo direktnih prihoda koji idu u Budžet Općine.

Vijećnica Dženita Smajlović, ja moram da kažem da sam ja iznijela stav Kluba vijećnika SDA. Nema potrebe da se meni na takav način obraćate i nema potrebe da moju fizionomiju uopšte dovodite ovdje u bilo šta. To nije nikakav argumenat. Ovo meni nije nikakva prepreka kada se ja upuštam u rasprave. Ako sam pogriješila slobodno nas demantujte, argumentirano, nemam ništa protiv. Kao što je rekao gospodin Safet, izvinit ćemo se.

Predsjedavajuća, zaključujem raspravu po ovoj tački dnevnog reda, te ovu Odluku stavljam na glasanje.

Pauza Kluba SDA.

Vijećnik Safet Jašić, samo ćemo malo vratiti se unazad. Da ovo ima pravi osnov ovo što smo mi iznijeli je sledeće, ako se sjetimo na početku mandata novog direktora je bila priča: Ostavili ste pare, niste znali potrošiti. Milion maraka. Ljudi nemaju odijela, nemaju hateze opreme, nemaju ovo, nemaju ono, nemaju kamioni, prema tome ponovo pozivamo, ma kakav naš stav bio, vjerovatno će biti promijenjen, samo donesite nam drugačije podatke, nikad više nećemo ponoviti ovo. A ovo nek nam halali, nek nam oprostite ko god hoće, mi imamo ovakve podatke.

Predsjedavajuća, gospodine Jašiću, hajdemo ovako. Vi zatražite službeno nek Vam se službeno dostavi, ne možete iz diskusije dobiti taj podatak. Tražite službeno, nek Vam se službeno dostavi.

Stavljam na glasanje

Z A K L J U Č A K

6.1. Donosi se Odluka o učešću Općine Maglaj kao osnivača KJD u finansiranju izgradnje mliječne pijace na Tržnom centru u Maglaju, u visini vrijednosti naknada za uređenje građevinskog zemljišta i pogodnosti (rente).

Glasalo 14 glasova za : Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Hrnjić Armin (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović, samostalni vijećnici, Josip Jurišić (HDZ BiH),

Glasalo 11 glasova protiv: Adis Abdurahmanović, Edib Delić, Nedžad Alispahić, Selma Avdić, Mirsad Bejić, Hasanić Šefka, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

AD-7 Odluka o imenovanju zamjenskog člana Općinske izborne komisije

Ad-8 Rješenje o imenovanju sekretara Općinske izborne komisije za obavljanje administrativno-tehničkih poslova.

Emina Hasanić- uvodno izlaganje, Odluku o imenovanju zamjenskog člana Općinske izborne komisije imate u obrazloženju hronologiju, od momenta podnošenja ostavke gospođe Tee Zamboni do konačnog neprijavlivanja nikoga na Javni oglas i zahtjeva za imenovanje zamjenskog člana Općinske izborne komisije koji smo dobili od CIK-a, a dobili ste putem mail-a, a dobili ste i u printanoj verziji prije početka same sjednice. U Odluci u članu 2. stoji da mandat zamjenskog člana Općinske izborne komisije teče od dana davanja saglasnosti od strane Centralne izborne komisije BiH do izbora novog člana u postupku propisanom u članu 2.12. stav 5 Izbornog zakona BiH. U samom zahtjevu za imenovanje zamjenskog člana Općinske izborne komisije, u zadnjem redu piše da stoji do potvrđivanja, odnosno perioda potvrđivanja rezultata zvaničnih Lokalnih izbora 2020. godine. Tako da se samo taj tu dio ubacuje, mijenja ovaj dio ili da se ovaj dio izbora novog člana po postupku propisanog članom 2.12. stav 5 Izbornog zakona BiH stave u zagradu. A ovo da se stavi na period do potvrđivanja zvaničnih rezultata Lokalnih izbora 2020. godine. Nadam se da ste me razumjeli. U ovoj drugoj tački Rješenje o imenovanju sekretara Općinske izborne komisije za obavljanje administrativno-tehničkih poslova, mala tehnička greška gdje u članu 3. stoji „ sekretar Općinske izborne komisije imenovat će se na period proglašenja do potvrđivanja Općih“ treba da stoji Lokalnih izbora 2020. godine.

Otvaram raspravu.

Vijećnica Irena Herceg, Klub vijećnika SDP-a poštujući zakon, između ostalog nalaže ravnopravnost spolova. Znamo da Općinska izborna komisija ima trenutno dva člana muškog spola, predlažemo Muberu Havić za zamjenskog člana Općinske izborne komisije. Predložena je dala sve izjave koje se odnose na odredbe člana 2.3. Izbornog zakona BiH. Ispunjava sve uslove propisane Izbornim zakonom BiH i uputstvu o utvrđivanju kvalifikacije brojem, imenovanju i razrješenju i Odluci članova Izborne komisije, osnovne izborne jedinice BiH. Što se tiče sekretara Općinske izborne komisije, do sada je bila praksa da se za mjesto sekretara Općinske izborne komisije imenuje neko iz šehidskih porodica. Mi smo se između ostalog vodili i time, predlažemo Mirelu Mahmutagić za sekretara.

Predsjedavajuća, zaključujem raspravu, stavljam na glasanje

ZAKLJUČAK

7.1. Donosi se Odluka o imenovanju zamjenskog člana Općinske izborne komisije.

7.2. Imenuje se Mubera Havić za zamjenskog člana Općinske izborne komisije.

7.2. U članu 2. Briše se dio „izbora novog člana po postupku propisanom članom 2.12. stav (5) Izbornog zakona Bosne i Hercegovine“, a treba da stoji „do potvrđivanja rezultata Lokalnih izbora 2020. godine“

Glasalo 13 glasova za : Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Hrnjić Armin (SDP), Hajrudin Ferić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović, samostalni vijećnici.

Glasalo 12 glasova uzdržanih: Adis Abdurahmanović, Edib Delić, Nedžad Alispahić, Selma Avdić, Mirsad Bejić, Hasanić Šefka, Safet Jašić, Edina Jašić, Ermina Muminović, Dženita Smajlović (SDA), Josip Jurišić (HDZ BiH). Mustafa Buljubašić samostalni vijećnik.

Stavljam na glasanje,

ZAKLJUČAK

8.1. Donosi se Rješenje o imenovanju sekretara Općinske izborne komisije za obavljanje administrativno-tehničkih poslova.

8.2. U članu 3. Stav 1. briše se „Općih“, a treba da stoji „Lokalnih“.

Glasalo 13 glasova za : Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Hrnjić Armin (SDP), Hajrudin Ferić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović, samostalni vijećnici, Josip Jurišić (HDZ BiH).

Glasalo 12 glasova uzdržanih: Adis Abdurahmanović, Edib Delić, Nedžad Alispahić, Selma Avdić, Mirsad Bejić, Hasanić Šefka, Safet Jašić, Edina Jašić, Ermina Muminović, Dženita Smajlović (SDA), Josip Jurišić (HDZ BiH). Mustafa Buljubašić samostalni vijećnik.

Predsjedavajuća, zaključujem današnju sjednicu u 16,16 sati.

Zapisničar,
Arnela Tumbić

Sastavni dio zapisnika čini tonski zapis, a CD cjelokupne sjednice dobit će sve političke stranke koje participiraju u Općinskom vijeću Maglaj.

